


С(комн)
0-42
36729



Алексей ОДИНЦОВ

ПУЖЪЯВЛОМ
КӖДЗА



АЛЕКСЕЙ ОДИНЦОВ

0-42

ПУЖЪЯВЛӨМ
КӨДЗА

ЧЕЛЯДЬЛЫ ВИСТЬЯС

Сыктывкар
Коми книжнӧй издательство

1992

БИБЛИОТЕКА
Респ. историко-краев. Музея
Коми АССР
Сыктывкар.

84 Ко
О 42

Одинцов А. С.

О 42 Пужъявлөм кӧдза: Висьтъяс.— Сыктывкар: Коми книжнӧй издательство, 1992.— 112 л. б.

ISBN 5-7555-0367-2

Тшыгырысь, дзескыда, быд лунъя тӧждын олӧны-быдмӧны война ӧзъян восянь батыстӧг кольӧм ичӧтик грездса челядь. Некор лой найӧс лелькуйтнысӧ и шондӧ петӧмсянь пемдытӧдз колхозын мырсысь мамъясныслы. Но топыд ёртасьӧмыс, ӧта-мӧд вӧсна кыв кутӧмӧн тӧждысьӧмыс, гортса сьӧкыд уджъяс ӧтвыв бергӧдӧмыс шондӧ югӧръяс моз вынсьӧдисны пуж улӧ веськавлӧм том петасъяслысь — война биӧн чишкалӧм челядьлысь — вужъяссӧ.

84 Ко

О $\frac{4803310100 - 054}{M 128 (03) - 92}$ 24—92 м

ISBN 5-7555-0367-2

© А. С. Одинцов, 1992

КАЛЬСЫЯС *

Модя, орчча керкаын олысь зонка, бара эз пет Лунбок кыр вылө исласьны. Митерас грездса челядь, ми отлаын котралам Шожымса начальнӧй школаӧ. Гортӧ воӧм бӧрын — арлыд вылӧ видзӧдтӧг, ставӧн жӧ отчукӧрын — кодӧ лызя, кодӧ даддя, а посниджыкъяс и пӧвторыяӧсь да фанераторъяӧсь, кодлӧн мый эм, мый ки улас веськалӧма, исласям Лунбок кыр вылын, гажӧдчам, кӧм-паськӧм ротъям.

— Модяыд тай дзикӧдз эновтчис исласьӧмсьыс, мӧд рыт нин со оз вуджӧртчыв йӧз чукӧрас, а талун и школаас эз волы? Эз-ӧ висьмы? — юала Лида чойыслысь.

— Э-эз, — нюркнитӧ сийӧ, — гынкӧмыс розьдӧма. кӧмтӧгыс школаас оз мун, лунтыр дӧмсис... А ӧнӧ Валякӧд пукавны коли, — серӧктӧс.

Татшӧм ыджыд помканад учительница оз вид ӧти лун кольччылӧмысь, эскас и. Но меным эз эскыссьы.

Модя мейсь ыджыдджык, но первой классас кык во ветлис да ӧти парта сайын и пукалим. Буря ме тӧдӧ ассьым соседӧс, та вӧсна и эз эскыссьы.

«Ни розя кӧм, ни медичӧт чойыс эськӧ эз янсӧдны татшӧм гажсьыс Модяӧс. Кӧть сира гезйӧн кӧртав, орӧдчас, пышъяс гортсьыс да Лунбок кыр вылӧ медводдзаӧн на воас! — мӧвпыштсис менам. — Шойччан лунӧ сӧмын брӧд кӧтасьӧм гачсӧ вежны пыралас — бара нин кыр вылын ляппаа... Валяыскӧд пукалысь кодъ тай!»

*Кальсы — уркай.

Отчуд весиг мамыслысь юбкасö вöли пасьталöма да ис-
ласьö, серам петкöдлö:

«Став гачöс нин талун кöтöдi, а исласьöмысь, гажсь-
ыс, эг на пöт!»— вашъялö.

Мыйкö мöдтор на падмöдiс сийöс... Валя чойыс, квайт
арöса нывка, лунтыр öтнас олö, каньыскöд мойдчö. Не-
кор эз ковлы видзысь, сёрни эг кывлы... Ылöдчöны чоя-
вока!»

Пемдытöдз ислалiм Лунбок кыр йывсянь. Лым пиас
усялöмысь-туплясьöмысь паськöмным кöтасис, йизис,
тура-торакылö, но эз тай пырсьы гортаным. Öти исков-
тö: «Медбөръяысь!»— горöдö. Мöд да коймöд сийö жö
шуöны, а кыр йылас каясны да, кодкö усьöма кö, «та-
ляла-а!» горöдасны и бара увлань тöвзьюны. Кодкö ко-
дöскö зильö люкавны, суöдны, тiмбыльтны лым пиас.
Сiдзи «медбөръяысьыс» быдөнлөн дасысь, а то и кызь-
ысь на лö.

Школаын велöдчытöдз на Опонь дед меным да Веня
внукуслы борд кодь кокныд да гылыд дадыяс вöчлис.
Стеклö моз волялöм сювъясаöсь, медся ылöдз нуö да
оз, майбыр, дышöд сийөн исласьнытö. Ме ог жö тэрмась
йöзсьыс водз гортö мунны. Медбөръяяс лыдын рöмыдөн
вои кильчö дорö. Видзöда: пывсянö нуöдан туйнымöс
ичöt тушаа лызя морт вомöналö. Пищальтöм. Вöрасыс,
мыгöрыс тöдсакодь.

— Э-эй, дядьö! Мый кыйин-луйин?— гораа чукöста
мунысьöс.

Лызя шай-паймунi, вильдiс пода туй юж вылас кайи-
гөн, мыйкö ропкыштiс да бурткысис-уси лым пиас, пур-
тикасьö, чеччыны кöсийö.

«Модя!»— гөлөссö тöдi да котöртi сы дiнö.

— Но-но-о-о! Модя тай вöлöма! Валятö видзысь!
Ха-ха-ха! Прöмышленник вöлöмыд? Ылöдчаннуд чоя-
вока, öтвылысь? Шышъяс-шпионъяс! Школаад эн во-
лыни? Мый нö кыйин-луйин, гусялин? Н-но-око, Модестуш-
ко, висьтась?

— Ачуд тэ прöмышленник!— скöрысь вочавидзис
Модя.— Чеччыла вот!

— Ог өд сет чеччынытö, висьтась да сэки и чеччан.

«Прöмышленник» кывнас ми вежöртлiм вöрын сiдз-тадз, пищальтöг шöйтысь дядьöясöс да тшöтш и шышъ-ясöс, и курöг варышъясöс — став лёк вöчысьсö. Модя, дерт, гөгөрвоис: прöмышленникнас, шышнас, сiйöс шмонитöмөн шуöны. Сiйö немтор эз гусяв да, сiдзкö, и туйсö оз вöли ков потшны, мисьтöм нимсö кövъявны. Эз во тайö сьöлöм вылас, пузис, öдйö мынтöдис öти кинас (мöдыс лым пиö сатшöма) веськыд коксьыс лямпа пövсö, да мыйлакö öти, веськыд, кинас жö сöмын кутчысис и шуйга коксьыс лямпа кövсö разьны. Қи пövнас уджалiс, кöть öни пидзöсьяс вылас нин сувтiс да кыкнан киыс прöст вöли. Öти кинас прать кövйыслысь гөрöдсö ноксьö-разьö, а мöд кисö бокас шлап лэдзöмөн кутö, видзöда да.

— Көн нö вöлин, прöмышленник, висьтась, мый ваян?

— Ме вот тэныд! Петкöдла ме тэныд прöмышленник! «Қытчö ветлiн, мый ваян?— нерыштiс.— Кутшöм тэныд делö! Нинöм тэныд ог вай!

Мынiс кö лямпа кöлыс, дерт, менö пурис эськö ыджыдджыкыд. Ме сiйöс йötкыштi бок вылас. Но Модя веськыд кинас удитiс тшапнитны паськöм пöлаöd, кыс-кыштiс асланьыс да ме вомöнаси-уси сы вылö. Қокöй, лымъяс вöйи да, веськалiс лямпа улас.

— Ч-час, петкöдла туй потшысьлы «прöмышленник»!— пошкис-чапасис Модя, зiлис шыбитны ас вывсьыс, личкыны.

Сiйö кöть и вынаджык вöли, но кузь лямпа пöлыс сыттö капканö шедöма: ни öтарö, ни мöдарö оз вермы бергöдчыны.

— Петсьöма öни тэнад ме улысь... Вот та-адз!— мышланьыс кусыньтi шуйга кисö.— Приц моз пленö сюрин! Öни он мын!

— О-о-ой-о-ой! Виан!— лövтыштiс Модя.

— Ог ви, эн пов!— вашъяла.— Сдайтчы, висьтась, кытчö ветлiн, мый ваян, да лэдза... Көр али мир?

— А кö-өр кö? Сэки мы-ый?— ружöктiс Модя, выныштчис да тököтьö эз мынтöдчы.

Бурджыка лажыньтчи Модя вылө да бара песовтышти кисö.

— Он мы-ын, көть войбыд пессьы! Қөр али мир?— И бара топөдышти Модялысь шуйга кисö, шамыртлі чунь помъяссö кепысь йылöдыс.

Ки улын мыйкө кыліс небыд, быттьö вата сюялөма кепыяс, весиг, кылі, вөрöшитчыштіс ёкмылыс.

— Мый кепысь пиад ваян?

— Ой, виан! С-сэні кальсыяс!

Шожымса зонкаяс пөвстысь öткымынөн кыйисны да сөйисны уркайясöс шыдөн, а миян грездын некод эз. Опонь дед эз тшөктывлы. Найö пö уръясöс рөдмөдысьяс, кольсö гылөдöны, уръяслы сөян запас вөчöны, шома коль, кор урожайыс пуясас абу.

— Ак тэ, Галка пи! Кальсы шыд вылө вуджин?!

— Да э-эг!— кевмысис Модя.— Валялөн төварышыс, каньным, кулі... Каньпиöс быдтам, муртса синмассьöма... йöлыс абу, мыйөн вердам?.. Дзугъяс вөчалі... Кык кальсы кыйи... Гашкө, сөйны кутас каньпиным? Қартупель печеньөн да кыдъя няньөн сійöс он верд. Нинөм оз сөй...

— А мый нö эськө веськыда эн висьтав? Петкөдлан?

— Петкөдла, гортын... Каньписö петкөдла и... Зэв мича, гөрда-сьода-еджыда — куим рөма гөна... Шожымысь, Дарья Коль гөтыр сетіс...

Ме чеччөді Модяös, пыркөді сы вылысь лымсö, босьті пельпом вылө лямпаяссö да, туй юж вывті нин, мөдөдчим соседьясö. Модя лэдзалис керкаас уркайясöс. Найö, быттьö бобувьяс, жбыр лэбисны. Öти, турунвиж рөмаыс, пуксис занавессö кутысь сутуга вылас, а сэсся и мөдыс, шпоркъяліс-шпоркъяліс да,— сыкөд орччөн. Пошиктöны. Кепысь пытшкас дзикөдз жаялөмаöсь. Шойччöны.

Уркайястö, миян пармаын төв и гожөм олöны да, ме унаысь аддзывлі. Эныс турунвиж воробей кодь, неуна сöмын пушкырджык да дженьыдджык, та вöсна гөгрөс-джыкөн кажитчö. Ай уркайыс жонь вылө ёна мунö, но морöсыс абу кумач гөрд, а муговджык, кирпич рөма, мыш вылыс руд, коз коллысь сьökыд торйөдны.

Тайо пыста кодъ визув ичотик лэбачьяссö некод-код он сорав: креста ныраоьс да. Колляджык козьяс гогор вердчигас и гартчоны. Гөлөсныс ёсь, быттьо огыра шом вао гылөдоны: «Чип-чип-чип-чип!»

Модяон кыйом лэбачьяс эз вöвны öшинь улö воылысь уркайяс кодьось. Тайояс ичотджыкось. Эныс рудов жö, но ёнджыка турунвиж рöма, весиг бордьясыс турунвижось, а абу рудось. Бордьяссö вывтыс, визяордалысь мыш вывсö моз, сьод визьяс накөсалоны. Айыс и дзик аддзывлытöм рöма: морöсыс югид, кисьмöм гөрд сэтөр кодъ, борд помьясыс эныслөн кодьось жö, турунвижось. Но борд вылас абу нин сьод, а кык еджыд визьон; бөжсö он и куж висьтавны — көклөн кодъ али сьөлалөн кодьджык. Мышсянныс кө видзодны, лэбачыс ёнджыка сера сизь вылө мунö, водзянныс — ёнджыка жонь вылө. Дивö кодъ тай!

— Абу жö тайо кальсы?! Кыйомыд, а ачыд он тöд кодös! Кальсы пö, шуан жö!

— А кодi нö? Видзодлы нырсö: креста...

Видзöда, ныръясыс и збылысь кыкнанныслөн креста. Матыстчыштi лэбачьяслань.

«Кле-кле!— видчыштіс айыс, эн пö вөрзьод мянös.— Кле-кле!»

— Збыль кө кальсыяс-а? А мыйла нö сераоьс? Татшöмьяссö тай нö ме эг на аддзыв. Сера бордья кальсыяс? Хы?— юала Модялысь.

— Ме эг жö. Мөд рöдысь, буди, но — кальсыяс... А тöдан кө, шедісны кыдзи! Велög бокö сутшкөм векни дзуг вылысь вижыс увланыюрасис да кутіс брыкйысьны, а этайö, сера бордьяыс, меысь ли, пöлыслөн шпорөдчöмысь ли, повзис да лэбзылыс орчча козийö. Сэссия «фур-фур» бөр лэччис да веськыда дзуг вылө пуксис, чеччаліс-чеччаліс, ачыс вöv бөж сиас пысасис да эныскөд орччөн увланы юрөн жö и öшйис. И оз öд асьсö мезды-жбыръяв, а эныслысь коксыс домөдсö кокалө, ородны сійös көсийö. Медпервойон и йөртi кепысь пытшкө.

— Сэсса нө мый! Чик башка али мый косьян вочны татшөм мича лэбачьяссө?

— Ог. Каньпилы сета... Сійө ачыс, лэчыд гыжнас, ёсь пиньяснас...

— А көнi нө каньпиыд?

— Комнатаын, этанi, өдзөс саяс... А гашкө, чардакө Валя катөдiс.— Модя восьтыліс комната өдзөссө — сэ-ни вөлі пемыд.— Чардакынөсь... Кайлам...

Юрнас Модя восьтіс вылыс судтаас пыртөдысь джоджсяныыс вывлань воссысь өдзөссө:

— Лок, Пашө, кай ме бөрся,— корө менө.

Лида пызан саяс гижис. Сылөн ичөт чойыс, Валяыс, жөвьяліс джодж кузяыс, каньписө морөс бердас топөдөма, да сыліс-мойдiс:

— Өв-вө, өв-вө, чиса-чис, Модя ваяс ням, ням, ням...

— Локті, локті, Валечка, Модьө вокыс, кальсыяс вайи Муркаыдлы...

— Кальсыяс! Кы-ыйин?— пыр жө ручкасө жбутнитіс-пуктіс Лида.— Петкөдлы, Модя-а... Ылөдлан?..

— Сэ-эни, уліас... Да энлы т-тэ-э!— өтдортыштіс чойсө Модя.— Вайлы татчө каньпитө. Валя, лэччыламө уліас... Исөдла... Вувзысыс да вур-вар, көнкө, гөнсө кутас нистыны-мурзыны.

Ставөн лэччим улө. Уркайяс, уна йөзтө аддзисены да, кутісны лэбавны пуксьывтөг. Сэсса энныс жмуткысис веськыда өшинь стеклөас да пасьмуні-уси джоджас. Модя матыстіс сы дiнө каньписө. Но муртса на синмассьөм Муркалы уркайыд вөлі веськодь.

— Уськөдчы но, кут но кальсысө... Тэныд өд вайи...

«Чип-чип!»— нор гөлөсөн шыасис уркай да бөр жбыркнитіс занавес вылө.

Каньпи весьөпөрліс да прысьнитіс-пырис лабич улас. Модя ещө матөдліс сійөс кыйдөс дорас, но сөмын ёнджыка повзьөдiс ичөттө.

— Со тай, кыйсысь!— эз кажитчы тайө Модялы.— Исав но, исав, сюсьджыкөн, пелькджыкөн ло... Шыр кыйысь өд быдман...

Но каньпи нявзіс, зіліс дзэбсьыны да, кызд кӧть эз кесійодлы Модя, сӧмын ёнджыка кутіс повны.

Сэсся Валялы повзём каньпиыс жаль лоис да ӧдйӧ бӧр катӧдіс сійӧс вылі судтаас.

— Ичӧт на... Вир дукуыс кӧ эськӧ вомас волас, сёйны кутас да,— шуис Модя.— Йӧв кӧ эськӧ вӧлі... Мӧсным вот сулалӧ... Вӧлі кӧ йӧлыс, нокси ӧмӧй эськӧ этайӧсясӧн.

— И мян оз лысьты,— жальпырысь шуи ме,— вежон кык на пӧ, мам шуӧ, оз вайсьы.

— А гашкӧ нӧ жаритны да сідз кутас сёйны? Дзугъяс эськӧ содтышта да кыкнан кепысь тыр кута ваявны.

Жальӧсь меным лоисны уркайясыс.

— А кывзы, Модя... Кӧза йӧв кӧ сетыштавны каньпиыдлы? Розалысь... Этшаник лысьтӧ, гырнич мында сӧмын, но кружка йӧвтӧ позьӧ лишӧдны. Ассьым пайӧс кута сетны!— юрӧ воис мича уркайясӧс мездан мӧвп. Завидь лои и: Модялы со кутшӧм мича кальсыяс шедӧмаӧсь. Сетас кӧ, ме эськӧ гортын найӧс куті видзны.

— Видзӧдлам,— сӧгласитчис Модя,— ӧні и ветлам... Сетан йӧвсӧ?

— Сета,— кӧсйыси ме.— Сӧмын... кальсыястӧ эн изведит... Нуам мянӧ. Олыштасны — бӧр лэдзам. Татшӧмъяссӧ он жӧ убӧлит... Но?

И со, Модялӧн питшӧгас уркайяс, мӧдӧдчим мянӧ. Восьлалам туй вывті, а меным и думнӧ лои.

«А мыйла эськӧ и нуӧда тайӧ ыкшакодъ зонкасӧ, коді школаысь локтігъясӧ тшӧкыда туплявлӧ менӧ лымйын. Ёрт жӧ эськӧ, кӧть абу Веня кодъ, но тӧварыш жӧ меным Модяыс, но вирным озджык лӧсяв: тшӧкыда пуркӧшитчывлам. И со, нуӧда ме сійӧс гортӧ, йӧв на кӧсйыси сетны этшасъыс-абутӧмсьыс, ачымӧс кӧсья пайкыны-удзӧдны. А мый на ещӧ шуасны чойяс — Рая да Сая? Найӧ ӧд меысь ыджыдджыкӧсь, сувтасны кӧ паныд. Модялы и йӧвтӧг на лоӧ мунны. Но ӧд сэки сійӧ кальсыяссӧ бӧр нуас? Сэки нин збыль жаритас! Сылӧн прӧмыс — сійӧ и кӧзяиныс... А вывті жӧ нин мичаӧсь лэ-

бачьясы! Олісны эськө гожьян жырйын, гажөдісны менө! Модякөд артмөдчим нин, чойяскөд коли ладмөдчыны... Гашкө нө, гусьон Модяыслы йөвсө кызкө-мыйкө удайтчас сетны? А сэсса и чойясө, мича лэбачьясыс жальөсь лооны да, и асьныс оз сувтны паныд, медым уркайясыс олісны мянын».

Вөлі мыйысь майшасыны: завидьлун топөдіс, и, этшасыс, йөлыс жаль.

— Вот мый, Модя,— шыаси,— олан жырйө первой ог и пырөй, а веськыда — гожсяө... Истөгыс эм, сись и. Лэдзам сэтчө кальсыястө, а сэсса нин йөвсө кызкө-мыйкө... Чойяслы эн висьтав, мыйла локтин. Сёрнит накөд мыйкө мөдтор йылысь, ылөдлы...

— Но-о, тадзтө кө!— нюркнитіс Модя.— Пөрьялан дай?

— Ог жө пөрьяв, көсийси нин да!.. Чойясысь талун гусьон сета, а сэсса кута быд лун вайыштавны кружкаөн. Но, сёрнитчим?

Сідзи и вөчим. Гусьон, мед оз дзуркнит, вості кильчө өдзөс, кань моз, шытөг пыралім гожьянінө да пыді жырьяс лэдзи уркайясөс. Сись эг и өзтлөй. Уркайяс истөг тув бион аддзисны аслыныс узян местасө сёр вылысь. А сэсса шытөг бөр пөдлалім овтөм жыр да пырим керкаө.

Менам шудторйөй вөлыштөма на: чойяс вугыртөмаөсь паччөрө. Ичөт бион өзйысь карасина лампа сулаліс пызан шөрын.

— Ш-ш-ш,— шөпниті Модялы.— Дзик пыр...

Пыри гөбөчө, истөгөн колсейөдча. Модя видзөдө ме ылө өдзөс розьөдыс. Аддзи асья лысьтөм йөв тыра кринча, петкөді инпөлө, босьті пань, көсья вештыштны, кутыштны сливкисө, кринчасө дорвывтышти кружка вестө.

— Но-но-о-о! Вай бөр кальсыяссө! Меным бара и лөз йөлыд оз ков!— мөдіс пыксыны Модя.— Кисьтасьө, сольйөдчө!..

— А мый нө тэд колө? Ставнас? Кринча тырыс? Каньпиторйөдлы?

— А ачюд вöлі шуан: сета, сета!— нерыштіс Модя.—
Вай бөр, сідзкө, кальсыяссö!

Быдса кринчаыд эськө жаль вöлі абутөм йөвсьыд,
но корис кö Модя кык кринча и сійöс на эськө сеті, но
сöмын эг уркайясöс... Сэссия и полі: кыпöдас Модя
зык — чойяс садьмасны, ставыс эрдö петас дзык пыр
жö.

— На,— шуи,— ну, да мунігмозыд эн кисьт... Тыр-
төм кринчасö аски рыт ачым бөрсö нуа, кор йөвтö вая...
лемень кружкаөн лун, кызди сёрнитчылім, ассьым рытя
пайöс быд лун мöда вайны.

Модя дөвöльпырысь петіс миянысь.

Асывнас чеччи водз. Школаö мунтöдз колö вöлі ур-
кайяслы мыйкө сёйны лун кежлас лөсьöдны, а мый —
эг төд. Уркайясыд абу кöзаыд, турун да помöй он сет.
Мамлөн скötös вöдитігкості, чойяс узигөн на, петі гожь-
ян жырйö, öзті сись. Уркайяс борд на борд пушкырт-
чöмаöсь сёр вылö, узьöны, пемыд на да. Син улö уси
анькытш тыра шердын. Кырымөн сяркөдчышті шердын
весьтын анькытшнас.

«Оз, тайö сёяныд кальсыяслы оз туй. Гырысь тусьяс-
ыс, виньдасны ещö,— мөвпышті тадзи да шердынсö вевт-
ти тыртөм мешöкөн:— Мый нö эськө туянаыс? Ид? Сі-
йö, пöжалуй, шогмас... Чумалиысь тай арнас кеняяс
шепсö новлöны да тшöтш и посни лэбачыс чумали бo-
кас тырыс пукалöны, тусьяссö кокалöны».

Мешöкысь босьті содз ид да кисьталі-разöді öшинь
ворьясö.

«Мый эськө ещö сетыштны?— мөвпала.— Шöна?
Позьö, позьö! Самöй пыста кодь лэбачьяслы кокалан-
тор!»

Гöбöчын ичötик мешöкторйын вöлі неуна проса шы-
дöс. Мам сэтысь празникъяс дырйи рок пулывліс йö-
лөн. Виль во кежлö чашка-мөд видзыштö на... Пыралі
да чашка тыр петкөді, öшинь ворйö жö кисьталі. Гöбö-
чысь чашканас жö пув петкөді и.

«Сор вылас быдторсö лои кисьтыштöма ворьясас...
Сэссия нинөм абу, но тась мыйкө позьö нин бөрийны-ко-

кавны,— бурмис сьёлёмой.— Ваыс оз ков. Ломтывтём керкаын ваыд кынмас, а өшиньясас гыёрыс тырмымён со, чунь кызта...»

Ставсё тайёс вёчи тэрмасьёмён. Сэссия, кусоді сиськёс да, некод эз и тёдлы, бёр пыри тøvъян жырйё. Пачысь кыскалі бекар тыр картупель печень, нурьясьышти да чойяс чеччытөдз гортса уджёс на удиті вёчны. Сідз, тышкас-мышкас эськё, но видзөдлас кё учительница — вөчёма... Рытнас, тайё уркайясөн, и урокьяс йылысь вунөді.

Школаё гортысь петі водз, медым Модяясё пыравны, туяс өтлаын лөсьөдчыны. Од мыйта чукөрмис сёрниыс! Пыри — ставён пукалісны пызан саяс. Менё на тшөтш вөлі пуксьөдоны, но кытчө нё, сөмын на пызан сайысь да...

— Шогмис-ё нё каньпиыдлы йёлыс?— юала Модялысь.— Абу-ё шоммёма, шоныдкодь гөббөчным да?

— Кыдз нё эз! Пузьөдім да, көдзөдім да, пыр и сетім блюйдё.

— Пейво вөлі пыксьё, матыстам да. Бая, думайтё, кальсыяснад сійёс кутасны повзьөдлыны,— сёрниё пырөдчис-пыскыляліс ичөт Валя.— А сэссия тай! Блюдьяс ныйсё инмөдліс да, сэссия тай! Кутшөм өдийё кутіс лакны. Пйысьялёмөн-виньдалёмөн мөдіс сёйны, сеям быдөн петкөдліс... Блюдсё куштис да кынөмыс шай кодь лои. Талун нин вейдыштім и... Оні, пөтіс да, бая паччөй вылө водіс...

— Паччөй вылө, паччөй вылө... Сёй, удзөдам!— өлөдіс варовмём чойсё Лида.— Тшыгмас, да вердышт, блюдыяс йөвсё кисьтышт да...

— Вейда,— бара пыскыльтыштіс Валя да босьтіс вунөдлём паньсё.

Мунігмоз чукөстім Веняёс да сэссия, нывкаясысь кольчыштөмөн, мөдөдчим школаё.

— Тіян эськё, шуан, каньпиыд сёйё, но вот кальсыяс налы кольёмасё сёясны оз?— Модясын эг кут виставлыны, мися, гожъян керка өшинь ворьясё кисьталі,

мый аддзи да мый ки улö веськаліс, öні, öтнанным колім да, висьталі.

— Мый нö эськö сэтшöмсö налы сёйнысö сетін?— юаліс Модя.

— Мый вöлі налы туянаыс. Анькытш эг лысьт сетны... Виньдасны, повзи... Содз ид öшинь ворьясö кисьті... Но, шöнатор — чашкаөн... Пув чашка на тшöтш и...

— Шö-öна-а? Ха-ха-ха-ха! Пашö жö тэ, Пашö эськö да!— кутіс серавны Модя.— Қальсыясыд öд абу воробейяс, найö абу шöна сёйысыяс... Идтор тшöтш и? Ха-ха-ха!

— Мый нö эськö мем колö вöлі налы кольнысö? Пуöм картофель ли мый? Ачyd кöнкö он тöд, а сералан?

— Шуан жö! Қальсыясыд коль кöйдыс сёйöны!.. Вот!..

— А меным сійö и юрö эз воны... Син улö эз веськав абуыс да... Мый нö эськö öні лöö? Куласны тшыгённад? Гашкö, школаас ог мун да? Мешök босьта да вoтышта кольсö пывсян сайысь?

— Оз туй сідзнадтö... Нетшкöм кольсыд налы кöйдысыс оз сюр, гыжъяснаныс некытчö кутчысьнысö, коллыыс бергавны сöмын кок улас мöдас... Пессясны, пессясны, а öти кöйдыс воманыс оз сюр. Эн öмöй нö аддзыв, кыдзи кальсыясыс вердчöны? Эк тэ! Пунас колö вайны!

— Сідзкö, и пунас вая...

— Рытнас куимөн вöрас ветлам... Öти луннад нинöм оз лоны... Бурджык на, тшыгмасны да öдйöджык на сёянас кутчыясны...

— Ветлам,— окотапырысь кöсйысис и Веня.— Модя прав, кальсыястö коль кöйдысөн колö вердны. Кык-куим колля пу йыв ваям да налы дыр тырмас...

Мый уркайяс сёйöны, ме унаысь аддзывлі, но вот колана пöраад дзикöдз вуніс, мыйөн вердны найöс.

Öшинь улын мяян ыджыд коз быдмö; уркайяс тшöкыда гöститны сэтчö воывлісны, быдса кельöб, столöвöйö моз.

Сэки ме ставсö вунöдла, нимкодяся наён: зэв нин тешкодя вердчöны. Пукалö уркай коз пу вылын, юрсö пöльнöдлö, ёсь видзöдласнас корсьö мичаджык коль и

друг — вошö син улысь, көть лэбöмсö эг аддзыв. А сійö абу и көсйöма лэбззынысö, вердчö.

Кольяс вылас сюся видзöдi-видзöдi, да öти вөрны кутіс. Сы серти и лэбачсö бөр аддзи: увлань юра пукалö коль вылас, видзöда, верзьöмөн, бордъяснас топöдöма, гыжъяснас заас кутчысьöма, нырнас сьöмйысьö, көйдыс-сö перъялö. Öшалас-öшалас тадзи да кольнас и ставнас увлань — брут: орö кольсьыс заыс. Дзик нин му бердас мынтöдчас да бара пу йылö жбыркнитас.

Öтчыд усн тадзи да лым пытшкөдзыс тутіс. Видзöда посводз öшинь пыр — оз пет лым письыс. «Прöпадитіс öд, прöпадитіс йöюкыд! — уськөдчи ывлаö, дінöдзыс лым-ті соби — кепысьтöм, шапкатöм. — Пöдi, пöдi лымъяс кальсыс!»

Абу жö сы выйöдз лöма: шпорödчис-шпорödчис да мынтöдчис жö сэсся лым письыс, дзик ки улысь жбыркнитіс.

Тайö лунас, школаысь воöm бöрын, сійö воас гашкө медводдзаысь, зонпоснияс пöвстысь сöмын ми — Модя, Веня, а накöд и ме — эг аддзылöй Лунбок кырйывса гажсö. Коді көлöба, кодi ид няня, Модя да Веня здук мысти вöлісны нин ме ордын. Лызяёсь-лямпааёсь. Венялөн киняулас лэчыд чер. Ме эг жö удит нуръясьыштны.

Колля пула мунтöдз медпервой пыралім уркайяс дорö. Миянöс аддзöм бöрын найö öшинь тасъяс вылысь жбыркнитісны пöлать сёр вылö.

— Ставсö, мый кольлі, сёйöмаёсь! — радлышти, öшинь воръяс кушöсь да.

— Сёйöмаёсь, сейöмаёсь! — серöктіс Модя. — Видзöдлы лабич улад. Ставсö койöмаёсь-лэдзöмаёсь.

Видзöдлі — збыльысь, став вöлöгаыс джоджын, лабич улын...

Веня абу на жö аддзылöма татшöм лэбачьяссö. Этша и нимкодясис-дивуйтчис, но сувтіс Модя дор:

— Кальсыяс!..

Куим друг лызясим да Модя велöг дорö мунім. Сюся вöчöма кыйсян угодыёсö Модя: лымсьыс ылöдз тыда-

лана мыльк эрд вылө зырийөн вөчөма — велөгьыс тайё. Вывсө да бокъяссө кудзён вижөдөма-киськалөма... Сямыс тырмөма ылөгтө вөчны. Куим дзуг — медвывсаыс креста, а бокөвөйясыс — векни сёръяс. Но эз велөг вылас, а бокас, коз улө найөс сутшкөма. Мед пө ковтөг лэбачьяссө не губитны: рытнас босьталөма дзугьяссө, мед оз кыйны. Кулөмаыд пө и каньыдлы оз шогмы.

Кералім кык медколля козпийан да гортө югыдөн на и воим. Венякөд ми коз йывъяссө пельпомъяс вылын вайим, а Модя — миянлысь лызь бедьяс да Венялысь черсө.

Гортын некод эз вөв. Чойяс, сідзкө, Лунбок кыр вылынөсь, либө көнкө соседъясынөсь. Миян сійө и вөлі колө: вөля-доля. Пыртім коз йывъяссө уркайясөс видзан жырйө. Кыша-кашакылөмысь найө весьөпөрлісны да дзебсисны сёр вылө.

Вайөм коз йывъяс крепитім вывлань кокъясөн бергөдөм табуреткаяс пытшкө, көртыштім вөсньыдик гезторьясөн.

— Локтөй ортсы жыръяс петаламөй,— кори ме Веняөс да Модяөс.— Чөв пукалөй, ас кежаныс кольөны да, видзөдлам, мый кутасны вөчны.

Нарошнө грымгөмөн петім, быттьө дзикөдз мунам. Ме пөдлалі өдзөс. Пуксим лабичө, чөв усим. Стеклөа өдзөс пырыс югыд өшинь водзын коз йывъяс миян бура тыдалөны.

Здук и коли, сера бордъя уркай жбыркнитіс-локтіс коз йылө, чеччыштіс улысджык лап вылас, копыртіс юрсө, катласыштіс истөг тув кызта кокъяс вылас, чеччалыштіс, а сэсся ёлка чача моз өшйис коль вылас увлань юрөн, сывъяліс сійөс бордьяснас дзик сідз жө, кыдзи и өшинь ув коз вылө волывлысь уркайяс, да зіля мөдіс киллысыны.

Энь уркайсө эз жө ковмы дыр виччысыны. Пыр жө и локтіс, айыс моз жө увланьюрасис да киллысысь, пөвсыс кольччитөг.

Любөысла клоп-клоп варті киясөн.

«Чип-чип-чип-чип-чип!»— шызисны уркайяс.

Шы ни төв пуксим, да уркайяс тэрмасьомөн водзё кутісны тыртны ассыныс зобьяссё. Здук киллысысны-бергёдласны кольсё, чилснитасны-орёдасны лэчыд гыжнаныс джынвыйё тыртёммасё да мёд вылө нин өшйөдчөны.

— Пыр и велалісны невөляд!— дивуйтчыштіс Веня.— Быттё гортаныс, асланыс пармаас киллысысьоны.

— Тшыгмисны,— вочавидзис Модя.

Коркё рөмдігас петім уркайяс дорысь. Өти козсё часөн и куштісны, а сэсся лыс лап вылас орччөн и узымөдчисны.

— Аддылін, мый налы колө, а тэ шөнаөн вердан!— серөктіс Модя.— Тайён и мөдан водзё вылө вердны, тані узытөдлыны.

— А уна пу ковмас тшыкөдны таянлы, видзны кө дырджык!— Модяөс да Веняөс колльөдігөн шуи ме.

— Тэ, Пашё, мыйысь оз ков эн маитчы! Йөвтө эн вунөд, мынты кальсыясыыд налогтө, мед и миян каньпи тшыг эз ло,— дөвөльпырысь серөктіс Модя.— Ме Марья тьөткөд сёрнита... Керсё кыскалан вөвнас вөрсьыс быд лун тыртём доддьөн локтө... Дзоля бөж доддяс колляджык кык-куим коз йыв көртыштас — өшинь улөдзыд ваяс. Аттьө на висьталас, өшинь увсьыс кө пессё пилитам-поткөдлам, тэчам.

— Көть аски жө и петалам пилитчынысө, молодец тэ, Модя!— топыда кутлі сылысь кисө.

Пемдөм бөрас нин локтісны чойяс.

— Тэ тай нө, Пашё, пөрьясян!— өдзөс восьтігкостіыс на и крапкис Рая.— Гусьён кальсыясөс видзан, а миянлы он и петкөдлы!.. Ноко, сей жө час! Видзөдтө, кутшөм дзебаса морт, гождьян комнатаө овмөдөма, а некодлы оз и висьтав!

— А энө юалөй да... Мыйён нө ме төда, көсьянный ті видзөдлыны кальсыяссө либө он?

— Эн вашьяв, мөдім!— шуис чойё.— Саньё, босьтлы лампасө.

Югыд биён пырим да, уркайяс кыпөдчыштісны кокьяс выланыс.

«Чип-чип-чип!— шуис эньыс.— Повзьодчысьяс воисны!»

«Кле-кле-кле!— скöрысьджык нин шыасис айыс, еджыд бордъяяс.— Эн лысьтöй вöрзьöдны мянöс!»

— А ку-тшöм мич-ча-öсь,— вашнитис Саня.— Мед мяннын и оласны...

— Мичаöсь,— воча шöпнитис Рая.— Мед олöны, мамыд кö оз кут видчыны.

— А вайö öтвыв корамöй,— шыаси ме.— Недыр видзыштны.

Петигөн топыда пöдлалим öдзöсьяс, да ме стрöжити:

— Смотри, каньтö татчö эн лэдзöй! Сёяс кыкнаннысö.

Мам, висьталим да, кöритыштитис вöрса посни лэбачöс невöляын видзöмысь, жалитыштитис найöс:

— Зэв тай эськö мичаöсь, но вöрын чужысьыд абу керка-картаын олысьяс. Бөр колö лэдзны...

— А ми дырсö ог и видзöй. Недыр олыштасны да бөр лэдзам,— кöсьысим мамлы чоя-вокаяс.— Тэ, мамö, кор гождьян жыръяд петалан, сöмын каньтö сэтчö эн лэдз... Но?— кевмыся ме.

— Мый тэ, пиö? Каньöс ог жö лэдз! Тöда öд сылысь öбичасö.

Тадзи овмöдчисны мянö уркайяс.

Мöд луннас ми бара кык коз йыв вайим, водза лунсясö уркайяс öти колльöдз чирйöмаöсь-гылöдöмаöсь да. Сийö луннас, школаысь воём бöрын Лунбок кыр йылö некод эз петав исласьны. Пукалим мяннын зонкаяс и нывкаяс, видзöдим, кызди уркайяс зильöны-пöткөдчöны.

Пöшти пемдытöдзыс киллысисны, а сэсся лэччисны öшиньö, тэрмасьöмөн кокалисны стеклö вывсьыс гыöрсö да бөр пуксисны-куткыртчисны съод войсö коллявны коз лап вылö, а эз пöлать сёр вылö.

А сэсся колля коз йывъяс Марья тьöt кутис вöв дод-дяс быд рыт вайны. Бур вöрад, пöрöдчанинас, кольясыс гырыся артмöмаöсь, кызöсь, пöшти менам весът кузя-öсь, а лапъяс вылас, пучер бердас ройыс лöz кудель моз öшйöма. Коз лыскыс — мөслы кок-ув-вольöс — вö-

рõ ветлытõг кутис гортõ воны. Петкõда ывлаõ коз пу йывъяссõ, коса пуртõн чалля посниа, а мам вõдитчигас картаõ, мõс кок улас шыбитыштõ. А пу йылыс пес вылõ мунõ, кык-куим пельõ чинтышта да. Уркайяс пõtõсь, и õшинь ув оз тыр. Гожъян комнатаын быд лун идрасям, да мам оз и дõзмы менам челядьясьõмысь.

Миян керка зоопарк кодь лои: кодкõ да кодкõ, дерт, челядь пõвстысь, быд лун воыввлõны. Уркайяс пõшти дугдисны повны йõзысь, велалисны челядюлов динõ. Со-мын на пырта коз йыв, мырся, катлõдла — сувтõдча улõс кокъяс костõ, а найõ кольясõ нин сакасьõмаõсь, кашкõ-ны-уджалõны. Сõмын сәки и ләбзыласны, сьõкыджык коз пу йыв кõ сувтõдигас-крепитигас венас менõ да кыш-мунас-пõрõ джоджõ, а сувтõда муртса — бара нин килль-ысьõны, тõдõны асьыныс уджсõ: «Чип-чип-чип-чип! — Кле-кле-кле-кле!» — он и гõгõрво, видõны пусõ дзерõдõ-мысь али аттьõалõны сәянсõ вайõмысь.

Уркайясõс видзõдны воыввлысь нывкаяс да зонкаяс оз нин орчча комнатасянь кыйõдчыны, а сәнõсь жõ, крõ-вать да лабич вылõ пуксялõмаõсь. Жбыръялигас креста ныра посни ләбачьяс оз-оз да кодлыкõ на и юр вылас пуксьыласны. Но киõ, весиг меным, оз сюрõдчыны — видзчысьысьõсь. И ләбавнысõ комнатаõд кутисны сям-мыны: оз нин юр садьнысõ воштõмõн, усьтõдзныс, дой-мытõдзныс, стенсянь õшиньõ зимъявны. Қолипкай моз вермõны йõктыны-шпорõдчыны борднаныс, а асьныс õти местаын сынõдас õшалõны, видзõдõны, кычõ пуксьыны.

Школаõ ветлиг-мунигъясõ миян костын сõмын и сёр-ниыс — уркайяс да ещõ Модяяслõн каньпиыс. Ләбачьясõн мен ошйысьнысõ гежõда ковмывлõ — ставсõ челядь асьныс тõдõны. Õни Модя тшõкыджыка мõдис каньпи-нас ошйысьны.

— Быдтор, — висьталõ, — сәйõ, но йõв медся нин ёна радейтõ.

А йõлыс õни миян абу нин и жаль. Мõсным вайыш-тис, да уркайясысь налогсõ быд лун стеклõ банкаõн пет-кõда, быдса литр.

Сәсся челядь котыр бõр гежмõдчисны миянõ воыв-

лөмысь. Ачым, вердчиг-идрасиг, дерт, бурпөт на ним-кодяся зэв аслыспөлөс оланнога мича лэбачьясөн, но регыдик жö нин. А сэссия вöчышта гортгөгöрса уджъяс — пырта пес, ва да котöрта Лунбок кыр йылö, кöни гажыс поводнöя дыр нин кылö.

Уркайяскöд ноксыны меным дышöдыштис нин. Зон-посни пöвстысь ставöн ворсöны-исласьяны, а ме нинöм абунас кöрталі ассым киясöс — вердча-идрася, птични-кала, быд лун. Час-мöд тадзи кадыс лун югыднас весь вошö.

— Кальсыястö сэссия коркö бöр колö лэдзны,— öт-чыд школаö лэччигөн шуи Модялы да Венялы.

— Мый нö, дышöдис нин вöдитчынытö?— серöктис Модя.— Сэтшöма вöлі колö-а.

— Мед вöрас олöны... Тыртöны ёна комнатасö. Ёна сёйöны да быдлаö нин пасйысьöмаöсь-сiтавлöмаöсь: мыськигас, косьмас да, оз и вушйы.

— А тэ вочасөн град вылад петкöдлы, выньсöд картупель мутö, ха-ха-ха! Эн чукöрт!— гигзьö Модя.

— Эн эськö век серав!— дözми Модя вылö.— Талун жö и лэдза!

— Вайö шойччан лунö асывсяньыс лэдзамöй,— шыа-сис Веня.— Видзöдлам: пырысь-пыр кытчöкö тшем вö-рас лэбасны-воштысясны либö матигөгöрын и кутасны вердчыны?

— Рытын лэдзны оз ков, гашкö, вунöдыштисны нин вöрса олөмсö. Лунтырнас бöр велаласны асланыс чужан вöр-ва дiнас. Асывсяньыс колö лэдзны найöс вöля вылас. Бур эськö, шондöдыштас кö... Öни найö, керкаад велаласны да, кöдзыд лунö кö лэдзам, турдыны вермасны, кынмасны,— тöждысьöмөн шуис Модя.

Вöскресеннöödз ме кöсийси видзны уркайясöс гортын, а сэссия шуим мичаа югдöм бöрас катöдны вöрö да, кытысь кыйис найöс Модя, сэни и лэдзны. Но эз ми ногло. Шондöдöм пыдди кöдздöдис.

Декабрь помас нелямын вит градуса сотан кöдзыд поводдя сувтис. Школаын эськö эз нин велöдны, да весиг Лунбок кыр вылö исласьны асьным гежöда смел-

мөдчылім петавны, Кытчө нө ловъя ловъяссө сэтшөм мороз вылас шоныдінсьыс вөтла? Жальөсь лоисны. И сёянсө лэбачьяслы Модялөн Марья бабыс быд лун ваяліс, пессө поткөдлім-тэчим да.

Көдзыд поводдяыс кык вежон сулаліс да уркайяссө лэдзөмысь та дыра кежлө жө и ковмис эновтчыны.

Өтчыд казялі: кытчөкө вошөма виж уркай. Лун дай мөд оз тыдав. Быд пельөс корси, лабич, крөвать увъясті кысьяси-видзөдалі, пача-стена костысь лампаа биён видзөді, гөбөчысь и. Өдзөссө, мися, восьсөн кольлісны да сэтчө пырис. Видзөдлытөм места эз коль, но ту ни бу — воши энъ уркай дай пом... Модялы ни Венялы висьтавны, дерт, ог лысьт. Вида чойяссө, каньөс мыжала.

— Пыралінныд меысь гусьөн, лэдзинныд комнатаас каньтө, со и жөритіс!

— Ме эг пырав-а!— пыр и правдайтчис Саня.

— Ме эг жө!— лэптыштліс пельпомьяссө Рая.— Делөөн, дерт, и пыравлі, но кань мекөд эз вөтчывлы.

— Ме абу мыжа!— дорйысьө Саня.

— Каньтө, кымынысь шулі, эн, мися, лэдзөй сэтчө, сійө и сёйис, сувтса синмайд!— сөмын каньөс нин и мыжала.

Каньөс чиршөдлышти да сійө гөбөчө пырис, но мый лоөма — лоөма нин. Стрөжиті чойяссө, мед Модялы да Венялы ускөттө йывсьыс оз тяльгны, а ачым, кор петала гожьян жырйө, бара гөгөр кытшовта, важ паськөмьяс, ротасьяссө путкыльта: оз-ө, мися, көть шойыс кыськө сюр. Некөн нинөм. Сэсса и дивө весиг босьтіс: ме шогала, а сера бордья уркайлы тай нө веськоды! «Кле-кле-кле!»— броткө ме вылө, а ачус, быттө абу и сылөн пөлыс вошөма, кык өдьяө, шойчывтөг киллысьсө, зобсө тыртө. Киөс нюжөдла сылань — жбыркнитас коз йывланьыс, «кле-кле-кле!» шуас да выль коль нин шом босьталан клещи кодь креста нырнас чашйө.

Коймөд луннас аддзи вошөм уркайөс. Ловъя! И кызди аддзисө!

Джуджыд шкап вылө пөшти йиркөдзыс миян вөлі

тэчөма важ учебникъяс. Пыри комнатао — мөд уркайө
тшөтш вошөма!

«Эк, мыйла вежонөн водзджык эг лэдзав!— шогся-
майшася.— Оні на эськө ловьяөсь!»

Бара ставсө корси-путкыльті, но весиг ни өти борд,
ни өти гөнтөр некөн оз тыдав. Кань кө сөяс воробейтө —
керкатө ставсө гөнөсьтас.

«Кытчө нө лоины? Кытчө?»— юр жугла.

И другысьөн книгаяс костысь сера бордъя уркайыд
жбыркнитіс-петіс, «кле-кле-кле!» уськөдчис коль вылө
да сөмын и пешкылялө, увлань юрөн өшөдчис да.

«Н-но-о!— чуйми.— Книгаяс костас тай нө некөр эз
пыравлы-а? Гашкө нө, сэтчө эныс и сгинитіс да? Сьө-
лөм дойсө личөдны айыс сэтчө пыраліс?»

Шкап дорө матысті улөс, сы вылө табуретка бокинть-
ті, мед вылөдзык верма кавшасьны, быд книга кост
аддзыны. Кыпөдчи да мый сесь аддзи! Ма-а-мө!.. Ур-
кайяс коз йывьясысь ройсө сэтчө кыскалөмаөсь... Төв-
ся шапка ыжда ёкмыль! Ур поз кодь дзык, гөгрөс... А
шөрас — розь...

«Мый нө тайө вөчөмаөсь, мы-ый?!— дивуйтча.— Узь-
лынысө шоныд поз?»

Видзөдлі розьөдыс, аддза: турунвиж кайыс сәні пу-
калө! Ёкмыльтчөма, синсө куньтыралө...

«Висьмөма, буди?»

Инмөдчышти — уркай жбыр лэбис.

«Чип-чип-чип-чип!»— жбырьялө, төждысьөмөн нора
чипсө.

А позьяс! А позьяс кельыдлөз рөма, сьөдгөрд чуть-
яса куим кольк!

— Сө дивө, сө чудеса!— весиг горөдсис.

Кызди и лэччи? Уси тай-а... Кызд вөлі, дөрөм ке-
жысь, кепысьтөм-шапкатөм, уськөдчи ывлаө да джөм-
далөмөн котөрті Лунбок кыр вылө.

— Мо-одя-а! Ве-еня-а! Миян энъ кальсыыд колькья-
лөма!— горза.

Ёртьяс өдва и гөгөрвоисны висьталөмөс, а мыйөн гө-
гөрвоисны, лызь-дадьнысө эновтісны.

— Котортлам, видзодлам!— терпенньоыс воши Модялөн.

Нывкаяс эськө вөтчаны жө мөдлісны, да Модя налы кулаксо петкөдліс. Кольччисны.

Рытнас Опонь дед дорө петалім, висьталім ставсө.

— Дивө, дедө, ыджыд дивө!— өдзөссияныс на горөдіс Веня.— Пашлөн керкаас кальсыяс поздысьомаось, колькъялөмаось нин и... Дивө!

— Ме, нукө, тэнө мыйкө ог гөгөрво?— вештіс дөмсян уджсө Опонь дед.

— Но... Гожьян жырьяс кальсыяс олоны... Найө и поздысьомаось. Позьяс — куим кольк...

Опонь дед вөлись гөгөрвоис да ёна скөрмис:

— Кымынысь тіян колө шуны? Эн губитөй кальсыяс-сө! Кальсы сөйысыд сійө — вөр-ва рөзөритысьыс и эм сөмын! Непөштө вөралысь, сысы и мортыс оз артмы!— пузис Опонь дед.— Ньөрьявны тіянөс колө, ставнытө ёна ньөрьявны! Декуйтчаннуд вөрса лэбачьяс вылас, морөн лыйөмторьяс! Вывті нин тшыгөсь ли?

— Ми өд эг аслыным сөйөм вылө,— дорйысис Модя.— Каньпины... Каньным кулі да Валя чөй гортө өтнас эз кут кольччыны... Каньпи вайөдім, а йөлыс абу... Со и кыйи... Эз сөй ичөтыд, да Паш ордө нуөдім...

— Кыкөс сөмын и кыйлөма,— отсөг вылө воис Веня.— Оні ог нин дзугьясьөй... Шыблалім ставсө...

— Лэдзны көсйылім, но эгө удитөй: вывті көдздөдіс,— ас пайысь дорйыси и ме.— Видзөда — поздысьомаось нин. Оні ог төдөй, мый и вөчны. Ми өд эг төдөй, мый найө босьтасны да и поздыясны. Төвнас мян вөсиг курөгьяс оз колькъявны, а тайөяс — со!

Лөныштіс мортыд, бурмыштіс, эз нин кут видчыны.

— Кальсыясыд, пиянө, и збылысь дивө кодь лэбачьяс! Став бордя ловьяс пөвстсьыс сөмын найө, өтнаныс, төлын, рөштво гөгөр, и быдтысьөны,— быттө мойдны кутіс, висьтавліс Опонь дед.— Некод сэки оз быдтысь, а найө — быдтысьөны. Вөчасны ройысь, ур поз моз жө, небыд, шоныд поз. Эныс ваяс куим-нөль кольк и пөжө. Ывлаын веж мороз, а кальсы колькьяс вылас

пукалө... И тiян керкааныд, шуанныд, поздысисны?— шензъыштіс Опонь дед.— Воис пöраыс, со и поздысисны. А мый сэсся öні тiян коли вöчнысö, лоöмаыс лоöма нин да... Эн полошитöй, колькъяссö эн вөрзъöдöй, гашкö и пöжасны. А мый и озыс? И пöжасны!.. А ноко, висьталöй, мыйла эськö кальсыыс тöлын быдтысьö?

Ми чöв олім. А мый висьталам, ог тöдöй да.

— Коль кöйдысыс сэки буретш воöма,— недыр чöв олыштöм бöрын водзö висьталіс Опонь дед.— Сёяныс кальсыяслөн юр выв тырыс. А сідзкö, буретш рöдман кад. Кынöмыд кö пöt, сэки кöдзыдыс оз мөрччы.

Эныыс позсьыс, дерт, гежöда жö чеччывлö, зэв нин колана могөн сöмын. Пöжсигас сійöс айыс вердö, кагаöс моз, вомсьыс, а колькъясыс потасны — тшötш и пиансö. Зобъяс небзöдö коль кöйдыссö да йöв кодь нямыльнас и вердö.

Коркö посниясыс бура гөнсяласны, бордъяссясны, асьныыс нин кутасны позсьыс петавлыны. Эня-аяыс моз колльö сакасьöны, но, весиг и сэки найöс бать-мамныс на вердöны. А мый вöчан? Быть. Ичötъясыслөн ныръясныс нэриникöсь на, крестассьытöмöсь. Тув кодь веськыд нырнад чорыд коль кыштö он чашкöд. Со и лоö вердны кольксьыс петöм бöрын тöлысь-мöд на. А сэсся и асьныыс кутасны шыла йыв кодь ёсь нырсö колляс сатшійöдлыны, бертны кышсö öтарö-мöдарö, а кывнаныс кöйдыссö босьтны. Сэки и вежыньтчö кальсылөн нырыс öтарö-мöдарö, да найö ас нянь вылас вуджöны.

— Дедуш, а татшöм кальсыяссö ми некор на эг аддзылöй: ни Модя, ни Паша, ни ме. Сöмын креста ныр сертиыс и тöдмалім, мый тайö кальсыяс, ещö сёян сертиыс да — коль кöйдысөн вердам. Эныыс, быттьö, ёнасö оз торъяв, но айыс — рöмсö висьтавыны он куж: сизь кодь, бордйыс еджыд сера, бöжыс кöклөн модаа. Сизь нисьö кök, а гашкö, кутшöмкö шоныд странаысь воисны либö полярнöй?

— Сизь нисьö кök шуан?— серöктіс Опонь дед.— Абу сизь ни абу кök, весиг абу на рöдысь! Рöдыс — кальсы

рöd жö. Кальсыясыдлөн — куим рöd, ставныс тшöтш и Коми пармаын олöны, тöv и гожöм.

Öти рöd коз коль кöйдые сёйö — козвывса кальсыяс тайö. Сэтшöмъясыс мянын медся унаöн, коз вöрыс уна да. Ыджа сертиыс — шөркодьöсь. Колля воясö котыра кельöбъясөн лэбалöны. Урьяслы кык во кезлö запас вöчасны, кольсö гылöдасын — выль урожайöдз тырмö.

Пожöмвыв кальсыяс, бара жö, ачыс рöd. Найö медся гырысьöсь, нырныс ён, тэнад чаль чунь кызта, гөрба. Чорыд кыша пожöм кольсö найö сöмын и чашйöны. А тi кыйöмыдöсь ниа кольён вердчысь кальсыясöс. Ниа-вывсаясыс медся ичötöсь, нырныс налөн слабджык, гөлöсныс вöсниджык, мыладжык, ёсь. Сöмын тшыг воö и вуджлöны коз вылö. Таво, тыдалö, ниаыслы вöли урожайтöм во. Ме тайö лэбачьяссö Емва вожысь да Удора туй бокысь жö медсясö и аддзывлi. Сэни ниаыс уна, а мян абу, оз быдмы. Сэтысь, тыдалö, и вуджисны мян-лань. Кальсыяс öд чиганъяс кодьöсь жö, кöни урожай, сэни и рöдмöны-олöны, а абу кö коль — некымын во оз тыдовтчывны... Эн полошитöй, да и пöжас... Мый озыс?.. Пötöсь, верданныд да...

Ещö кык вежон пукалiс энъ уркай аслас позъяс чечывтöг, а сэсся бара мöдiс ачыс киллысьны. Кольк пытшкöссьыс пияныс петöмаöсь: чипсöны, кыла, шкап вылын, позъяныс, вöсни гөлöсөн пипкöны, сёйны корöны.

Ми, куим друг, бара тшöкыда пукавлiм мян гожся жырйын, видзöдiм, кызди вердöны уркайяс ассыныс ичöt пиянсö, пыравлöны недыр кокасыштöм бöрын позъяныс. Айыс унджыкысь пыравлö-петавлö.

Коркö январь помланыс нин энöвтiсны познысö и ичöt уркайяс, жбыркъялöны-лэбалöны, а мам-батыныс пыр на найöс вердöны.

Тайö каднас мянын бара йöза лоис. Нывкаяс и зонкаяс волöны видзöдлыны, кызди вердöны уркайяс ассыныс пиянсö. То мамыс, то батыс. Киллысьöм бöрас кокалыштасын лым, недыр шойччыштасын-ссылыштасын, а пуксясны пиян дiнас, сюясны воманыс нырсö да тшпкöд-

чоны, борднас шпорёдчыштасны и... Нямыльнас, зобьяс небзьом шоналом йов кодь кыйдыснас, быдтассо вомсьыныс вердоны.

Уркайпиян март заводитчигас сэсса и асьныс колльо кутчысисны, но кужтог на. Ёсь эськө нырныс, да небыд на, тыдало, оз пыр колляс. Ошалоны бать-мамныс моз жө, ноксьоны мыйкө, а немтор, тыдало, воманыс оз сюр да асьныс нин гырысьяс дорас жбыркнитасны, налы вомас нырнас тотшкөдоны, вердны тшөктөны. Быть верд, асланыс өд челядьныс.

Уркайясөс лэдзим март помын, тувсов каникуляс дырйи, грездса став нывкаяс да зонкаяс отвылысь.

Воліс и Опонь дед. Сійө недыр дивуйтчыштіс миян гөгөр повтог лэбалысь уркайяслөн дзоньвидза поэтыр вылө.

— Емва бокса ниа пуа вөрьясысь вермисны сетчыны миян пармаө еджыд сера бордя кальсыясыс кынөмпөтсө корсигас, а ті найөс дзугйөн кыйөмыдөсь!— бара көритыштіс миянөс пөрысь морт.— Бур нин көть сійө, мый позсө абу рөзөритөмыдөсь, пөжсьыны-быдтысьнысө сетөмыдөсь, но водзө вылө татшөм делөясыд — зэв мистөмтор, вөрса олысьяс вылас смекайтчөм!— И петіс керкаысь.

Быдөн нелөсьыд лон, нөшта на укөритіс да.

Уркайясөс лэдзөмыс, чайтім, праздник кодьөн миян лоө, но эз тай сідзи артмы, кызди чайтлім да көсйылім. Восьтім гурйыв дзирья өшинь.

«Кыш, кыш!» горзам, но уркайяс керкаысь оз петны. Восьті мөдөс — оз петны и пом. Лэбалөны жырийн пуяс гөгөрыс, миысь, мед ог дойдөй, кытчөсюрө дзебсьоны.

— Коз йывьяссө колө комнатасыд петкөдны,— төлкмөдө Модя.

Петкөдім. Бара кыш-кышасям. Уркай бать-мам эськө и петалисны уличө, но, пияныс жырьө колисны да, бөр пырисны.

— Бөрсө пырны эн лэдз!— горөді Веня вылө.

— А мый, ньөрйөн ли мый сувта өшинь дорас?— арыштчис сійө.

— Ньөрйөн! Но вешйы либө өшинь шөрсьыс! Сувтөмыд сэтчө!

— Эн зыксьой, петасны ньөжйөнник,— лөньөдіс миянөс Модя.

Дырөн-регыдөн уркайясөс вөтлім гожъян жырйысь ывла вылө. Найө пуксьылісны өшинь ув козыө да лэбисны вөрө.

Куимөн идралім-чышким комнатаысь кыз ёгсө, өшиньяссө колим восьсөн, мед жырйыс төлалыштас, а асьным котөртім Лунбок кыр вылө.

Локті рытнас, а уркайяс гортынөсь, занавес зіб вылын пукалөны. Витнанныс. Вой улө, дерт, эг вөтлы найөс, петі Модя ордө, а сэсся ськөд Веняясө мунім.

— Кальсыясыд бөр локтісны миянө,— вашниті Венялы.

— Кыдзи бөр локтісны?— чуймөмысла горөдсис Венялөн.

Опонь дед пыр и гөгөрвоис, мыйын делөыс.

— Вот-вот! Тадзи и тшыкөны вөрса зверь-пөткаыс!— стрөга кайтыштіс Опонь дед.— Видзөны тадзи гортаныс өткымыпөн вөр-ваын олысь ловъяссө, нимкодясьөны, сэсся дышөдас да бөр лэдзасны. А гортад видзөмаыд — абу нин вөрса олысь: йөз дінө сибөдчө, кокныыда шедана сөян виччысьө, воштө вөйлунсө, видзчысьтөмөн лоө. Сідзи и сгинитас сэсся көнкө: пон-кань пинь улө либө лёк морт киө веськалас...

— А сэсся нө мый? Тадзи и кутасны сэсся кальсыясыс миянын нэмсө овны?— майшасьөмөн юалі Опонь дедлысь.

— Оз жө, гашкө,— сьөлөм сетіс сійө.— Эня-аяыслөн та дыранад пармаыс эз на вун. Велөдасны и пиянсө вөрын овны, мед көть и керкаын чужисны. Кальсыясыд өд позъяс дыр олөны. Сэні шоньд. Со и локтісны узынысө шоньдінө. Эн полошитөй сөмын. А өшиньястө эн пөдлав. Асьныс ньөжйөнникөн өтдалитчасны.

Уркайяс вежон кымын на узылісны гожъян жырйын

занавес зіб вылас. Луннас кӧнкӧ вердчӧны, а вой кеж-
лас воylvлӧны узынысӧ. Сэсся вошины ставныс ӧтпыр-
йӧ. Но меным чайтсьӧ, кань гыж улӧ эз веськавны. Став
котырсӧ ӧд эз жӧ кутав. А кодӧ и тӧдас. Оз-оз да и сэ-
тшӧм мӧвп юрӧ воylvлӧ.

Ӧшинь ув козйӧ и сйӧ воас, и мӧд тӧвнас уркайяс
унаысь пуксьывлісны, но вӧлісны-ӧ на пӧвстын миян —
ог тӧд.

ТШЫГ ТУЛЫС

Матрен баб висьталӧм серти, сэтшӧм тӧлыс коркӧ
сылӧн ныв дырйиыс на вӧлӧма. Тӧвся Микӧла дырйи
кучкисны кӧдзыдъяс да сэсся пӧшти эз и шондӧдлы.
Лымйыс кӧнісюрӧ сӧмын пидзӧс вылӧдз воліс. Нёмьд —
грезддорса ичӧтик ю, пыдӧсӧдзыс кынмылӧма. Опонь
дед видлігмоз йӧнсӧ керавлӧма, да оз пӧ визувт юыс.
Лыа пыдӧсыс на пӧ кын. А тыяс да нюръяс йылысь нем-
тор и сёрнитны — став ваыс сэтысь пакталӧма. Нюр —
абу нюр, конда песла йӧзыс, туй оз ков, вӧрӧ веськыда
вӧлӧн ветлісны. Быд вадйын, тын да весиг Нёмьд ю
йирьясын пӧдӧма чери.

Ӧшинь улын мыйта пес чипас вӧлі, ставыс пач тру-
ба пыр тшинӧн петіс. Скӧтлӧн быри туруныс: из гидня
кодь кӧдзыд картаас налӧн вытьыс кык мында.

Март помӧдз тадзи чишкаліс, но быдторлы волӧ пом.
Тулывыс медводз мыччис нырсӧ керка вевт дорӧ ӧшӧ-
дӧм жӧлӧб помъяссянь: луннас войтваӧн, а асывьясын —
кузь йинёньясӧн. Грезддорса нӧрыс йылын и тӧв шӧрнас
рудзӧг идзас заыс тыдаліс, а мыйӧн шондӧдыштіс, лым-
сӧ сэтысь тӧла-гожъяыс и нылыштіс да муясыс паччӧр
выв кодь лоисны.

Мукӧд воясӧ жӧлӧб дорысь лэччӧм ванас тулысбыд
скӧтӧс юкталам, а сйӧ воас вежонӧн став лымйыс лэч-
чис, эз и кокньӧдышт миянӧс, грездса зонкаясӧс. Ас

юкмӧсьясын ваыс быд тӧв быравліс, но эз вӧвлы сэтшӧм тӧв, медым коркӧ косьмывліс гумладорса шорысь джуджыд юкмӧсыс. А тайӧ тӧвнас и сійӧ косьмис. Удитін ветлыны сэтчӧ медводз, пемыд-нас на,— шеді нель ведраа пельса ва, а эн кӧ удит — тыртӧм дадытӧ гортад ваян. Весиг ведра, рокӧс кодъыс, оз вичмы. Ми, зонкаяс, позьӧ шуны дежуритім тайӧ юкмӧс дорас, зыкӧ тшӧкыда воывлім — ваыс кӧть быдӧнлы колӧ, но вевъявлін кӧ — он юксыы, быдӧнлы чепниӧн он разӧд пельсасыд гудыр васӧ. Кодлы эз сюр, пачас лымтор сывдасны да сійӧн шыдсӧ пуӧны, скӧтсӧ юкталӧны.

Коркӧ шоныд тӧвъянінсьыс воисны скворечьяс. Найӧ лунтыръясӧн ноксисны ӧшинювса кызд вылӧ ӧшӧдӧм керкааныс, весалисны сійӧс, а сесся ваялісны сэтчӧ быгалӧм турун, вурун ёкмыльторьяс, код тӧдӧ кытысь аддзӧм вӧв да кӧза гӧн сіяс — быдтор, майбыр, туйӧ стрӧйба выланыс, медым сӧмын небыдджык да шоныдджык лоис быдтасьясылӧн вольпасыыс.

Асывъясын пель чунӧдан горӧн кургисны да чушакылісны грезддорса кыддза-козъя вӧрын съӧд тарьяс, нимкодясисны воӧм тулыснас, котрالیсны лым улысь мездмӧм эрдъяс вывтӧ, гораа шпорӧдчисны бордьяснаныс, чуксалисны ӧта-мӧднысӧ кось вылӧ.

«Қо-ко-ко-ко! Қо-ко-ко-ко!»— ошкисны татшӧм гыбзьӧмсӧ ляпкыдик пуяс вывсянь видзӧдысь кӧнтарьяс.

«Ту-лу-лу-лу-лу! Ту-лу-лу-лу-лу!»— вӧр тырнас чуксалӧ пемдыштӧм бӧрын ассыыс пӧвсӧ ай кӧч. «Та-ла-ла-ла-ла!»— кӧнкӧ ылын воча шыасяс сылы энъыс. «Ту-лу-лу» да «Та-ла-лаыс» пыр матысмӧны да сэтчӧдз кылӧ, кытчӧдз ӧти местасянь оз кут шыавны. Сэки тайӧ кӧч параыс ланьтӧны, а мӧдлаын мукӧдъяс нин шыасьӧмаӧсь.

Тарьяслӧн койтӧмӧн, кӧчьяслӧн чуксасьӧмӧн, посныд лӧбачьяслӧн дзользьӧмӧн, кеня горӧн, катша китшкӧмӧн палялӧ тӧвся унмысь парма, пуксьӧ тулыс.

Войвывлань вешйис кӧдзыдыс, дугдіс кынмавны весиг войясын. Тулысыс быттьӧ полис кӧдзыд кодзувьяс-

ысь, эзысь таз кодь тӧлысьысь: вой кежлас вевттыліс найӧс кымӧръясӧн, да тадзи видзчисис, мед найӧ оз надзмӧдны сылысь воськовъяссӧ. Кымӧръясыс гожея кодьӧсь нин, пемыдрудӧсь енэжас муткырасьӧны: то вӧв мыгӧр артмылас, то паськыд пельпомъяса ыджыд юра великан, то джуджыд мусюр. Оз весьшӧрӧ гӧвкъявны татшӧм кымӧръясыс: быд пӧрйӧ шливкнитлас зэр, а юра кымӧръяс костысь мыччысьліс нин коса модаа чардби да ӧтчыд муркнитліс гым.

— Тулыс пуксис, ту-лыс! Воис гажа тулыс!— нимкодясям грездса челядь да, сӧмын на мӧдас войтасыны, петалам дӧрӧм-гач кежысь, кӧмтӧг выль зэр улын быдмӧдчыны.

Тулысыслы медъёна радлім ми, челядь. Миян дышӧдіс нин новлыны тӧвся сьӧкыд кӧм-паськӧм, ныр чишкалан веж кӧдзыд дырйи котравны школаӧ. Тринькъялам ӧтпӧлӧсӧн косьмытӧм на луд вывтӧ, ворсам кутасьӧмысь, резсям ва гӧпъяс дорын, брӧд кӧтасям. Резигӧн ми тӧдмавлім ас пӧвстысь медся повтӧмъяссӧ. Ошкӧмыс ывлаын пырджык вичмыліс Опонь дедлӧн Веня внукыслы да меным, а гортын — корсьурӧ и ньӧр: кӧтӧдчӧмысь да прӧстуда корсьӧмысь. Ӗд керкаӧ пырам сӧмын сэки, кор дӧрӧм-гачын кос местаыс оз коль, а кокъясным гулю лапаясь гӧрдджыкӧсь лоӧны.

Ставыс, код вылӧ он чӧвтлы син, нимкодясисны тулыслы. Но, мыйлакӧ, эз радлыны, а майшасисны пӧчъяс. Торйӧн нин зумыш вӧлі чужӧмыс Опонь дед гӧтыр — Матрен баблӧн.

— Тӧ, беспиян, нимкодясянныд, а нюжалас тулысыс!— ньӧрйӧн вӧтлывліс сійӧ миянӧс ва гӧпъяс дорысь.— Тшыг тулыс лоӧ, а тӧян — забава.

Матрен баб — ветлӧм-мунӧм морт. Аслас кузь нэмнас уналаын вӧлӧма — Богословын и Кардорын, Вяткаын и Сибириын. Венялӧн мамыс висътавліс, Матрен баб пӧ ныв дырйиыс Киевӧдз, ен дорӧдз, подӧн ветлӧма. Аддзӧма тай туйсӧ! Збыль, сідзкӧ, шусьӧгыс: «Кылыд Киевӧдз нуӧдас!» Зэв дошлӧй вӧлӧма Матрен баб, и миян челядьдыр кадӧ сэтшӧм вӧлі: кывтӧ кӧ шуас — сы

ног нин лоӧ. Но меным эз эскысы, мый Матрен баб водзвыв и поводя йылысь сяммӧ тунавны.

— Кызди нӧ, Матрена баб, тулысыс нюжалас, кор сійӧ воис нин?— юалі ӧтчид пӧчлысь, кильчӧ дорсыс аддзи да.— Ми нин гожӧм виччысям, а тэ пыр на тулыс йылысь сёрнитан!

— Эн нин баит, пиӧ, гожӧм йывсьыс... Тулыссӧ мед ен бура отсалас вуджнысӧ. Тулысыд тӧвсьыс на мустӧмджык овлӧ. Сэтшӧм во, тыдалӧ, и пуксьӧ — ёна нюжалас тулысыс, тшыгъявны кутасны йӧз, а медсясӧ — скӧт.

— Но-о-о, тайӧс нин и некод оз тӧд! Весиг радио оз вермы висътавны!— ог эскы пӧчлы.

— Радиоыд оз, а ывла вылыс и висъталӧ... Жӧлӧб помын йинёнъыс ӧшинь улыс таскӧдз ӧшйывліс... Съӧд сизь-кыр висъталӧ и... Вывті нин кузя асывъяснас тарӧбтас... Йӧвдӧкея лунӧ кынталіс... Ставыс кузь тулыс туналӧны — сійӧс и висътала...

— А кырыд эськӧ кыз оз таргы да!— вензя Матрен бабкӧд.— Оз доймы нӧш юрыс, со и таргӧ, ӧжын нырнас кос конда йылысь пучӧйясӧс перъялӧ, вердчӧ сійӧ тадзсӧ... Оз кӧ кут таргынысӧ, зобйыс оз и тырлы!— серӧкті.

— Йӧзкостса примета тайӧ!— дӧзмис Матрен баб да сэсса немтор нин эз висътав, пырис гортас.

Водз асывъяснад и ме унаысь кывлі съӧд сизылысь кузя таргӧмсӧ. Кильчӧ вылӧ петӧмӧн вӧр-ваыслысь шыалӧмсӧ радейтлі кывзыны, а миян керканым грездас медбӧръяыс, дзик нин вӧр дорын. Кывзылі, кызди пармаыс садьмӧ.

«Тар-р-р-р-р-р!»— ӧжын кодъ ён нырнас косьӧбтаскучкас лӧбачыс кос пу йылӧ. Йӧлӧгаыс став матігӧгӧрса пармасӧ шызьӧдлас.

«Съӧд сизь корсьӧ кынӧмпӧт,— ас костаным сёрнитлім зонкаяс, кор матысь кылам кырлысь таргӧмсӧ.— Кежаламӧй, видзӧдлам, кызди пучӧйнас чӧсмасьӧ».

Кылыс тшуки либӧ збыльмисны Матрен баблӧн приметаясыс — петіс вой тӧв. Камгис-кынтіс сылыштӧм нин

му. Ки вомлӧс кызта йи дорис мянлысь повтӧмлун петкӧдлан гӧпъясьномӧс. Дугдӧсны поздысян уджсьяс да сьылӧмысь скворечьяс. Оз кыв шондӧ петан кадӧ тарьяслӧн койтӧм. Весиг кыр — ыджыд ныра сьӧд сизь — лӧня пукалӧ асывьясӧ кос пу йылын, ланьтӧсны пармаын асланыс ноз места вӧсна лунтыр пинясьысь-видчысь кеняяс.

Уси лым. Кутӧс турӧбавны. Посни лӧбачьяслӧн кӧрымыс — нидзувьяс, гут-гагыс — мый мыччысьліс эжа вылын, — ставыс бӧр вевттьыссис кыз йиӧн, тыри лым улӧ.

Тӧвся моз пасьтасьӧмӧн, шоньд кепысьӧн, кыз шарфӧн да гын сапӧгъясӧн кутӧм ветлывлыны школаӧ. Гажтӧм лои рытьясын.

Вежон, мӧд дай коймӧд кынталӧ. Кӧдзыд поводдя нюжалӧс.

«Кузь тулыс! Тшыг тулыс! Аттӧ да аттӧ! — акайтӧсны юкмӧс дорын ӧти кадӧ вала петны слӧймӧм нывбабаяс да пӧчьяс. — Кос гожӧм вӧсна турун этша чукӧрмис, кӧдзыд тӧлыс став кӧрымсӧ путшкис, а со тӧныд, ещӧ и тулыссӧ нюжӧдӧ. Скӧтлӧн вердасыс сӧмын пӧсйыв пельӧсын кольыштіс. Мӧсьясӧс кӧть кын му вылас идза йирны лӧдз, кӧзаяс моз туй боқысь киськасьӧм турунсӧ ӧктыны...»

Йӧз бӧр перьялісны кумъясысь да сарайясысь гожӧм кежлӧ идравлӧм дадыяс да, медым не воштыны дона кадсӧ, кытысь позьӧ чукӧртыштӧны кӧрым. Лунмӧдӧн зорӧд пыдӧсьясысь клӧкӧн-сиӧн чукӧртӧм быгалӧм туруныс куйліс нин пӧсйывьясын. Тӧлалыштаскосьмыштас, да и сійӧ кутшӧмкӧ мыджӧд.

Волӧс грездӧ колхозса конюк — Дарья Коль. Кевмысис быд керкаын. Он кӧ пӧ отсыштӧй, тулыснас ас выланьд ковмас гӧрны: усьӧны вӧвьяс. А кодӧ нӧ тайӧс оз гӧгӧрво? Нӧбийӧн-кыкӧн быд керкаысь сетӧсны. Ми, челядь, отсалӧм бур дядьӧлы тӧчны додсьӧ, а сійӧ топыда таляліс турунсӧ. Ёна и аттьӧалис мортыд мянӧс, бабаясӧс. Доддыс ыджыд лоис, да ачыс подӧн вӧв бӧрсяыс мунӧс.

Тöлысь сайö кöдзыдаліс. Сэсся коркö кутіс пöльтны лун тöв. Сійö вöтліс дзор юра кымöръяс. Бара мöдіс нюмъявны шонді да лун-мöдön и сёйис усълöм лымсö.

Шоныд муясысь воисны дыр виччысян гöстьяс — сырчик гозъя, кодъяс уна во нин дорвыв быдтысьлісны öшинь юрйылын. Найö здукön пуркöшитісны-жуглісны кольöм вося воймöм-кötасьöм познысö да кокъяснаныс тэрыба койисны-резісны торпыригъяссö мүдöд вылö.

Тöлаліс-косъмис сырчикъяслөн выль стрöйба местаыс. А найö тшапа ветлöдлісны луд вывті, ва гöпъяс дорын, лайкйöдлісны кузь бöжъяснаныс, корсисны нидзувъясöс да эжа веркös вылö петöм гагъясös, шойччисны кузь туй бöрас, тыртісны зобъяснысö, чöжисны челядьсö быдтігкежлö вын-эбös. Тривкъялöны, оз-оз да и доровтласны юрнысö, синмаласны öшинь курич выв — поздысянінсö.

Гожöм помнас сырчикъяслөн гöныс, помнита, вöлі чусыдджык, вижовруд, сынавтöм юрси моз пушкыртчöма, юр чук йыланьс сьöd бархат шляпаыс муртса и тöдчыштö. А со кызди тулыснад, свадьба кежланьс вöччöмаöсь! Гөнныс югъялö, юр чук йылас сьöd бархат шляпаыс волялö. Тапъялöны, любуйтчöны-нимкодьясьöны öта-мöд вылас, ёрта-ёртыслысь вежсö петкöдлöны. «Ч-чир-чик! Ч-чир-чик!» — варовитісны, катлöдлісны кузь бöжъяснаныс да быттö висьталісны: «Регыд, регыд нин чегам Эжва вылысь кыз йисö, вежöдны кутас гөгөр, пуксяс тöвся тшыг олöмыслы пом».

Эжва веркös лöзöдіс. Кыптис йиыс тыяс вылын. Бузгöны шоръяс, тыртöны ванас быд гөп, быд вад, быд ты.

Воисны лунвылысь уткаяс, дзодзөгъяс, юсьяс. Вөрваын бара тыр öдön шыаліс тулыс. Воссис вöралан кад. Веня другкöд воштім ун. Водз асылын, школаö мунтöдз, а рытъясын пемдытöдз ветлöдлім тар койтъяс вылö, кыйкъялім Нёмыд юбокса тыяс да вадъяс дінын уткаяс бöрся, но сюсь пöткаяс эз матыстлыны миянös лыйöм ылнаö.

— Ассыныс сёйöны бордъя ловъясы-ыс, — жальпырысь шулывлас мам. — Кынмöдчанныд, йöйяс, вөр-васыыс прöстудасö кураланныд, ки-кокъясаныд висьöм кор-

сянныд. Өні он кылӱй, а арлыдӱ воанныд, да имитас лысьӱмад.

Окоатӱ тешитӱмыд висьӱм кодъ вӱлӱма: сюрас прӱст здук, и Венякӱд — вӱрынӱсь либӱ вадорынӱсь нин...

Ӑтчид, вӱскресеннӱӱ, асывсянныс рытӱдзыс кык друг кузь лунтыр келалим. Первой тар койт вылын вӱлим, а сӱссия Нӱмыд бокса тыяс гӱгӱр кытшлалим. Таръяс динӱ эг сибалӱй, а уткаяс, син ӱдва судзӱ, сы ылнаын уялӱны. Довгам-локтам гортӱ, кокъясын мудзсӱ ваям, а нопъясным тыртӱмӱсь.

— Шожымка кузя кӱ эськӱ кылӱдчыны?— ассыс моз юалис Веня.— Но ӱткӱн абу делӱ, сӱтчӱ бур, повтӱм ӱрт колӱ.

— Пыж и,— содтӱ ме,— корлыны эськӱ кодлыськӱ?..

— Пыж оз туй! Татшӱм визув паныдсӱ ю йылӱдзыс пыжнад кык вежонӱн он во,— орӱдис менсьым мӱвпьясӱс Веня.— Ю-Ягӱдз подӱн кайны, а сӱсянн... Пур вылын сӱмын позьӱ кылӱдчыны ю йывсянныс Нӱмыд усянинӱдз. Дедкӱд ми кылӱдчылим нин. Пывсян вӱрным ӱд Ю-Ягысь, Тури-Нюр бокысь. Дедуш сись кодъ пожӱмъяс тӱвнас пӱрӱдлӱма, чинталӱма да кырсьӱма. Ми вӱрсӱ тыкӱлаӱ буз-баз шыблалим, нӱль судтаа пур вӱчим да быттьӱ кӱвчег вылын кывтӱм. Кӱть пур помас йӱкты: оз и вӱйышт либӱ катовтчыв. Лунӱн и воим Шожым грездурса лапта берегӱ. А уткаяссӱ мыйта аддзылим. Нӱль горда да кык вӱзьӱс лыйим. Позис на ещӱ камӱдны, но дед эз сет. «Эн горшась, пиӱ»,— шуис.

Тайӱс висьталӱгӱн Венялӱн ӱзйисны синъясыс. Ме гӱгӱрвои: сылы зӱв окоата мӱдысь на кылӱдчыны тайӱ ю кузяыс пур вылын.

— А кывтам мекӱд либӱ!— радпырысь горӱдӱ ме.— Мамъяслы висьталам, мися, сӱнӱ уткаыс зӱв уна да ноп тыр пӱтка яй ваям. Ветлам, Веня, а?

— Татшӱм сӱрни кӱ кыпӱдан, ружьяяснымӱс эськӱ дзебасны нин, да ещӱ и нӱръяласны,— кӱритыштӱс Веня.— Некоднаннымӱс оз лӱдзны!

— Сӱдзкӱ, гусьӱн, медым оз тӱдлыны,— шӱпнитӱ ме,

быттьо тані, вöрас, сёрниöс вермис кывны менам мам.—
Тури-Нюр дорад öд юасътöг жö ветлім.

— А вöям кө?— падъялыштіс Веня.— Коді сэки мы-
жаыс лоö? Ме? Меным ковмас кыв кутны мамъяс да
дедуш водзын?

— Ог жö öд вöйтöдчöй, ловъявылысь! Ачуд тай шу-
ин: пурйыс пö оз и катовтчыв, көть пельöсас йöкты!

— Шулі эськө да... Коді на тöдас, артмас-ö сэтшö-
мыс?

Кык друг сёрнитчим локтан субöтаö жö и кайлыны
Шожымка йылö. Ме весиг көрт тув тубрас дасьті, но
Веня сöмын серöктіс, петкөдлі да:

— Сімöм көрт тувъяснад пурным медводдза чукуляс
путь-пасьмуно да сэки нин збыль вöям! Дедуш пурйыс-
лысь сöмын нель пельöссö песöм льöм пу ньөрйөн көр-
тавліс. Эз-ö, майбыр, кыткө вөрзьев либö вежынт-
чыв. Кыкөн ньөръяссö песім да сійөн и көртасим,— вись-
тасис Веня.— Эг на вунöд, кызди дедуш пельöсьяссö
көртавліс, кызд пу клинъяс тувъявліс. Сідз жö и ми вö-
чам, а тэ — көрт тувъясөн көсьян пур вöчны. Пöжöм
льöм пу ньөръясөн көртавлöм пурйыд — добра-а! Көть
мореöдз кывт. Гез корсылы гортсьыд. Берег вылö чеччы-
лігөн домыштчывны ковмас.

— О-о-о! Гезйыд, майбыр, сюрас!— ошйысьышти да
петкөдлі кузькодь дадь көв.

Ёртöй пыр и öвтыштіс кинас:

— Тайö гезсьыд көзаныд орöдчас. Ён гез колö. Та-
тшöмыд оз туй.

— Бурджыкыс абу,— мыжа морт моз вочавидзи.

— Домасянтор быть колö. Көть нин чаль чунь кыз-
та небыд сутуга.

Лун-мöд корсьысим, но кыз, небыд сутуга некытысь
эг аддзöй. Школаысь локтігөн ми тшöкыда отсасьлім
Дарья Кольлы юктавны вöвъясöс, сёдасьны. А гезъ-
ясыд конюшняс вöліны быдсямаыс.

— Конюклысь корлам,— шуа Венялы.— Бөр öд ва-
ям.

— Оз сет,— орöдіс ёртöй,— видас на. Юртö, шуас,

пудъяланнуд. Верстьö йöз оз ошкыны ытва дырйи пуръяс вылын челядьлысь вильшасьöмтö.

— Позьö кызкö и мöд ног висьтавны... Мый вылö колö...

Турун кыскалан гез, пörъялим да, конюк сетис. Степшор, шум, ойдöма, вуджны гортö мунигөн некыз да кымынкö кер колö вомөн ног кыскыны, пос модаа вöчыштны.

— Школаад лэччигөн ваяннуд, кор прöстмас, да этатчö, тувъяс, и öшöдöй,— шуис сетигас.

Субöтаö, школаысь лэдзалём бöрын здук кежлö пыралим столövöйö, ньöбим кык тупöсьөн морт вылö нянь да котөрөн кайим гортö.

Первойөн чукöртим Венялысь нопсö. Пусьöд вылö ёртöй босьтис шöна, выитор, сов. Нопъяс кöрыш нянь дзумгис.

— Бытьö сöмын сёйны и мунам вöрас,— серöкти ме.— Кытчö та мында вöлөгасö? Ме öд на босьта мыйкö и...

— Э-э, другö! Вөрö мунан лун кежлö, а сёянтö босыт вежон кежлö,— öдйö аддзис воча кывсö ёртöй,— тадз шулöмаöсь пöрысь вöралысьяс.

— А сёйтöгыс кытчö? Сёйтöгыс некытчö эн вөрзьöй!— öдйö кутис чукöртны пызан вылас Матрен баб.

— Некор, бабö, туйным кузь!— вочавидзис петигас Веня.— Дед пывсянын вия проса рокөн чöсмасям, а асывнас ягас вöралыштам да и бөр гортö рытланьыс воам.

Сидзи жö и ме гортын висьтаси: Опонь дед пывсянын, мися, узям да нюр вывсьыс аскинас дозмөр койт корсьлам. Сакарысь, няньысь, кружка-паньысь да пöртйысь öтдор, ещö и картофель на босьти. Мам мырдөн пуктис. Вöлöга запасыд пö пельпомтö оз зырт. Ёртöй моз жö сёрнитö.

Вылын шондйөн на петим туйö. Дзебасысь Веня босьтис гез.

— Пукты нопъяд,— шуис,— кодкö паныдасяс кö —

гөгөрвоас, мыйла Шожымка ю дорё гезнас мөдөдчим...
Гезсө мед некод оз аддзыв...

Ю-Ягө тэрмасьомнад час кыкөн и воим. Аддзим
Опонь дедлысь вёрса ёль бокө кыпөдөм керкасө. Пыв-
сян ыджда и эм. Горья пача. Ломтім пачсө, пузьөдөм
ва. Веня кисьтіс пуан пөртійө кружка тыр шөна, ичөт
пань тыр сов да ылыстыштис би весьтсьыс мөтырсө.

— Мед пусьө, а мянөс талун удж на виччысьө,—
көзяин моз сёрнитис сійө.— Пөрөдчам да ю берег до-
рас кыскалам пур вылө вөрсө.

Веня эз кут корсьны пос: ур моз пельөсөдыс кайліс
керка йирк вылас да мыччис меным сімыштөм, но лэ-
чюд пиньяса кык воропа пила. Черьяс кыкнаннымлөн
сьөрысь вөлі, гортысь босьтім.

Петім ю берег вылө. Опонь дедлөн пывсян весьтти
Шожымка тулыснад доза паськыд вөлөма — берегысь бе-
регө метр дас лоө. Сідзкө, ыджыд пур позьө вөчны да
повтөг кывтны. Ваыс берегыясысь абу петөма да,
быттё кык потщөс костті визувтө. Шыбиті юас беды-
тор, визулыс кватитис сійөс да мөдіс тай кылөдны —
берег пөлөныс котөртөмөн колө вөтчыны. «Татшөм ви-
зув вылад, пурйыс кө жугалө, өдійө на и черияслы сам
вылө веськалан!»— повзышти весиг.

Воим пожөма нөрыс вылө. Кос кондаыс сәні —
лыддымөн. Кузьөсь, йылас кө увсяныс видзөдлан —
шапкаыд усьө.

Шожымкасянь дзик нөрыс динөдзыс паськыд вис
пырө. Сідзкө, оз и ковмы кражьяссө кыскалігөн ёнасө
мырсьыны. Пөрөдін да ваас буз да буз!

— Тані мян корабельной вөрыс, а сс и судовер-
пыс,— серөктіс Веня.— Оз, майбыр, визув вылын, джу-
джыд ваын ковмы пурьясьны! Пөрчыв вай, ёртөй, ку-
пайкатө, пуджлы сосьястө, лесорубалыштам, а сәсся и
ковчөг кутам стрөитны.

Дас кык конда пөрөдөм, быдысь квайт оськов кузя
куим краж петис. Кражьяссө пельпомьяс вылө эг и кы-
пөдлөй. Веня, видзөда, сатшкис черсө өти краж мышкө

да и мөдiс кыскыны сiйөс ва нитш вывтiыс, быттö кö-
заөс сюрöдыс йирсыны нуöдö.

— Час, час, отсышта, эн öтнад мырсы!— шуа.

— Оз ков... Кокныда локтö. Босьт чертö да и кыс-
кав, ме моз жö, вадорöдзыс, кокныдджыкъяссö, кодöс
верман.

Гылыда, вөлөм, локтö кырсьтөм кондаыс, нитш вы-
лас кöтасяс да. Отсөг оз ков, кос кражiыс мөд киөн
кутчысылытөг и шливгö-локтö.

— Краж помсö му вылас коль, мед оз пышiы джу-
джыдiнас,— велöдö Веня.— Судзöдсяс эсся сiйөс джу-
джыдiнсьыс.

Регыдөн и гурйöдлiм кражъяссö вадорöдзыс, а сэсся
и кövчег кутiм вöчны. Веня кевлiс ваас да берегсянныс
ылöкодь тувъялiс кык бедь — помöд, а сы бердö сэсся
медкыз кражсö йötким, дор кер вылас. Улыс радас дас
сизим краж бок ногыс топыда öта-мөд бердас йötкалiм,
помъяссö öтвесьталiм, дорас кыз краж жö бөрiим, а
сэсся сiдз жö и мөд радсö тэчим. Дерт, вомлөс ног нин,
крестөн. Доръя керъясыслысь помъяссö тшупыштiм,
керка пельöс чашка модаөн да мөд радсьыс первой кер-
iыс сэтчö клопкысис-пуксис. Оз нин, майбыр, быглясь.
Мөд радсьыс медводдза да бөръя кражъяссö бара жö
тшупыштöмөн чашкаö пуксьöдiм, медым эз бергав. Сэс-
ся пур помъясас ещö öти кражiөн вöйтiм, а коймөд рад-
сö эг нин тыртöй: мянөс и кык рада пурiыс крепитас.

— Тайö брустверьяс, ут пыдди, медым лыйсынысö
водöмөн, кер вылас пищаль ствол пуктöмөн позис,—
шуис Веня.— Водзсö-бöрсö лыскөн вевттыштам — ас-
лыным сайöд вöчам. Сöмын кыйöдчы да камöд утка-
ястö, тырт ноптö... Ок, другö, яяссылам на тэа-меа тайö
кövчөг помсьыс...

Зэв ладнöй пур лоис. Пельöсьяссö на көртавтөм, а
оз-ö вөрзыы вывсьыс кутшöмкö краж, пельöсьяссö тшу-
пöмөн пуксьöдiм да. А көрталам на öд нöшта пельöсь-
ясöдыс! Ок и крепыд лоö! Татшöм пурнад, ми кодь
жоньясыдлы, көть збыльысь Котласöдз кылöдчы, көть

море вывті плавъяв. Пур помас ветлі, йоктышти — быттьö джджын.

Вөр керкаö мунигөн Веня керыштіс лыжи бедь кызта дас кымын кузь льом пу ньөр.

— Бура пöжам гор вылын, вöчам пу гезъяс, да и кöртавлам пурнымлысь пельöсьяссö,— висытавлö Веня.— Ё-он гез артмö, додь заветки кодь. Оз, майбыр, ор! Дедöлөн вöчöм додысь сювийс бырö, а заветкисö оз и вежлыны. Со кутшöм крепыд пу гезйид...

Пывсян горным ваймöма, рокным öгыр весьтас жваркйö-пуö, сукмöма-нöгыльтчöма. Веня пунктис сэтчö кык пань тыр мöс вый да дыр гудраліс.

Ок и чöскыда жö сёйсьö мудзыштöм бöрад! Вөр керкаын пуöм мöс выя проса рок дзик нök кодь — кывтö нылыштан. Здукөн и кодйим пöртнымöс. Рушкуяс доймытöдз сёйим, а быттьö, вöлі кö, дасысьтö ме эськö синмöс куньмөн на паньышти.

Кöртöд вылö кералöм ньөръяс пункталім пöсь гор вылö, тупкалім пывсян стенысь тшын петан розъяс, пöрччым дөрöм-гач кежысь да водім кос турунөн вольсалöм джджö.

Асывнас садьмим водз, кöть Опонь дедлөн вөралан керкаыс ябу и кодзавлöма. Оз тай узьсы, делö вылö петім да. Льом пу бедьяс киясöс сотöны, кырсь пырыс льом пу сирыс войталö, сэтщöма пöжсьöмаöсь миян гезпуясыным.

Веня чер тышнас кучкаліс-лямöдіс мыр вылын ньөръяссö да бара пунктис гор вылö.

— Пусигкості небзьыштас на. Ме вала лэччыла.

Асывнас проса рок жö пуим, юим сэтöра юмов чай. Льом пу ньөръяс, öтар-мöдар помöдыс гартім-песім да, дзик гезъяс кодь лоисны. Оз-ö, майбыр, чег, кöть кызни эн кусняв. Кöть ноптö кöртав, сэтшöм добра артмис. Веня сэсся ньөръяссö кольчаясö и гартіс, мед нунысö сой кытшылын позис.

Шоньд войнас вискын ваыс содöма да кöть пур помсö и берегас, косас кыскылім, видзöдам, а миян кöвчегным берегсяныс дöза ылын гөвкъялö. Бур на, куръяыс

оз визувт да миян уджным Шожымка вылас абу петма.

— Тьпу!— сьовзис Веня.— Көсйылі өд көртавны, да тэрмасьомнад дзикөдз вуні... А тэ эськө сэтшөм жө... Эн жө путимы велөдыштны: көрталам пө...

Но, мый лоөмаыс лоөма, карабнымөс колө матыстны берег дорө. Турун кыскалан гез помө көртыштім палич да мыйкө и шыбласим жө. Тачкыяс-усьө сійө пур вылө, не он на босьтчы кыскыны, шливкмунө-исковтө шылыыд керьяс вылысь ваас. Дыр тадзи весьшөрө кыснасим.

— Вай ме пөрччысьла да варччыла!— шуа Венялы.

— Эн йөйтав! Турдан йиа ваас, висьман!

— Либө мөд пур вөчам, ичөтикөс, да сійөн көвчег вылас вуджам?

— Зэв дыр лоө, ёна манитчам,— Веня мыйкө мөвпалыштіс да котөртис ягө.

Здук кежлө и вошліс, сюра-пеля ичөтчик мыр вайө.

— Тайөн кө ог судзөдөй пурнымөс, ме ог төд сэссия?

Веня пелькөдыштіс-лөсалыштіс кокорасө да зэлыда шыркнитіс гез помөн. Кокныыд, бур якөр лоис. Кыкысь и шыбитліс асьыс якөрсө өртөй. Сюрнас-пельнас сійө крукасис-сибдіс керьяс костө да пур, кывзысьысь вөв моз, өдйө локтіс берег дорө.

— Со кызди колө!— чургөдліс певсө Веня.— А тэ — варччыла... Тайө якөрыс, вот аддзылан, миян и туйын верой-правдой служитас, чеччивны кытчөкө ковмас да.

Песөм льөм пу ньөрьясөн кык пөвстөн көртавлім пурлысь быд пельөс. Көть мый вынысь нин зэлөдім, но личыдкодь көртөдыс лоис да керья-көртөда костас кос конда клинъяс жбоньөдім. Сэссия керыштім кык зэв кузь зіб — думсьыным медым быдлаөд ю пыдөсөдзыс судзасны, зорөд пыдөсысь вайыштім кык-куим моздор быгалөм кос турун да вольсалім пур вылө. Бур и вольпась лои.

Йөткысим берегысь. Зібьясьөмөн петім Шожымка ылө. Қылөдчам. Пурнымөс, ыджыд да, оз и бергөдлы. Сійө лючки-ладнө руныгө-кывтө ю шөрти. Зібьяс оз и ковны, пуктім аскөд орччөн, водім небыд турун воль-

ос вылө, дзевсим бруствер сайö — сөмын азыгумъяс моз
пищаль ствольясным водзлань чурвидзöны.

Прөйдитим öти чукуль, мөдөс. Со Веня камөбтис-
луйис öти жыдачөс.

— Пуксьөдö!— радлунсö дзевтөг горөдис өртöй, ква-
титис зиб да пелька кутис йөткасьны шуйга береглань да
тшөтш и ва горув, медым өдйөджык суөдны кыйдөссө.

— Отсышт!— горзö.

Ковмис жö босьтчивны зибйö и меным.

Шедөдчиг-судзөдчиг костыс прөйдитим ещö öти чу-
куль. Сэки неылын, водзын, ваыс быттьö пуззылис: гор-
да чукөр пукалөмаөсь. Öдва и кыпөдчисны бордъяс вы-
ланьыс, сэтшөм гырысьсөсь да госаөсь. Найö вөчисны
кытш да нырчисны кытчанькө ю йывланьыс.

— Жыдачнад дай ставнас... Тьпу!— сьөвзи да шыби-
ти кок улө зибйөс.— Со көни яйыс, лэбыштитис так лэбыш-
титис! Залпуйтитим кө эськө, ноп тыр колөкө вөли нин... Кый-
дөс!— босьтли да бөр жбутки Веня кок улө, пур вылө,
нэриник утка ёкмыльсө.— Нырыс сөмын... Нырыс көч
кыян зыр кодь, а яйыс — пань тыр.

— Пөръяссим тай,— жальпырысь жö кайтыштитис Ве-
ня.— Мый сэсся вөчан... Лэбисны кө, сидзкө, эз миянлы
вылө быдмывны... Но эн маитчы, туйным кузь на.

Куим-нөль чукуль кывтөм бөрын и меным мойвиис:
луйи кутшөмкө уткаөс. Веняысь ыджыдджык, но гор-
даысь ичөтджык.

— У-си өд! У-си! Ой, сю-ри!— нимкодъысла чечыш-
тити кокъяс вылө, пишцальөс төкөттьö ваас эг көвдышт, ква-
тити зиб да мый вынысь кути йөткасьны, өддзөдны пур.

— Вод, йөткасьтөг вөтөдам, сөмын китö сэки нюжөд-
лы да босьт,— тшөктө Веня.— Друг да бара кутшөмкө
утка кельөб көнкө пукалөны...

— Да-а, вод! Йөйөс аддзөмыд,— нерыштити Веняөс.—
Менам уткаыс, да тэныд, видзөда, веськодь! А вөйö кө...
Сир нылыштас ли... Сэки — ку-ку, пук-ти... Көк моз...
Судзөда-а-а! Луйи нин да быть нин судзөда. Палялас
да лэбас нөшта!

— Вөзь тайö... Айыс. Лөз бордъя со,— висьталис Ве-

ня, кор уткаыс лон менам кыин.— Со и тэ, маитчан вö-ли-а,— кыйдöса... Шулi тай: ставыс на, мися, водзын, эн няргы...

— Ме эськö ог и няргы... Вöйö, мися, да жаль лоö-а...

Кывтам кöвчöгөн, куйлам небыд турун вылын, уткаясöс кыям. Венялөн нопъяс жыдач дорас вöзь дай горда содiс, а меным нöшта öти жыдачöс удайтчис лыйны.

Веня, тыдалö, сюсьджык синма, пищальыс бурджык и. Ылысянь пукалысь уткасö аддзас да оз зевайт — пыр и косьöбтас. И усьö öд. А менам, со, öти утка лэбис нин. Да öд эг ылысянь и лый, но эз тай со усь. А кутшöм ыджыд, сера бордъя утка лэбис. «Кре-креыс» сöмын меным и коли. Нопъяд сийöс он сюй. Жаль эськö, но мый вöчан...

Шондi вылö нин кыпöдчис. Уткаясöс пыр гежöдджыка кутiм аддзывлыны. Кöть ог тыдалöй, но пурсьыд, ёна югдiс да, полöны жö, ылысянь на лэбöны.

— Ве-ень! Сэсся та мында и сюрис эта ылнаас волöм вылö?— шыаси ёрт дорö.

— Абу на гортынöсь да... Кыям на,— вочавидзис сийö. Куйлöмысь мудзис бокö да сувтi. Видзöда гөгөр, нимкодяся ытванас, тувсов ывла вывнас.

Друг водзысь аддзи öтка ыджыд руд мыöр.

— Веня, Веня, видзöдлы, со нö эстöни мый эськö? Абу-ö йöра видз вылас петöма?— индi киён водзлань.

— Шуан жö — йöра!— серöктiс Веня.— Косьмöм лыска коз. Чардби, тыдалö, кучкöма, чегöма йывсö... Косьмöм лыска коз сийö... Вод вай, сайöдчы.

Веня бөр водiс аслас местаас.

— Но инö, абу кö зверь,— яналыштöмөн сетчи сёрниөн, кутi видзöдны мöдлаö, а ачым мөвпала: «Кöть мый, но абу пу. Тöдöмысь, кутшöмкö зверь, ловъя лов!»

Веня быттö вунöдiс меөн аддзöм «йöра» йылысь, а ме ог-ог да и видзöдла сэтчань, кытчö ыджыд нырд кытшовтiг-вуджигөн саялис тайö аслыссяма мыгöрыс. Медводз и аддзи виччысянторийöс.

— А-а, зо-о-орёд вёлёма,— веськодя шуи ме. Пёрт-малісны синмөс шонді югөръясыс.

— Збыль тай!— шензьыштис ёртöй.— Эндёма со, эновтёмабсь... Ытшкисны, идралісны-керисны, и со... Но и но!

— Код тодас? Кодлөнкө вöлыс эз собав джуджыд лымйöдыс либö чайтисны, мый водзас сэсся абу нин туруныс. Дзик со бечевник помас... Вөр ковтысыс сайыштö и. Сійөн и кольёма.

— А вай тэа-меа сөвтам пур вылө да лэччöдам,— öз-йисны Венялөн синъясыс.

— М-ы-ы-ый?— эг виччысь ёртсянь татшөм йöйталөмсö.

— Лэччöдам, мися, гортö...

— Миян Сюруклы туруныс тырмас, а ме сійöс ог сөй!— крапкөбті, медым помавны тайö, некытчö лöсвятөм, сёрнисö.— Мися, турун кылöдысь кодьöсь и эм. Оз ков меным туруныс.

— А коді шуö: тэныд? Колхознöй турунсö. Кутшөм öд горш, кылö, ставсö — тэныд!

— Оз мем ков туруныс, оз, шуа! Ме татчö уткаясöс кыйны локті! Вöям на нöшта — мый сэки гортын шуасны? Висьталам, кодлы колö, да митөг гырысыяс лэччöдасны...

— Эновтам сідзкө?

— Ог эновтöй, а кольлам. Пышъяс тэнад зорöдыд! Ме, наперво, кыйсыны вои да бурпöt талун кыйся-а... Сулаліс зорöдыс гожөмбыд, арбыд да нöшта — төвбыд, и öні оз сыв. Висьталам колхоз правлениеын — воласны мужикъяс, тэа-меатөг сөвтасны и кылөдасны! Кöзяйственик лөма, сплавщик, лельö-бобö!

Нимтысьөмсьыс Веня ёна дözмис, тайкө кучкас. Но ёртöс ме тöді: мыйкө мөвпыштас кө — вöчас, көть сэсся орөдчас, да бурөн нин шыаси:

— Ми вот мый, местасö бура приметитам... Ыджыд нырд сертиыс и аддзасны... Аски жö и висьталам, конюклы көть, гезсö сетігмоз, правлениеас көть... Но, Веня?

— Мыйла войтырсö уджсьыс торкны? Пöпуттьö ась-

ным и лэччодам. Гөриг-көдзигкежлө вөвъяслы мед лоё, конюшняё сдайтaм,— оз сетчы Веня.— Помнитaн, кызди Дарья Коль турунсö нөбйөн-нөбйөн чукөртис?

— Ог вөвъясөс, а чериясөс асьным кутaм вердны,— повзи ме.— Вө-өям өд, вө-өям!

— Көть мый, а та мында турун кольны оз позь. Эта ылнаас йөзөс нарoшнө ыстывны?.. А мян өд пө-путтьө... Ещө оз на аддзыны, ылөдлинныд, шуасны...

— А ме шуа — некутшөм турун... Ме нө та ылнаас турун кылөдны медаси?— быттьө юалі Венялысь, но ачым жө и вочавидзи:— Кыйсьыны. Мем некутшөм турун оз ков... Аддзасны, абу нөсила турун!

— Кыйсин нин, абу тыртөм ноппыд. Тырмас тэд.

— Тэд, дерт, тырмас, мый аддзылим, ставсө варшaлин да. Ноппыд со тыр, а меным оз на тырмы!

Веня лөгпырысь видзөдліс ме вылө, нинөм сэссия эз шу, муніс пур пельөсө, кватитіс асьыс «якөрсө» да өдөбөн шыбитіс сійөс берег дорын быдмысь кустьяс пөвстө.

Якөр сибдіс пуяс костө. Öдйө исковтис пур вылысь коляс гезйыс, зэлавліс струна моз да сунис моз брун-муні-ори.

— Но вот, вөчин асьыд лөк уджтө!— повзи ме.— Öні сэссия сувтлыны ни көртасьны — збыльысь мореөдз кылөдас.

Көть и ори, но гез век жө чинтіс пурлысь өдсө, ве-жис туйсө. Сійө зутшмуніс веськыд пельөснас берегө да ньөжйөнникөн кутіс бергөдчыны. Эг тай дыр мөвпав — кватиті ноппыс, пищальөс да чеччышті берегас.

— Кывт, колөкө, өтнад, а ме Ю-Яг пыр, вөр пырыс лэчча. Колөкө, тар либө сьөла на лыя.

— Ме тэныд петкөдла вөр пыр лэччөм!— пузис Веня, кватитіс зібсө да йөткасьөмөн матыстө-топөдө пурсө берегланьыс, көсйө сувтөдны сійөс. А пурйыс оз кывзысь, дурпоп моз бергаліс, пельөсьяснас люкавліс берегсө. Веня видчө ме вылө, грөзитчө, чеччышті пур вывсьыс да.

Ме видзөдлі водзө, да сувтліс лолөй: водзын, воськов

дас сайын, дөввидзис паськыд куръя. Отар помнас сійѳ тшукѳма Шожымкаѳ, метр комын пасьта полой, а мѳдарыс код тѳдас кѳні. Куръя кодъ тай-а, вермас лоны — кутшѳмкѳ вѳрса ю. Паськыд, дерт, ытва дырйиыд, джуджыд. Мун да и вудж сійѳс либѳ кытшовт йылѳдыс, гашкѳ, кызь верст сайті.

Татшѳм лѳкторсѳ аддзис да, повзис и Веня. Нѳшта на зільджыка кутіс йѳткасьны береглань, медым пыртѳдны пурсѳ куръяас, но ыджыд сьѳкыд пур омѳля кывзисис сылысь, пыр кылалѳ, петіс нин куръя вомѳ, здук — и вуджас-юковтас сійѳс.

Шожымкалѳн визулыс отсыштіс, либѳ пурсѳ бергѳдлысь выныс кежѳдіс сійѳс, но, видзѳда, пур гунькылѳ пырис менсьым туйѳс потшысь вискѳ. Сѳні зіб джынйѳдзыс сѳмын ваыс и вѳлѳма. Веня ѳдйѳ йѳткысис, тшукѳдіс пурсѳ лажмыд берегѳ, чеччыштіс му вылѳ да кулакъяснас уськѳдчис ме вылѳ.

— Тѳ тадзи кѳсьян!— горѳдіс сійѳ.— Ёрт пыдди босьті, а тѳ пышьян, со кутшѳм тѳ вѳлѳмыд!

Ме повзи да уськѳдчи котѳртны. Веня, видзѳда, эз кут вѳтчыны, бергѳдчис пур дорас, кыскыштіс сійѳс берег вылас. Ме дугді котѳртны, но и матыстчыны ог тѳрмась: мед кѳдзыштѳ ыпнитлѳмсьыс. Мынтѳді крукасьѳм якѳр, гарті сюръясас гезсѳ, пукси мыр вылѳ да виччыся, мый лоѳ водзѳ.

— Но, лок нин, мый сѳні пукалан,— лѳня нин шуис Веня, но, кылѳ, гѳлѳсыс дѳзмана на.

— А тѳ он кут тышкасьны?

— Ог, ог, лок!— эскѳданаа нин сѳсся шуис Веня.— Мый нин тѳнѳ тышкалан. Тѳкѳтьѳ эн коль, ді вылѳ кѳч моз!

Матыстчи Веня дінѳ. Сійѳ чушьялыштіс на, броткыштіс. Берег вылас сѳйыштім, а сѳсся йѳткасьѳмѳн кайлім куръя йылас. Сѳні, берег дорсяныыс воськов кызь ылнаын, зымвидзис додъ кыка гѳгрѳс зорѳд. Веня сьюліс кисѳ зорѳд пытшкѳ да кыскис сѳтысь веж турун клѳк.

— Кѳть мый, а татшѳм турун кольны оз позь,— шуис сійѳ.

Ме өлөдә ёртос; воям, шуа, вензя.

— Сөвтам пур вылас да видзөдлам. Позьё и өтнассө лэдзны. Сикт улын кутасны,— мудералис либө сетчис сёрнинас Веня.

Веня отсалис кайны зорөд вылө, да ме регыдөн и пусь-пасьвөчи сийос джынйөдзис. Сэк кості ёртөй катлис берег вылө нопяс, ружьяс, зібьяс да моздорнас кутис котрөдлыны турунсө пур вылө. Сэссия, кор зорөдыс ляп-калис да сы вылын мортыс эз нин кут ковны, ме тшөтш босьтчи лэччөдлыны турун. Уджыс кутис мунны кык өдйө. Тэчам ассыным вавыса додньымөс, пур вылө кай-лөмөн ёна таялам, мед ляпкыдджык лөб, а асьным пыр видзөдлывлам, ёна-ө вөйө пурным грузьыс. Но нинөм ог казялө, көть джынсьыс унджыксө нин сөвтім. Метр джуджда и кыптис сөмын — паськыд да кузь пур вылө разөдөмөн да бура таялөмөн туруныс быттьө воши, пельпомөдз өдва лои. Кос конда кражъясыс ыджыд груз, вөлөм, кыпөдоны: өти радыс пурлөн вөйи, а мөдыс ставнас веркөсас тыдалө. Весиг турун пыдөсыс эз көтась.

— Морскөй корабль дай сөмын!— серөктис Веня.— Мөд та мында груз кө вөлі — падъявтөг на позис босьтны! Мыччав вай көлуйнымөс, да мөдөдчылам водзө.

— Кыдзи мөдөдчылам?— лэпти Веня вылө синьяс-өс.— Тэ жө шуин: пурсө өтнассө лэдзам, а асьным Ю-Яг пыр подөн.

— Но, подөн ог жө мунө, эдатшөм транспорт эм да!

— Воям, эн дур, воям!

— Нем абусө эн доль. Со, ветлөдла помысь помөдз да оз и катлась. Сөв вай, сөв өдйөджык!

— Но инө, ставыс кө лючки лөб, смелмөдчылам. Но первой испытайтам куръяс, ёна-ө надейнөй, но?

Йөткысим куръя шөрланьыс, зібьясям-йөткасям перво өтарсянь, а сэссия мөдар боксянь. Грузнад пурным нөшта на кывзысьысь да лабутнөйджык лөма: кытчаны тойыштчам, сэтчань и мунө. Раз-мөд берегас зутшнитчылім — нинөм, повтөг позьё водзө кывтны.

— А добра тай көвчегным!— шуа.

Петім Шожымка вылө. Груз тыра пур вылын, вөлө-ма, и збыльсы бурджык на кывтнысө. Оз дзөръяв визув вылын берегысь берегө көвчегным, тдө ассыс туйсө, тюрөдө визув шөртис. Юыс паськаліс, вабергача ыджыд йиръяс кутісны паныдасылыны, но миян веськодь. Вабергачсө ыджыд өд вылын юковтас пурным да бара водзө шлывгө. Кылөдчам шог төдтөг, зібъяс ки өг и босьтлөй. Ружъеяс бокын куйлөны.

Лун шөр бөрас уткаясөс сэсся эг аддзылөй. Тыдалө, көнкө вөрса тыяс вылын дзевсьөмөн вердчөны.

Нюжгөдчим небыд турун вылө да нем вөчөмысь мойдчам, вөралөм йылысь сёрнитам. Кынөмъяс кутісны сюмавны, но берегө петалөм йылысь, биपुर йылысь мөвпыштны ог лысьтөй: өні сьөктөм пурсө сира кыз канатөн он сувтөд. Пөртиён гумовтім көдзыд ва, сакаралим, шөралім нянь, выялим да сідзи и пажнайтыштім. Юмов көдзыд ваыс чөскыд жө вөлөма: выя няньтө бура кылөдө, горштө веськөдө и. Рытъядорлань нин шондіыс катовтіс: час-мөд-коймөд — вөртаслань кутас исковтыны.

— Ставыс кө лючки, тадзи кө кутам кывтны, рытнас, час дас кежлө, конюшня весьтө воам,— шуө Веня.

Сёрнитчим нин кык друг — турунсө шуим Дарья Кольлы сетны.

Кузякодь вөр пыр лэччим, сэсся бара кутісны паныдасылыны эрдъяс — колхозлөн матысса видзьясыс да пөскөтинаясыс. Вөр бердсыс, лоссыс, аспом скөтлы турун пуктывлөны. Арнас доддя, додь джынъя зорөдъяс вөралігөн аддзывлім. Вөр пөветсыс. Полөны войтырыс нуөмысь-өтувтөмысь да дзевөны турунсө.

— Нөмыд ковтысөдз, уна вылө, километр дас коли,— висьталіс Веня,— ставыс со, кызди колө, лючки мунө. Матынөсь нин. Таті, дерт, визулыс сэсся ньөжмалө, ойдөм Эжваыс Шожымкасө пыкө, но миянлы и сійө кивыв — кокныдджык лоө ичөт өднас сувтны берегө. Конюшня весьтас куръяс и пырам йөткасьөмөн.

— А Дарья Кольыс мед эськө оз аддзыв лөктөмны-

мөс. Вот дивуйтчыны кутас! Кытысь пö и воис ныр улас та мында туруныс! Енэжсьыс уси!— серала.

Ог төд, татшөм-ö вöлі Венялөн көсйöмыс, но серöктис жö, а сэсся дөвöльпырысь шуис:

— А ёна на и мойвиис миян! Лоö мый йылысь школаын ёртъяслы висьтавны: уткаяс кыйим, турун вайим, а пурсьыс бур сыв пес на лоö. Дарья Қоль мед аслыс вылö и пилитас. Сийö öд миян пессьыд маета абу, вöрың олам да, а шожымсаыдлы... Додь кос пуыдла — пöрöдасны-сöвтчасны — лун воштöны.

Шожымка крута чукыльтис веськыдыв, а сэни, водзас, друг аддим — миянлысь туйнымöс вомöналöма зэв кузь да кыз пöрöм пожöм. Йылыс ю шöрöдзыс нюжöдчöма, лыс лапъяснас нюлö ва веркөссö. А визулыс веськыда, төдчö, кучкö. Со тай, кутшöм великанöс кырöдöма шуйга берегсьыс — нэмөвöйся пожöм.

— Воим тай! Пуыс öни чышкыштас пур вывсьыным ставсö: и турун, и көлуй, и кыйдöс тыра нопъяс, пищальяс да öти сайысь и миянöс тшöтш. Мый нö öни лоö, Веня, а?— повзьöмөн юалі ёртлысь.— Мый кутам вöчны, мы-ы-ый?

— Зібъясь! Зібъясь!— горöдис Веня.— Веськыд береланыс колö сетчыны!— Сийö кватитис ассьыс зібсö да тульснитис помсö ваö. Ме босьти жö зібйöс, но весьшöрö. Кузь потш эз и подйив ю пыдöсöдзыс.

— Джу-джы-ыд!— ыкөстис Веня.— Сын вай, сын веськыдыввлань. Пу йывладортис колö кылöдчыны. Сэти прöйдитам, а пуксьöдас кө пу динладорас, тані и ковмас тувсавны.

Но татшөм ыджыд груза пурйид абу пыж. Бедьпельсыснад сынöмысь төлкыс вывти этша, а ва весьтö гөвкнитчöм пожöм пыр матыстчö и матыстчö: со сэтчöдз дас метр коли... вит...

— Эновт зібтö!— бара горöдис Веня.— Вод турун вылас да крепыда кутчысь пур пельöсö көрталöм гезьяс, мед ваас оз шыбит.

Кыкнанным кутчысим гезйö, сетчыштим, кытчöдз позьö, пур бөрлань, ноп да пищаль волысьяс сой кытшыльö

пысалім, юрөн турунас жмитчим. Ме куни сингяссө, быттё плешё чорыд печик виччыся. Сэки кыз тай тракнитас. Өдйөвувсьыс сирпи моз туюкниті водзлань, но гезыс мездіс. Эг кө водзвыв бура кутчысьөй гезьяс, эськө торпеда моз ваас тутыштім кыкнанным.

Вөр тырнас дзуртыштіс-ойөстіс пөрысь пожом. Пуыс жугалөм мельнича көлеса моз бергөдчыштіс джынвыйө, сетчыштіс горув, вөйи ваас. Сылөн веж кудриа-лыска юрыс саяліс кытчөкө пур улө. Көвчөгным сунсьыліс водзладорнас ваас, вылө лыбліс сылөн бөрыс, но тадзи, пөшти пом выв здук кежлө сувтлөм бөрын, жаялөм ёді моз бөр пласьтнитчис кынөм вылас.

Ыджыд өдөн вөлі кывтө пурным. Сійөс өдвакө вермис эськө кутны сира пратя гез — тыртөгыс ён бөж гез сісь суниссө моз орөдіс, а со тай, вынаджыкөн вөлөмаось нэмөвөйся пожөмлөн лыдтөм-тшөттөм кузь вужьясыс, кодьяс кувтөдзыс вердісны-юкталісны тайө вөрса великансө.

Зөм сувтім — ни водзө, ни бөрө. Гөвкьялам ю шөрын арся вижөдөм пипу кор моз. Өтар берегөдзыс сыв вит, и мөдарөдзыс абу этшаджык.

— Приекали! Наш караб сел на подводный коралловый риф! — курыд нюмөн рочалышті ме.

Веня чеччис, ветліс пур нырланьыс, шутөвтіс да гыжыштіс балябөжсө.

— Пу йыв вылас топыда пуксьөдіс, — майшасьөмөн юөртіс Веня. — И пусө керавны төлкыс-ладыс абу...

— Төлкыс-ладыс! — нерышті Веняөс. — Оз вөлі ковгоршасьны. Сёсь шулі: оз пышйы зорөдыс, митөг эськө кылөдісны... Эн кывзысь! Көртвомтөм вөв кодь жө эськө тэ: кытчө көсьян, сэтчө и кежөдан! Эз мунсьы Ю-Ягөдыс? Ме вөлі сө пөв прав, а тэ пыр асланыд синін...

— Эн увгы! Мый лоөмаыс, өні лоөма нин... Колө мөвпыштлыны, кызди мынтөдчыны тайө капкансьыс.

— Мөвпавсьөма нин! — ассыым өнтайя правлунөс кылөмөн тшөтяся Венякөд. — Виччывны ковмас, кор ваыс ямас. Регыдик, гожөмөдзыс сөмын!.. Оз кө отсөг во,

кыдзи потерпевшим кораблекрушение. Мезды öнi морскöй карабтö.

— Эн мися дöзмöдчы!— öвтыштiс кинас Веня.— Мын-тöдчам... Тöлкөн-ладөн мөвпыштлыны — быд немину-чаысь петан туй позьö корсьны...

— А-а, гөгөрвои!— пыр на көрита Веняөс сьлөн йöй-лунысь.— Водолазö көсьян пöртчывны? Со гез помыс, көртав коскад крепыдджыка да сунсьыв пур улас лэ-чыд чернад, керав пусö. Кор уджтö помалан, тракни-тышт гезйöдыс — здукөн бөр кыпöда аслад судно вы-лад...

— Водолаз, шуан?.. Пусö керавны? Позьö и видлы-ны! Öти тöлка мөвп тай кылі жö тэсянь!— Венялөн синъ-ясас öйисны би киньяс, чужöмыс ловзьыштiс.— Вид-лам, видлам. Мыччыв, ноко, гез помсö!

— Эн йöйтав!— ёртлысь ыззьöмсö аддзöм бöрын кут-чыси сылы сояс.— Пропадитан! Видзöд со — ытваыс пом ни пыдöс, а ваыс — кө-ö-дзы-ы-ыд! Виччысьлам... Узь-мöдчам... Сулалас-сулалас да, ваыс кө бара ойдыштас, ачыс на и мынö пурным.

Веня öтдортiс киöс.

— Ог, мися, лэдз! Вöян!— горöдi.

— Видзöд да отсась, а эн мешайтчы... Мый тöлкыс весьшөрö больгöмсьыд да вензьöмсьыс... Под лежачий камень пö... Қывлiн?

Веня босьтiс кинас зiб, тунгис помсö ваас да тулскö-дöмөн корсис вöйöм пу йывсö. Аддзис, мерайтiс, пыдö-ö сийöс ляскöма пурным ва пытшкас. Дыркодь ноксис, мургö мыйкö ас кежас.

— Судзас чер воропö пожöмöдзыс... Пур дорышас сувтны позьö и... Керала пу йывсö — мынам пленсьыс.

Веня кос гөгöрыс топыда вöнясис гезйөн да ньöжйö-ник кутiс лэччыны пур пельöсöд.

— Гезсö крепыда кут, мед ог усь ваас,— стрöжитiс сийö.— Ньöжйö-ньöжйö слабинасö сет... Тырмас... Уф-ф... Кок пöv вылын эськö зумыда сулала, но тадзи, öшалö-мөн да нöшта ки пöлөн, керасьны ог вермы. Личöдышт гезтö, видла веськыд кокөн, подйö-ö пуöдзыс.

Шуйга кокнас пур дорыш вылын сулалөмөн, өти ки-
нас турунө, а мөднас гезйө шашаритчөмөн, ёртөй ньөж-
йө, вывти ньөжйө кутис лэдзны кок пөвсө ваө.

— Ш-шмот-ри! Кут крепыда!— пинь пырыс сөдзө-
дис Веня.— Көни и пожөм йылыс?

Видзөда — Венялөң чужөм вылас пөсьыс чепөсийс.

— Кута, кута, эн пов!— шуа да, мед гөгөрвоис, мый
надейнө кута, зэлөдышта гезйөс.

— Эн кыс-кы! Коскөй орө!— никөстөмөн артмис сы-
лөн.

Венялы сюри кок улас вөйөм пу йылыс. Пыдын вөлө-
ма: резина сапөг гөленьөдыс, ещө кө ки вомлөс, ва ыль-
книтас.

— Уф-ф-ф!— кокувса утыслысь качнитчөмөн зумыд-
лунсө видлөм бөрын мынтөдис турунысь кисө Веня да
паськөм соснас чышкыштіс чужөм вывсьыс пөсьсө. Мөд
кисө гезйысь оз лэдз. Шойччыштіс:— Ноко, мыччыв
менсьым черөс... Бөрынтьчышт гезнад да ёна, мися, эн
зэлөд. Шатовмунөмысь сөмын кутышт... Зумыда өни су-
лала, кыкнан кок вылын... Тадзитө, пөжалуй, мыйкө арт-
мас.

Веня кутис керасьны. Тайөс оз позь весиг шуны ке-
расьөмөн: ки пөвнас тульскө ваө черөн, а мөднас гез-
йө шашаритчөма. Гашкө, кызысь тульснитас да вөлись
чунь кызта чаг тор ва вылө кыптө. Дырөн, но чаг торъ-
яс ва вылө кыптөны, сідзкө, уджыс мунө.

Брөд көтасис мортыд. Тадзтө уджалігөн, дерт,
мудзис и. Он төд, ньылөмыс-ө, резсьөм ваыс-ө чужөм
ывтыс шорөн лэччө. Мортыс нин жаль лои, аслым ян-
дзим и, сулала, гез пом кута, а ёртөй брөд ва. Вөзйыси
вежлыны — оз көйы.

— Ко-ока-ла-а, пу джынйөдзыс шойччывтөг ко-ока-
ла-а!— сөмын и шуыштас, да пур вылө оз кай.

Гашкө, час джын тадзи кокасис. Та дыранас яг вы-
лысь вит пу позьө пөрөдны, а ва пытшсьыд и пу йылыс
некыдзи оз ор.

— На, босьтлы черсө. Шойччышта,— корис Веня.—
Сьөвмөсас регыд воа. Со паськыд нин чагйыс чукталө —

джынъяс воа, а сэсся чегö йылыс. Этша нин коли.

Веня кайис пур вылö.

— Тырмас тэныд, сэсся вай ме лэччыла,— чорыда шуи ёртлы да рази коссъыс гезсö.

— Лэччыв инö, окота кö кötöдчынытö,— сетчис Веня.

Кötöдчыны мем эз вöв окота. Став паськöмöс пöрччи, Венялысь кötасьöмсö кöмалі-пасьталі. Қор кывтны кутам, кос паськöмнас ёрткөд юксям да кыкнаным косьсö лоам. Ва паськöмнад кынмас мортыс.

Лэччи ва веркöсö. Визулыс неуна юрöс кольмөдö, но первойтö пыр сідз овлö, сэсся велалан.

— Ча-ас, ча-ас, быд уджлы на помыс волöма,— шуала ас кежысь.— А-а, öти чаг со чуктіс, мөд...— окота лои öддзöдны уджсö. Веня надейнöя гезйөн кутö и. Ышмышти, копрасьöмөн сöтышта да сöтышта. Венялөн черыс бритва кодь, имитö пуас. Вуні, мый пöшти öшалöмөн керася — ёнджыка чатöртчыссис и... тökötьö гатшөн эг усь. Юрö ылькнитліс вирöй. Шашаритчи турунö да ур моз кавшаси пур вылö. Мыйкö, кылі, тульсмуні ваас.

— Ы-ы-ы-ы!— Венялөн шармисны синъясыс.— Вöйтис öд, вöйтис дедушлысь додь вöчан черсö!— Веня кватитис менö морöсöд, зырöдö пур помлань:— Судзöд! Судзöд мися!

Ме садь быртöдз повзи: скöрйивсьыс Веня öні збыльысь вермис купайтны. Мышкөн шнөпкыси турун вылö, чужъяся, горза öтиторсö:

— Ассьым сета, ассьым сета! Эг öд нарошнö...

— Ёна колö тэнад тупичаыд! Ассьыс сійö сетас! Водо-ла-аз, шуан! Видзöдла вот, кутшöм водолазыс тэысь артмас!

— Некутшöм, некутшöм... Мынтыся либö...

— Мыйён? Мöснад? Тыпу! Отсасъысь петöма! Қоркө ещё кö кок пöвтö кытчökö ме бöрся кыскан! Задев сöмын. Вредитель!

Дыр тадзи чушъяліс Веня, а сэсся бара пасьталіс

ассыс ва паськѡмсѡ да лѣччис керасьны менам ныж черѡн.

Коркѡ сѣсся ва улас негораа кратшмуныштіс пу йылыс, ѡтчыд, мѡдысь. Веня шыбитіс черѡс турун вылѡ, кавшасис. Видзѡда: пур кутіс бергѡдчыны, ньѡжйѡник кылавны.

Мынім налькйысь, но тайѡ ыджыд радлунсѡ юкны вѡлі некодкѡд. Веня зумыша сулаліс пур помын да чѡв олѡмѡн пыдзраліс ва паськѡмсѡ. Дузъялѡ, оз босьт весиг кос дѡрѡм-гачѡс. Кывтам сѣрнитѡг: Веня — оз кѡсйы, а ме, ёна мыжмѡм мортыд, ог и лысьт гѡлѡс сетны, пола нѡшта на ёнджыка скѡрмѡдны сйѡс.

«А збыль, гашкѡ, мынтысьны да?»— воис юрѡ мѡвп.

Жаль, но перйи ноппысь уткаясѡс да мыччи ёртлы.

— Босьт тайѡс... Черыд пыдди...

— Оз мем ковны тѣнад уткаясыд... Аддзысьѡма, вузасьѡ-ньѡбасьѡ...

— Деыдлы ме ачым висьтала чер йывсьыс...

— Тѣтѡг нин кыдзкѡ...

— Мый нѡ либѡ дузъялан...

— А тѣ эськѡ нимкодясин? Сьывны горѡдін? Кутчысьлам вай, сѣ муса другѡй!

— Ме ѡд эг нарошнѡ... Повзи... А мый сѣсся ѡні... Тадзи нин артмис да. Ачыд жѡ шулін: мый лоѡмаыс лоѡма... А гашкѡ, сюрѡ на? Кылан, Ве-ень? Гожѡмнас... кор ваыс пидзѡсѡдз лоѡ, волам сѣтѡр вотны?.. Местаыс паса — кералѡм йыла пожѡм... Сюрѡ на черыд бѡр...

— Да-а! Ѳдвакѡ сюрас... Киссьѡм ватѡ куравсьѡма нин...

Татшѡм восьса сѣрныс, тыдалѡ, неуна личѡдыштіс Венялысь сьѡлѡмсѡ. Эз, сйѡ эз варовмы, юалѡмьяс вылѡ вочавидзліс дженьыда, коса, но дѡрѡм-гачѡс пасьталаіс. Кѡдзыдысь повзылі да гортысь петігѡн шоныда пасьтасьлі — кык дѡрѡм, кык гач, мый тѡрис, кокѡ нямѡдьяс гартлі. Ѳні со и сгѡдитчис.

«Кутшѡм гажа местаясѡд кывтѡ Шожымканым? Кутшѡм уна сѣні тулыснас уткаыс! А пур вылас кывтѡмыс!— ас кежысь мѡвпала ме.— Тѡлкѡн-ладѡн кѡ —

вунөдлытөмтор. Өд сідзи эськө и лоис, эз кө потш туйнымөс этийө пожөмыс. Эз сөмын туйнымөс потш, а Венякөд, тыдалө, ёртасьөмнымөс ородіс. Тайө тулыс, төдөмысь, пельпом на пельпом тай вөравсис нин-а. Өд кызди шуис: «Лысьтан кө пө сэсся ме бөрся кок пөвтө кыскыны!» Но и пожөм, но и пожөм! Да пөрин кө нин ваас, эн нин кө вермы кутчысьны ён вужьяснад, мед либө и кылалін... Абу тай со вакульыс юрсиөдыд кутөма, миянлы лэч октөмыд! Тьпу!»

— Мый нө съөласян?— пельпом вомөныс юрсө бергөдліс Веня.

— Да-а, эсийө пожөмыс тай став съөлөмөс муткыртіс. Вакульыс сийөс лэч пыдди видзөма, кылавнысө абу сетөма... Ог и төд, кызди өні тайө туйсө казътывны — лөкөн али бурөн...

— Кутшөм эм, сідзи и казътыв!

— Дивъя-а, тадзтө вөравнытө, но...

— Кузь туяд, торйөн нин ва вылад, быдсямаыс овлө... Пиласө вунөді, көсий өд босьтны, да вунөді... Дедушкөд босьтлім, а талун вунөді. Сэки ми куим пуө крукасьлім. Ваад керасьнытө зэв абу кивыв, а пилитчынытө кокни, пилаыс ваас, быттьө выйөн мавтөма, шливгөветлөдлө: гудж-гудж, и — туй восьса... А местаясыс тані мичаөсь, прөмысаөсь и чериаөсь: тулысын — утка, гожөмын — сир-ёкыш, а арын — съөла-тар...

Сөрмөдіс миянөс ковтөг сувтлөмыс. Конюшнялань матыстчим рөмдігөн нин. Лажмыд ластва берегьяс пөлөн Шожымка визувтіс йылөдыс серти кык-куим пөв ньөж-йөджык — ю усяніныс матын да Эжваыс пыкө татчөс васө, быттьө видзчысьөмөн аслас борд улас ичөт чойсө босьтө. Шожымка таті ёна паськыд и төдчымөн ляпкыд-джык — зібьяс бура судзөнысылөн лыаа подулөдзыс. Йөткысьышталөмөн матыстчим дзик берег дорөдзыс, руньгам-кывтам.

Ылысянькодь на казялім: конюшняысь петіс Дарья Коль. Горзөмөн чуксалім сийөс отсөг вылө. Конюшняыс берег дорас матын да кыліс мортыд гөлөсьяснымөс, локтіс воча. Веня шыбитіс сылы якөра гез пом.

— Кыскы, Коля дядь, берегланьыс, пыртөд миянөс курьяас,— нимкодьпырысь гораа шуис Веня.— Вөвъ-ясыдлы турун вайим. Эндылөма ю йылас быдса зорөд...

Туйным лючки помасис, но сьөлөм вылын пыр на до-лыдлуныс эз вөв: «Мый думайтө ме йылысь Веня?» Но веськыда тадзи он юав. Смелмөдчи гортө кежигөн нин.

— Тэ сэсса, Веня, өтнад кутан кыйсьынытө ветлыны?

— Мыйла өтнам?

— Он тай көсйы сэсса некытчө босьтны... Шуин тай...

— Видзөдлам... Ме эськө коркө мыйсө эг шулы да...

Мун да шойччы... Энлы... Менам кыйдөсыс унджык, босьт жыдачсө... Отлаын вөралігад прөмыссө шөрипөв юкльв-лөны.

ПУЖЪЯВЛОМ КӨДЗА

Ёна и зөркйис Митерас грездса войтырөс тулысыс. Тшыгъялісны и скөт, и йөз. Торйөн нин сьөкыд вөлі тер-питны тшыглунсө миянлы — челядьлы. Төвъян жыр гө-бөчын арнас картофелным йиркөдзыс вөлі, көть гөбөч-ным миян дөза ыджыд, а пуктысигкежлө пельөсас коль-ыштис. Но сэтысь өд и сөйны на коліс вичмөдыштны, и эз регыд кежлө — виль урожайөдз мед эськө тырмис. Көктоина либө тшака шыдсө кө он картофелышт, вө-лөгаыс горшад тасасьө — идзаса-кача нянтө он кылөд. Рочьяс велөдісны да коляс картофелыс и пуктасөн, и сөянөн лоис: нырладорсө, «веркушкасө», кызди найө шуө-ны, чунь кызтаа көйдыс вылө вундам, пөимө тшукөд-лам, мед оз сісьмы да шердынъясө мудөд вылас нырсь-өдны пуктам, а асьсө, «яблөгсө», шыдө шырам, кышсө зэв вөсньыда весйөмөн. Картофель печень төлысьыс дырджык нин эг видлөй — кутшөм нин печенясьөм ли-шавтөгыс. Картофель кышнас (весйынысө зэв вөсния ве-лалім) ыжъяс — вурун сетысьяс — да мөс — йөв ва-йысь — чөсмасьөны.

Олан жырйысь эз кут петавлыны гыр. Рытъясын,

водз асывьясö быд керкаын гымгисны-масьтисны сөчөн
вылө рудзөг идзас. Тшак оз на пет, да ыджыд прөтивень-
ясын картупеля-кыдья няньсö пöжавлім. Абу сөчөн ни
абу көлөб. Сёян сійөс көктоина шыдөн, йөвторйөн кы-
лөдыштан — кынөмыд тырө, а он и пөтлы. Сідзи и бер-
гөдчылім. Вирпастөм чужөмьясныс йөзлөн, лы вылас
косьмис яйыс скөтлөн, но эг жө кывлы, медым кодлөн-
кө, соседьяслөн, аспом скөт вердтөмысла кувліс. Кыс-
кисны кызкө-мыйкө, коді кызди кужө, видзчисисны
ускөттөбысь.

— А ёна жө нин ыжъяс да Сюруння омөльтчисны,—
гидысь кайөм бөрын ышловзяс мам.— Лыыс да куыс ко-
ли, гөнныс көрымтөмысла усьө. Сюруклөн йөлыс лу-
нысь-лун, синвидза чинө. Кызди и кыскыны скөтсө ве-
жөдөдзыс.

Жаль миян мөскыс. Чоя-вокаяс картаө быд лун лэч-
чывлам. Ме быд пөрийө сола няньтор босьтышта, Сюру-
көс вердышта, медым сійө подтөг эз усь, йөвсө унджык
чолькйөдыштіс, миянлысь вом көр вежис.

Колхозын, мам висьтавліс, мөсьяссө тыртөм лясни
дорас кынөм увтіыс гез йылө өшөдөмөн сулөдөны, и не-
код налы, коньөръяслы, няньсө оз сетышт. Со и усьоны
подтөг, кулалөны.

Омөльтчисны, уси мыш вывсьыныс гөнныс колхозса
вөвьяслөн. Йөзлысь чукөртөм турунөн вердөмысь —
унаөн мөсьясыслы полойясысь да вөрса ты-вад берегъ-
яс вылысь зөридз ытшкөны — вөвьяс юрдойөн висисны.
Зөридзыд, урбөжыд өд вөлыдлы, шуөны, яд кодь. Куим
гөв колхозысь кулі. Тшөтш и миян батылөн пөрысь Сер-
коыс, кодөс Митерас грездө овмөдчөм бөрын да сәні
«Виль туйөд» колхоз котыртөм бөрын батыө өтувьяс ов-
мөсас нуөдлөма. Тэрыб, ён вөв вөлі. Батыө сійөс, мам
висьтавліс, стенлань нырөн сувтөдөмөн, вөлөм, доддя-
лө. Он кө пө удит доддяс пуксьыны — коляс. Миян грез-
дын олісны сөмын сизим семья. Война öзыйтөдз неки-
мын во водзджык и овмөдчылөмаөсь: Эжваысь, керка-
яссө-муяссө кырөдө вөлөм да, пышйылөмаөсь вөрө.
Дерт, бур, пөтөс олөм корсигмоз и: уна видз да му көс-

йылёмаось вочны. Аддзёмны тай бур олёмсё — бать фронт вылын Орел кар дорын юрсё пуктёма, а Серко со тшыгысла кулёма «Гёрд маяк» отувтём колхозлөн конюшняын. Жаль абу эськё тайё ставыс? А овмёдчылёмаось од. «Выль туйод» колхоз котыртёмаось уджач йозыс. Нянь и турун тырмёма...

Тшыглуныс тайё тулыснас Шожым грездыс и кымынкё морт лов на нуёма: миян дорыс найё, йоз сёрни серти, нёшта на тшыгёмджыка олёмны. Миян, выльён на пуксьём грездын, аспом муясыс ыджыдджыкось вёліны: ид, рудзөг кёдзлім, картофпель, мыйта вын тырмас, пуктылім. Грездорса раскыс, майбыр, помтём. Пипуа-кыддза раскыс — войнаодз пармалыс мырддьём да гёрлём му — синмыд оз судз. Абу тай дышөдчылёмаось бать-мам, том йёз, пөрөдлёмаось вёрсё, бертлёмаось мырсё, но войнаыс таляліс да кёдзнысё весиг абу удитлёмаось, сідзи бөр и тыри раскөн миян син водзын. Ми, челядь, ньөжйё быдмам, а Шор сайын, Пронь нөвинаын да тшөтш и Лунбок кыр горулын кыддзыс-пипуыс да паськыд коръя вөр баддыс туө-пушкыртё воысь-во. Сэтчө ми и вөчавлім содтөд градторьяссё быд во. Ведра-мөд картофпель — и сійё мыджд.

Тшыг тулысыс сьёкыд гөра-көдза миянлы вайис, пөшти став пуктысян уджыс челядь пельпомъяс да мыш вывті прөйдитіс. Қолхозыс вөвсё некодлы эз вичмөдлыны. Сылөн аслас муясыс, көрымтём-слабмём вөвьяснас, миыс на сёрөнджык да муртса и гөрсис-агсавсис.

Мам шонді петөмсянь пемыдөдз колхоз муяс вылын, а ми, чоя-бокаяс, ассыным градьяснымөс зырийөн гөрамкодйысям. Ок и сьёкыд удж тайё. Медводз дышөдіс тазсё гөрны Модялы. Муныс ыджыд, а гөрысыс налөн сөмын кыкөн — ачыс да Лида чойыс. Модялөн да Венялөн мамьясныс эз колхозын, а көрт туй вылын уджалісны, сьёкыд мөлөт лэпталісны, а муяссё челядыс вөдитісны.

— Кывзы, Веня, тіян од зэв кокныдык, лэчыд амыся плугыд, — отчыд рытъягорув паніс сёрнисё Модя. Ме сәні жө вөлі.

— Кокньыд и эм,— ошйысьыштис Веня.— Вёв бёрысь колян во ме нин и гёри муяснымёс, мамлы, көрт туй вылас сёкыда уджалё да, гёр воропас эг и сетлы кутчысьлынысё. Но и мый, кокни кё? Вайёд вёвсё да гёр. Ёти сайын и миянлысь гёрыштам.

— Ас вылын вай гёрамёй. Кытысь таво вёлыс?

— Кыдзи ас вылын? Вёв пыддиыс доддясёмён? Тэ нё доддялам?— серёктис Веня.

— Мыйла нё менё?— дузгёдчис Модя.— Ставён от-вылысь доддясёмёй... Ми петам кыкён, Лидакёд, Паша — чойясыскёд, тэ — Маша чойыдкёд, Рита, Тоня... Артышты: кымынён чукёрмам став грезднас отувтчёмён!

— Д-да! Дасён чукёрмам, став нывкаяссё лыддьёмён да ичот Валечкойтё кё, ньёрйён вётлысь пыддиыс кётъ, тшётш жё петкёдан. Сійё эськё пыр и шуас: «Пейво-напейво,— шуас,— миянлысь гёйам, а сэсся и мукёдыслысь»,— серёктис Веня.

— А мый эськё и сералан?— дёзмис Модя.— Ме бур мёвп вёзъя, а тэ гёрдлан... Видлыны колё... Мунны кё кутас уджыс, гёрсё кё гез йылысь вермам кыскавнысё, ёдйёдджык гёрсяс, а мед эн падъяв, первойён тиян му вылё и сувтам. Лунбок кыр йывсянь и заводитам. Кыр горувсё лэччам гёрыштёмён, а вочасё, амысьсё лэптёмён, тыртёг гёрсё кутам катёдны. Велалам да и рёвнёй муяссё сідзи путкыльтам... Ставлысь... Талун, шуам, ётилысь, а аски, выль вынён,— мёдлысь.

— Колё, сідзкё, видлыны,— сёрниё пырёдчи ме.— Зырнас ноксёмыс меным биа висьём кодъ жё: мудзёмыс коскё да киясё сюрё, а лунтырён катша бёж ыжда мутор путкыльтчё.

— Босьтчылам инё, мыйкё артмас кё,— сёглас сетис Веня.— Сёрнитлам ставыскёд, чукёртчылам да. Тэ, Пашё, чойясыдкёд сёрнитышт, ми гортын делёсё бергёдам, а сэсся и мукёдсё ызьёдам.

Ме полі, мися, нывкаяс оз ошкыны Модялысь мёвпсё, но найё миянёс пыр и гёгёрвоисны да весиг ошкисны на Модяёс.

— Митё мый, ми Тонякёд кётъ талун дасьёсь,— шу-

ис Рита.— Өтвывтө быд удж кокныдджык бергөдны.

Кызди и шулис Модя, гөрны босьтчим Веняяслөн дор градсяныс. Уджас босьтчим асывсянь, мамъяс мунём бёрын. Гөр юрө сутугаён көрталім кольча, шыркниталім сэтчө гез помъяс, а мөдарсө — пельпомъяс вомён и мөдөдчим кыр горув.

— Н-но-о! Өлы, менам чож чибөнъяс!— серөктөмөн шуышталө Модя да йөткө гөрсө бөрсяныс, воропъясөдыс тшөтш жө отсалө.— Мичаа, веськыда лэччөй, град дорөдыс мед бөрөздаыс рөвнөй лоө, эн кежласьөй,— велөдө Модя.— Медводдза бөрөздаыс кө мича да бур артмас, и гөрөмыс мича лоө. Но-о, Серкояс-Каркояс, но-о-о!

Турки-тарки, кодлы кытчаны кивывджык, сэтчань и нырйысьө-кыскө. Здук мысти Модялөн гөрйыс град вылө гижовтис мыйкө «С» буква сямаөс да воропнас шняпкысис му вылө. Ачыс, плугарыс, мөдарө тутис. Пласьтнитчисны кодсюрө и «вөвъяс» пиысь. Риталөн весиг гезйыс ори, да сийө, быттьө крут чөй горув котөртысь көч, патурликсис юр вывтыыс.

— Уп-п-п!— чеччөм бөрас ышловзис Модя, пыркөдыштис муөссьөм дөрөм-гачсө да чышкыштис чужөм вывсьыс чепөсийөм пөсьсө.— Тыпу! Васа бесъяс!— сьөлыштис Модя.— Нинөм менам тиянкөд оз артмы... А тэ эськө, Рита, сисьджык гез на мед вайин. Куйөд уланыд, картааныд-ө, көн-ө, гезтө видзанныд?

— Кутшөмөс аддзи, сэтшөмөс и босьти,— правдайтчө Рита.

— Кутшөмөс аддзин! А ти эськө, Пашө да Веня, а ти кытчө эськө деританныд-кысканныд? Он аддзөй важ бөрөздасө?— уськөдчис Модя и ми вылө.

— Копыртчөмнас оз тыдав водзсьыс да!— шуыштис Веня.

— Оз тыдав тэныд? Йөй Сеня пө ва гөрө! Видзөдлы, мый град вылад гижовтім, быттьө кырымпас чөвтны көсийлинныд!

Вензыштім тадзи, а сэсся Модя жө и төлксө корсис.

— Вот мый, ёртъяс! Медводдза гөрөвтассө, кыти

гөр юрыслы муннысö, вай вешкаяс сувтöдам да черти-там. Медводзас Веня кутас мунны, черта визь вылас таялёмөн. Палетур пыддиыс сийö лоö, а мукöдыс — сы бöрысь. Лида, ветлы гортö да кумысь вай Веняыслы гез, бок стен тувъяс öшалö, нöб гез. Сийö и лоö Венялы, палетурыслы. А тэ, Веня, ассыд гезтö Риталы сестан...

Лида ветлiгкостi ми сувтöдалiм град вылö вешкаяс. Сэссия Модя бeдъ йывъяс вылö видзöдö да водзö сувтöмөн командуйтö, а ме да Веня йыла майöгөн чертитам топалём град вылö визь, быттö прöсек писькöдам. Визьыс кытъяскö эз веськыд ло, да Модя тшöктiс майöг йывнас выльысь чертитны, а важ гижтассö кокъясөн бөрчышким.

— Но, шуам, шогмылас,— медбöрын шуис Модя.— Эн эськö веськыда чертитöй, да сэтшöм нин тыдалö сямныд!

— Командуйтнытö кокныдджык! Мед, сiдзкö, ачыд и сувтiн чертитчынысö!— недöвöльпырысь шуис Веня.

— Аслад öд градйыд, позис и старайтчыштыны,— веськодя вочавидзис Модя.

— Но, тадзтö кö, немтор сiдзкö и ыззьöдны вöли йöзсö!— дузгысис Веня.— Гöрам! Гöрам! Плугйöн гöрам... Нянь куд дорсыд, мун гортад да, гөр. Плугар выищитчöма!

— А ачыд либö и кутчысь плуг воропъясас!— Бара тököтьö зык эз лыб.

Сэк костi Лида вайис гез. Кöрталiм да сийö медкузълон, збыль палетурыслы кодъ.

Модя эськö вöзийö вöли, мед гөр бöрсыс Веня ветлöдлiс, но Веня татшöм вöвъяснад гөрны öткажитчис, сiдзи веськыда и шуис:

— Татшöм вöвъяснад менам оз артмы гөрөвтасыд,— шуис сийö да медводдзаөн и босътчис сылы вылö кöрталём гез помас.

— Эн, сiдзкö, тракйöй!— бара öлöдiс Модя да кутчысис гөр воропъясö.

Мöдысьтö босътчим да тöлкмимджык нин: сьöкыдыс-

ла кежласьомён, но, кызди аслыным чайтсис, Веня бёрся веськыда жё мунім да и кыр горулөдзыс коркё воим. Видзөдлім: гөрвтасным — чукуль-мукуль.

— Быттё порсь мунігмозыс кудзалёма! Тьпу!— пиньяс пырыс сьёлыштис Модя.

— Сідзи нуөдін ас бёрсяюд йөзсө!— став мыжсө Веня.

— Сідзи нуөдін ас бёрсяюд йөзсө!— став мыжсө Веня вылө бөр көвъяліс Модя.— Тэныд не палетурын ветлөдлыны, а медбөрас!

— Верма и медбөрас! Мед сідзкө Паша ме местаө сувтө...

— А мыйла эськө ме?— ог жё көсйы ас вылө став кыв кутөмсө босьтны.— Мөд гөрвтасыс, видзөдан да и, веськалас... Пельпомөс тай вот гезйыс вундө... Колө эськө купайкаасыны...

Ветлім да ставөн купайкаасим-пальтоасим, быттё төлын. Жар, дерт, тадзтө, пыр и пөсялім, но пельпомьяс озджык доймыны.

Бөрөзданым төдчымөн веськалыштис, но мөд, коймөд да весиг витөд-квйтөд гөрвтаस्याсыс шогмытөмөсь жө лоисны.

— А зэв жё эськө изйөсь градныд мыйлакө!— өні нин мусө мыжаліс Модя.— Он вермөй чоя-вока картупельтө керигөн изсө идралыштны?

— Кызди ог!— дорйис Веняөс Маша чойыс.— Арнас, ведра бёрся ведра, горулас, өтрөстеляс, лэччөдлам, гырысьджыкьяссө нөсилаөн новлам, а петө тай со кыськө, пом абу. Көть энөвт мусө изьяс радиыс, но картупельыс Лунбокад, шонді водзас, артмө да жаль...

Збыль вылассө Венялысь чойсө Магдалинаөн батыыс нимтылөма. Аддзөма тай кыськө татшөм нимсө, гражданскөй война вылө на ветлөм мортыд. Сійө и Венялөн медыдждыд вокыслы, коді оліс Урдомаын да уджаліс паровозывса кочегарөн, код төдө кытысь аддзөм ним пуктөма — Ксенофонт. Мамыс Синөн, а Веня сійөс Син вокөн шуис. Сэсся и Венялөн тыр нимыс — Вениамин. Митерасын эськө Венясыс сэсся абу нин, да и Шожым

гѳраас, тѳдѳмысь, кык-куим сѳмын аддзясяс. Со ѳд кутшѳм сьѳкыд нимъяс бѳрйылѳма челядыслы Венялѳн батыс — нимьяссѳ шуигѳн кывйыд песовтчас.

Маша быдлаын пыр и дорйыштас Веня воксѳ. Со и ѳні сы дор сувтис, ас дорыс и: мыйѳн нѳ чоя-вока мыжаѳсь, муыс кѳ сэтшѳм изья.

Квайт-сизим воськов пасьта и эм Веняяслѳн муыс, но сы вылын пажынѳдз ковмис ноксьыны. Та мынданад эськѳ зырйѳн кодйыссис. А кызди гѳрим нѳшта — сидз, тышкас-мышкас, телезнаясѳн. Пуктысигас ковмас вьль-ысявны.

Но, кѳть кутшѳм-мый эз артмы, а ѳти град — паськыд сйѳ кѳть векни — век жѳ лоис помалѳма, и таысь миян, дерт, вѳлі нимкодъ. Веняысь кынзди. Сйѳ вѳлі зумыш: ѳд сылысь градсѳ став челядь котырѳн, ѳтвылысь, тшыкѳдѳм, а лѳсьѳднысѳ пуктысигас ковмас Венялы Маша чойыскѳд. Та вѳсна Венялы и ѳбиднѳ вѳлі. Сэсся абу ѳд на сѳмын и изья муыс мыжа: ми, челядь котыр, асьным на медся мыжаясыс — кужтѳг да нѳшта медся лѳк, сѳйѳд, паччѳр выв кодъ чорыд, изья градсяныыс босьтчѳм да.

— Мый нѳ дузгысин?— юалис Модя.— Нимкодьясьны колѳ, быдса град со гѳрсис!

— Да-а-а, нимкодьясь со,— нурбыльтис Веня.— Пуктысигас танѳ быдса лун вошѳ...

— А тэ эн шогсьы!— тапнитис Венялѳн пельпомѳ Модя.— ѳні вын абу, кынѳм гурьялѳ-сюмалѳ, а пажын бѳрын ставѳн ѳтвыв зырьялыштам-лѳсьѳдыштам и — став шогыд!

— Ме кѳин кодъ жѳ тшыг!— висьтаси.— Мудзи и. А пажын бѳрас петалам и эм. Аслыным жѳ, мамъяс аддзыласны да, юр яндзимыс лѳѳ...

Сѳйыштѳм бѳрын ставѳн ѳтчукѳрѳн жѳ, Нѳмыдѳ купайтчѳны лѳччылѳм. Гортѳ кайигѳн пожѳм лиѳн чѳс-масьыштѳм.

Дыр шойччѳмнад да сѳйыштѳмнад, мудзным быттѳѳ эз и вѳвлы. Бара нурьясьыштѳм да час-мѳдѳн и лѳсьѳдыштѳм Венялысь градсѳ. Ёртлѳн чужѳмыс бѳр югзис.

Сэсся и миянлысь град гөрим. Эз жö мича ло, но шуи:
олаc.

Сійö рытас мамлысь локтöмсö ни ме, ни чойяс абу
кывлöмабсь: узим сы ни садь.

— Кыдзи эг чуксав мöс вöра йöв юыштны, но сідзи
эг и вермы садьмöдны. Сэтшöма мудзöмныдöсь — ни-
станныд-узянныд,— жалитыштіс мам.— Градьяссö тай
нö плугöн гөрöмыдöсь. Эн көть ордчöй, эн доймöдчöй...

— О-ог, ми öд шойччыштöмөн. Купайтчыны лэччы-
лім и... Эн майшась, мамö, микöд немтор оз ло... А зыр-
йөн дорысь тадзсö öдйöджык лоö и кокныдджык на, кос
оз мудз.

— Но, инö, но, пиö,— дөвöльпырысь мургö мам.—
Морт кыкөн сьöкыд удж кежлад кольк кута пулывлы-
ны.

Мукöдсö мамъясныс ошкöмабсь жö, кодлөн мый эм
пётсөджыкыс-чөскыдджыкыс, асывнас пуöмабсь-пöжалö-
мабсь. Öтлаын нывка-зонкаяс уджалам да öтвыв и паж-
найтам быд лун, чөсмасям, коді мый лэптис лудвыв пы-
зан вылö.

Лун дас тадз öтчукөрөн уджалім-гөрим, а сэсся и
пуктысим öтвыв жö. Аспом град йөрьясын уджным,
колхоз серти кө, матö кык вежонөн водзджык эштиc.

Қоркö мыччысныс петасьяс — картопель корьяс,
өзим кутіс вежöдны. Пуритö-быдмö ставыс. Картопель
мудйыны коканьяс нин лöсьöдім. И сэки, öти войö, став
көдзанымöс тшыкөдіс. Войнас чорыда пужъявлöма.
Кильчö вылын ведраын ва вöлі, да вевдорас чаль чунь
кызта йи артмöма. Шондіыс нин вылын, а вуджөр сай-
ясын туруныс чажгö на, кын. Картопель кор лычкыс,
мыйта удитöма нин петны, му веркөсөдзыс лапмунöма-
чукыртчöма. Ид öзим лётмунöма, рудзөг, лунвывлань
бана муяс вылын дзоридзавны нин кутчысьліс кынмö-
ма жö.

— Троица öд, троица виччысям, и на тэныд — эта-
дзи кынталіс!— синва пырыс шуасис Матрен баб.— Ен-
мыс кө нин лөгасис-а? Ид öзимыд, дерт, бөр сувтас, за-
ыс петтöм на да, а рудзöгыс, коді дзоридзаліс нин, прö-

падитіс. Скѳтлы сѳмын сюсѳ ытшкыны. Қынмалѳм кар-
тупельыд — джын урожай, идйыд, кор на сувтас-быд-
мас,— чумалисьыд куд нянь сѳмын кутас усьны... Ойя
жѳ нин да ойя!

Қынмавлѳм-пужъявлѳм бѳрын сѳсся шондѳдіс. Кар-
тупель кор, кынмылѳмаыс, табак кодъ лоис, сьѳдасис.
Вылъ коръясыс гежѳда петалисны, лычкыс тшѳтшыд йы-
ла, быттьѳ скѳт йирѳма, быдмис жебпырысь, лоис ляпкы-
дик. Весиг ми, челядь, гѳгѳрвоим: ыджыд урожай вич-
чысьны арнас некытысь. Ид ѳзим бѳр ловзис, кутшѳм
кѳть, но быдмѳ-трубитчѳ, а рудзѳгсѳ актируйтисны, ытш-
кисны, да вежнас, косьтытѳг-зорѳдавлытѳг, и лѳччѳдліс-
ны телегаа вѳвъясѳн колхозѳ. Ытшкытѳдзыс вежонѳн
водзджык комиссия воліс, тшѳтш, мыйлакѳ, и югыд
кизьяса нагана милиционер, быттьѳ сюсѳ кодкѳ вред вѳ-
чѳм могысь кынтіс. Милиционер мыйкѳ сѳрнитыштіс
мамкѳд — мам ѳд война чѳжыс вѳлі сельсѳветса депута-
тѳн,— а депутаттѳ и сѳки пыддиджык пуктылісны, эс-
кисныджык,— но бумагасѳ милиционерыс кырымаліс
медбѳрын, ыджыдалыштіс на...

Гожѳмнас ми, грездса челядь, турун пуктан кадѳ,
коді мый вермис отсасим колхозлы дасьтыны скѳтлы
кѳрым, а кор пѳрѳдісны да зорѳдалісны матысса видзь-
яссѳ, асланым гидъясын олысь пемѳсьяслы нѳбийѳн-нѳб-
йѳн, кытысь сюрыштас, турунсѳ дасьтім, корѳсь чегъ-
ялім, вотчим.

Аръявылыс миян муяс вылѳ уськѳдчисны гусясьысь-
яс. Модя первойѳн казялѳма тайѳс.

— Лѳччи Лунбок кыр горулѳ, мися, свежѳй карту-
пельсѳ пѳрт кымын лукйышта, а видзѳда: то ѳтилаын, то
мѳдлаын ыж ку ыжда плешинаяс,— висътавліс Модя.—
Да ѳд медкузь, медкыз лычка картофупельсѳ нетшкѳмаѳсь.
Тіянсьыныд и, Веняяслысь и... Мукѳдыслысь сѳсся эг
нин и видзѳдлы. Дерт кѳнкѳ, нетшкисны жѳ.

Чукѳстім Веняѳс, лѳччылім градъяс дорѳ куимѳн.
Видзѳдам: пакѳститѳмаѳсь-урѳстѳмаѳсь градъяснымѳс.
Быдѳнлысь ичѳтикаѳн картофупельсѳ нетшкѳмаѳсь.

— Тайö бара вотчысьяслөн, айкинасалөн либө микуньсалөн пеж уджыс!— шуö Веня.

— Рочьяслөн кок туйясыс,— стöчмöдiс Модя.— Сапöг пöтшваясыс, видзöд, гырысь серьяса, сиктсаяслөн сэтшöм кöмыс абу.

— А вермисны öд и пышйысьяс картупельтö керны?— юалöмөн вочавидзи ёртьяслы.

— Коді тöдас?— шыасис Модя.— Найö казеннöй кöм жö öд новлöны...

— А колö и тöдмавны!— жаль лои меным гусялöм картупельыс.— Колö Айкинаас лэчывны да висьтавны шынеля югыд кизьяса милиционерыслы, коді тай мянö волiс. Медым канвоерьясöс мöдöдлö, сыщик понйöн. Сыщик понйыд ой-ой öдйö аддзас гусясьысьяссö!

— Чöв нин сэнi, канвоернад и сыщик поннад!— öвтыштіс кинас Модя.— Кутас кодкö ноксыны тэнад картупель вöсна!

— А Альчиктö кö, Веня, вайöдлыны, сылыас гезтор кöртыштам да?— бергöдчи Венялань.— Тiян öд сійö ныриса? Колöкö и корсяс? Кыдзи тэ думайтан, Веня, аддзас?

— Ог тöд да. Миян öд вöралан пон, оз пышйысь-гусясьысьясöс корсь, а урьясöс увтöдö.

Модя эскытöма чöвтліс синьяссö Веня вылö, видзöдліс ме вылö, топöдліс пельпомьяссö, но паныдсö нинöм эз шу. Ми ветлім Веняясö, домим ёртлысь Альчик понсö, Веня нöшта и берданка пищальсö да куим патрон босьтіс, и ми мöдöдчим туясьны. Альчик, пищальяöсь да, радысла увтышталöмөн, нетшкысьöмөн, водзын котöртö.

— Вот видзöдлöй! Тайö бара и аддзас шышьястö!— тапниті Венялы пельпомас.— А унаöн кö гусясьысьясыс? Меным, гашкö, Вень, босьтлыны жö пищальсö?

— Оз ков,— шуыштіс Веня.— Тырмас öтиыс.

Воим гусясьысьяслөн кок туйяс вылö.

— Корсь, корсь, Альчик!— Веня матыстіс понсö медся тыдалана кок туй дінас.

Альчик, тшöктöны да, окотапырысь тшукöдліс нырсö, кок туйöд исасьыштіс, но гусясьысьяс бöрся водзлань

эз чепөсый. Сійө тыр синъясөн видзөдліс көзяин вылас, терпенньөсыйс петөмөн никөстис да мөдис кыскыны Веняөс дзик мөдарө, вөрлань. Веня мөдысь тшөктис исавны, но понйыс сэсся эз и лэдзлы юрсө: морт кок туйыд сылы вөлі веськодь.

— Корсь, Альчик, корсь! Усь-усь!— тшөктө Веня, но пон, вөрас сійөс оз лэдзны да, гортланьыс кутис петитчыны, зильө мынтөдчыны домөдсьыс.

— Лэ-эдз понтө, эн дикйөдлы!— өвтыштис кинас Модя.— Он мөй аддзы: вөравны, чайтө, босьтім сійөс. Сыщик понъястө нарошнө мортөс корсьны, курччасьны велөдөны. Ме кино вылысь аддзывли...

Веня разис Альчик сьылысь гез помсө, да понйыс пыр и котөртис вөрө. Здук мысти сэсянь кыліс нин сылөн ёсь гөлөсыс.

— Со, урөс нин аддзис!— шуис Веня.

— А, гашкө, ветлам?— юала ёртъяслысь.

— О-о-ог! Дедуш оз тшөкты гөрд уръяссө лыйлыны. Понсө дэльөдөм лоө и. Увтас-увтас да локтас гортө, кордышөдас увтнысө.

— А мый нө сэсся шышьясыскөд вөчны кутам?— юала ёртъяслысь.

— Быттё и кутін нин, арестуйтін?— көрityштис Модя.— Мый пө вөчны кутам...

— Эськө эг и сідз шу... Вөля сетан, да став картупельтө нетшкасны-керасны!

— Велалисны-чөсмалисны да и зэв вермасны мөдысь дай коймөдысь на волыны!— ме дор сувтис Веня.— Став градъястө куштасны. Колө войяснас караулитчыны.

— Сэтчө, вөрас, пищальясөн пуксьыны да войбыд пукавны-ы?— ыдждөдис синъяссө Модя.— Öні войясыс көдзыдөсь нин, кынмам... Пемыд да гажтөм и...

— Н-но-о, ог, шуам, вөрас пукалөй... Кыр йылас биасям да печенясьны кутам...

— А локтасны кө? Лыям?— юала.— Мортыслы лыстан лыйны дай?

— Мортыдлы дрөбнад ог лый,— эз көсйысь Веня.

— А ми вот мый! Патронъяссө солөн зарадитам

да — сітанас! — зэв збыльысь шуис Модя.— Совнад оз кув, а сітаныс вежон зөлитны-чөсөдны кутас. Мед сэсыа гыжъясьö! Мед оз гусясь дай! Помнитны кутас!

Куимнанным гылыда серөктім. Рытгорувсö Лунбок кыр вылö ваялім пес, öзтім бипур, лукійөмөн-бөрйысьö-мөн керим ведра картофель — быдөнлысь, коді локтіс, квайт-сизим картофельөн: öтиөс öд он рөзөрит. Сёрнитчим: быдөн ассыс картофельсö кутас пöжавны. Печенясьны окотаысла дежуритны локтісны и нывъяс. Грөз пыдди, Веня да тшөтш и ме, пищальяс босьтім, а зепъясö — кык патронөн. Патронъяссö совнас эг зарядитöй. Сэки нин быть ковмас лыйны: ур-сьöла вылö сов зарядён оз ветлывлыны. А весьшөрö лыйнысьö порокуы меным и Венялы жаль: дас ур ку вылö, либö сьöла гоз кö лэччөдан, килограмм, стöкан джын дрöб да пачка порок сөмын лавкасыс Öсь Вань сетас. Сы мында дрöб-порокнад он на быдлаö и камöd — думыштчылан.

Қор ывлаыс пемдіс, Лунбок кыр вылö öзтім бипур, Печенясям-варовитам. Öтчыд куим ёрт весиг градъяссö кытшовтны көсйылім, но югыдывывсыс, пемыдас вешйим да, дзик синтөммим. Қысь нин гусясьысьöс аддзыны, сійö и видзöd ачыд кытчөкө öкрөметясян. Эновтчим. Лыйны Веня ни ме эг жö лыйöй.

— Веня, лый öтчыд,— кора.— Повзьöd шышьяссö.

— Ачыд лый, сюсь кылан!— жалитö патронсö Веня.

Сідз некоднанным эг и лыйöй. А асывнас казялім: картофель градъяс вылö сійö жö көма йөзыс волөмаөсь, кушинъясыс кык пөв паськалөмаөсь-содөмаөсь.

— Караульщикъяс петөмаөсь! Нöшта и пищальяс пельпомъяс саяс бовйөдлөны!— дөзмөмөн пинь пырыс сөздөдыштіс Модя.— Жаль лои патронныд? Гоз-мөдысь кö лыйинныд, повзисны эськө гусясьысьясыс, пышйисны.

А мый ми сылы татчө вочавидзам, збыльысь и жаль лои патроныс да. Морт öтиөн кö, горувланьыс неуна лэччыштөмөн, лыйим, сэки эськө, дерт, пышйисны кушөн. Но коді вермис төдны, мый печенясигкості сәні, вөр дорас, градъяс помас, шпанаяс шышимеритчөны? Төдім кö эськө — мөд делө.

Мөд рытнас дежуритны петім пищальясөн жө да тшөтш и понйөн, Веняслысь Альчиксө босьтім дом йылын. Вердам сійөс печеньөн, а сэсса усьодам, кыр горув лэччылам да, кор Веня, а кор и ме, камгам-лыям вөрланьыс. Альчик быд лыйём бөрын дыр оз вермы лөньнысө ыззылөмсыс, а мян сійө и любө, горзам да нөшта на ёна повзөдлам гусясысысө:

«Укоди, шпана! Сейчас тебя стрелять будем! Не уйдешь добром — в жопу пулей дырку сделаем! Не воруй, не кради, а то злую собаку пустим — штаны порвёт, а самого поймаем да под ружьями в тюрьму поведём! Не будешь больше воровать!» — коді мый кывлөма, мый сяммө, сійөс и горөдө.

Пемыднас, дерт көнкө, волісны жө гусясысысыс, но ни өти картофель поз нетшыштны абу лысьтөмаөсь. А ми, велалім караулитчынысө да, быд рыт вөлі понйөн-пищальясөн петам. Бөрьяпомсө сэсса и смелмим на, градьяссө войнас куим-нөлысь гөгортам. Веня — водзын, понъя. Ме сы бөрысь муна, пищальөй киам. Ме бөрысь и нывкаяс локтөны, а Модя — бөрсянь видзысь пыдди. Нывкаясө көть эськө и ог босьтөй, но өтнаньыс бипурдорө оз кольччыны, вөтлысьөны. Сэсса унанад да оружиенад, да нөшта и поннад, и аслыным гажаджык. Тадзи и караулитчим арбыд, кытчөдз картофельнымөс эг идралөй. Сюрлі бурпөт и печенясыны.

Тайө воас, тыдалө, Кассян видзөдлөма Митерас грезд вылө. Мян керканым дзик вөр дорын сулалө, медбөрья. Отчид, арнас нин, вотчигкості вөрьяс пыралөмаөсь да кумысь, сундукусь, став бурджык новланторсө нуөмаөсь, батьлысь ньөблөмторьяс: кашемировөй шальяс чойяслысь, мамлысь платтьөяс, батьлысь выль костюмсө, коді меным вель на ыджыд вөлі да ме сійөс эг на новлы, бобрнк пась да весиг тупель көвьяс да карандашьяс. Ставсө батьлөн водзвыв, запасөн ньөбавлөма, и көть кутшөм тшыг вояс эз вөвны, мам көлуйсө эз таргайт, эз вузавлы, сөян-юан вылө эз вежлавлы, и со — озырмөдчөма кутшөмкө шпана.

Жаль, дерт, и шог татшөм воштысьөм бөрад, но мед-

ся ыджыд шогыс, чайта, Венялы уси: кулі Опонь дедыс, а вежон кык мысти колльөдiм и бабсö. Сийö пöрысьнин вöли, но, тыдалö, шогысла жö, медсясö, Матрен баб верöс бöрас таладор югыдсьыс мунiс. Мамыс Венялөн эз жö тыр-бур здоровьea вöv — пöдiс, пыр нёрпалiс. Семьяс Веняслөн орöм путшпöла гез кодь лоис: дед ни баб, чой ни вок — ставыс разi-пели, нимыс сöмын коли. И эз öтнанныслөн — уна овмöс и мукöд сиктясыни да грездясыни разьсöм кольта моз киссис. Тужа-нужаыс быд керка кытшовтiс. Сiдз жö, кызди и гожея пужийыс быдöнлөн му вылö волiс, кöдза-пуктасьяссö быдлаыс сотiс-чишкалiс, йöзыслы шогсö быдöнлы öтмоз вайис, юрси паныдсö малыштiс челядьöс. Кызди и шулiс Матрен баб, и картофель, и ид джынйыс сы пайысь, мыйта мукöд арнас босьтлiм, чукöрмис. Сiдзкö, тöv шöрсяныыс нин ог кутöй аддзывлыны пачын пöжалöм пöсь картофель печень, а тöv чегöмсяныыс бара ковмас тоинөн гырйын масьтысьны, сёйны идзас сора кыдья нянь.

Школаö мунöм пыдди, менам Рая чой вöзйысьсöма көрт туй вылö, кöсийö уджавны, а Венялөн Маша чойыс — вагоньяс арталысьсö, списчицаö пö. И мөдöдöны пö сийöс ылö-ылö, кытчöкö войвылö, Қожваö. Модялөн Лида чойыс карö велöдчыны мунiс — пусьысьсö. Сэни көть пö кынöмыд пöt лö. Ачыс Модя эз жö дыр зевайт, Микуньö, ЖУ-ö шыöдчöм сетöма. Вагонникөн кöсийö лоны. Көрт туй вылас сийö кадö мукöдлаын дорысь унджык мынтiсны. Карточка вылö «роч» нянь сетыштлiсны и. Но көть войнаыс и помасьлiс нин, но весиг и миян грездын, кöни, выныд кö тырмö, картофель муяснад көть мыйта паськөдчы, сёяныс зэв жö чöскыдтöм вöли, а няныыс йövтöг либö шыдтöг вомад эз пыр. Со и мунiсны йöзыс, кодi кытчö, но бур олöмнас грездсаысь öти пö сöмын ошйысьсö.

Венялөн висьталöм серти, сöмын сылөн Син вокыс Урдомаас бура пö олö. Паровозывса кочегарнас уджалiс да, деньгасö пö содз тырыс босьтö. Магдалина чойсö сiдзжö со көрт туй вылö чуйдöма. И Модялы, и Венялы, и чой-вокныслы бокад мунны позьö вöли — мамь-

ясныс көрт туйвывса рабочёйясөн вёлісны. Колхоз на-
йёс эз кут. А мяян Раялы ковмис мыйта весьшөрө ко-
травны паспортсё босьтігас. Гортын чой норасьліс «Гөрд
маяк» колхозса председатель вылө:

— Справкасё некыз оз сет Илья Егорович. Сэтшөм
пө өні олөмыс: чужин кө колхозниклөн семьяын, и тэ кол-
хозничайн лоан. Ме тэнө бокө лэдза, а менө мыждасны
колхоз кисьтөмысь. Эз меным сет паспорт судзөдан
справкасё.

Сійө арнас зонкаяс пөвстысь школаө ветлөдлысь ме
өтнам лои. Модя вагонникъясөс дасьтан училищеас, Ми-
куньө муніс. Веня, көть бокас велөдчынысө эз на мун,
арлыдыс на эз судзсы, да некытчө эз и босьтны, но си-
зим класс бөрын школасө шыбитіс. Сідзи гортас и оліс —
гортгөгөрсә уджъяссө вөчис, а унджык кадсө зимөгө-
ритіс: то Кожваө Магдалина чой ордас ветлас, то Урдо-
маын Ксенофонт вок дінас гөститыштас — вежонъясөн
вошласис. И новлөдлісны поездъяс Веняөс то войвыв-
лань, то лунвывлань, а сылы, тыдалө, и веськодь вөлі,
көні кынөмсө вердны.

Кор Веня гортас волас, рытъяснас, дерт, сы ордысь
ме гежөда петавлі: окота жө төдмавны, кызди ветліс-
гөститіс, мый аддзыліс, кызди йөзыс ылі муясас олөны-
вылөны.

— Син вок мяян бура олө: брускусь кыпөдөм кык
судта керкаын быдса куим жыр!— ошйысьө Веня.—
Керкаыс шоньд, батареяясөн, пөсь ваөн шонтөны жыр-
яссө, көть көмтөгыд джоджөдыс ветлөдлы. Деньгасө,
паровоз вылад ветлөдлө да, тысячайн кульө. Гөтырыс
врач. Карточка вылас налы рудзөг и еджыд нянь сетө-
ны. Оз, небось, ми моз идзаса няньтө сөйны. Чайсө юны
выя еджыд няньтөг оз пуксьывлыны. Бура Син вок гө-
ститөдө, ветла да... Ноп тыр сукар со мөдөдіс, гущенка
йөв, выйтор, яблөк... Ставыс сылы сюрө...

Ошйысьө тадзи Веня, но Ксенофонтыс сійөс пыр кеж-
лас овнысө оз жө босьт. Гөститөдас вежон, лун дас уна
вылө, а сөсся нопйөдас дай мөдөдө Веняөс гортас, идза-

са-картупеля сөчөн сёйны. Но ошйыссьё тай йёзыдлы, ыджыдджык вокыс тырманна олёмөн олө да.

— Ми коркө Син вок ордө тэкөд кыкөн ветлам. Каникул дырйиыд. Гортө локтигөн паровоз кабинаас вайөда. Паровоз кабинаас, дерт, дзескыд. Пуклөсыс сөмын кык — машинистыслөн да воклөн. Ме из шом лоток вылас пуфайка вылын пукала. Урдомасянь Микуньөдз локтигөн вок менө сёысь чеччөдлас, кор из шомсө паровоз топкаас колө шыблавны. Сэки менө аслас местаө пуксьодас, мед ог мешайтчы. Видзөд пө, мед кодкө корт туй вывтёис кё мунө, оз талаяссы, висьтав меным — тутөстам. Ме, дерт, рад сылөн местаын пукалыштны... Ок, Пашө, интереснө паровоз кабинаас! Приборъясыс быдсямаыс сэни эм. А өтчыд весиг Син вок меным тутөстны сетлис... Эз өтнамлы, ачыс тшөтш кутчысис тутсан көв воропас, но тутөсті тшөтш и ме. Исковтөдла на ме тэнө коркө паровоз кабинаас, Пашө, муса другө!

— Тэ и исковтөдлан?— эскытөма видзөдлі Веня вылө.— Ошйысь вай! Мый коркө висьтавлін? Кыдзи Син вокыд тэнө ислөдлө? «Товарищ механик, можно — брат с нами до Микунни поедет?»— «Нэ-эхай едэ пацан!»— гогнитөма юрнас машинистыс. Сидз висьтавлін? Сидз! Машинистыс на, тыдалө, паровоз вылас көзяиныс, а абу тиян Ксенофонтыд...

— Но, сидз тай шусис менам,— дорйыштчис Веня.— Машинистыс, дерт, но тшөтш и Син вокөй. Кочегартөгыс өд машинистыс поездкаас оз жө пет... Кыкөн лоам да ме тэнө аскөд босьта, а вок нин сэсса и машинистыслы миянөс вөзьяс. Ветлам да и гөститыштам вок ордын...

— Ветлам,— көсийси.

Магдалина чөй ордас ветлөм йылысь Веня оз ошйысьөмөн, а весиг майшасьөмөн висьтавлө.

— Маша чөйлөн, баракыс важ да, жыръяс көдзыд. Төвнас патераас ывлаын кодь: чеччам да — ва ведра вылас чунь кызта йи чөлан. Мыссян дозьяс кольыштөм ваыс пыдөсөдзыд кымөма. Маша чеччөмыскөд тшөтш плита пачас би тшукөдас, чайникас ва пузьөдас, кись-

тыштас кӧш мында пӧсь васӧ и мыссян дозъяс, да вӧ-
лись позьӧ мыссьыны. Асывнас съӧд нянь торйӧн чай
юыштам, да Маша удж вылас котӧртас, а ме, кор кодз-
ьд, гортас гажтӧмала. Пажын дырйи пачкаа кизьӧр
шыд жӧ сӧмын паньышталам да бара чай юам.

Деньганас чойӧ оз жӧ ошйысь. Уна-ӧ нӧ мынтыштас-
ны вагон бокъяссьыс цифраяссӧ гижыштӧмысь, а мудз-
ыс, коньӧрлы, сюрлӧ. «Ок и котралыштӧ талун!— шуас
гортас воӧм бӧрын.— Зэв уна вагоныс вӧлі, да пӧшти эг
и пуксьыштлы».

Видзӧда, да Машалӧн быттьӧ челядь удж и эм: кот-
ралӧ ӧти вагонсянь мӧд вагон дӧнӧ, номеръяссӧ, кытчӧ
вагонсӧ мӧдӧдӧны, кутшӧм груз сӧні, пасьялӧ, мыйысь,
сӧдз кӧ нин шуны, и мынтыны ыджыд деньгасӧ, но кыв
кутӧмыс ыджыд жӧ: видлы сорсьыны! Сӧки вагонсӧ код
тӧдас кытчӧ нуасны, а вошӧ кӧ? Верман на пӧ и сэтчӧ
веськавны, кӧні йӧзсӧ винтовкаа канвоеръяс удж вылас
новлӧдлӧны. Он ӧна нимкодясь и сӧки, вагоныс кӧ дыр-
джык станцияс сулалас — став убыткасӧ Маша чой-
лысь бергӧдасны да нӧшта и удж вывсьыс вермасны вӧт-
лыны. Со и котралӧ чойӧ асывсяньыс рытӧдзыс, а войся
сменаын кӧ: рытсьяньыс — югдытӧдз, вагон дорсьянь ва-
гон дорӧдз, тшыг нисьӧ пӧт... Жаль меным Маша чойӧй,
мамлы жаль и. Но бӧр гортӧ он кор... «Сӧні жӧ мортас
вермас петны, быдмыштас да, велӧдчыштас да...»—
мам тадзи шуӧ. А ачыс, Маша, мӧд удж жӧ корсьӧ...
Кӧсйысьӧмаӧсь билет вузалысьӧ, станцияс босьтны...
Сӧн пӧ и деньгаыс воӧджык, и шоныдӧны...

Маша чой ордӧ ме сылы сӧянӧн отсыштӧм могысь и
ветлывла сӧмын, сорвасӧ мед вежыштны: картофель вед-
ра-мӧд ката, яйтор, капуста тунс — быдторсӧ мам пук-
талас, нумӧн...

Ветлӧдлӧ тадзи Веня, но оз на и позь шуны, мый сӧйӧ
тӧвсӧ весьшӧрӧ воштӧ. Орны заводитӧм гезйыслӧн путш-
пӧлыс на Веня и эм. Мамныслӧн сӧйӧ связнӧй пыдди на:
ыджыдджык чой-вокыскӧд йитӧд кутӧ, налы сӧянсӧ горт-
сьыс новлӧ-кыскалӧ, кӧть найӧ и ас нянь выланыс нин
петӧмаӧсь. А Веня ичӧт на, сувтас на ас кок вылас, шуд-

тõм гожõмõ пуж улõ веськавлõм кõдзаным моз, сы-
сянь на мамыслы водзõ вылõ отсõгыс лоõ, а оз Ксено-
фонт воксяньыс да нõшта нин Магдалина нывсяньыс,
кодi и ачыс, Венялõн висьталõм серти, õдва олõ. Тулы-
сыс воас, да Веня вылõ на и усьõ гортгõгõрса став
уджыс: запес вõчны, гõрны-пуктысьны, а гожõмнас
мõскыслы да ыжъясыслы кõрым заптыны, тшак-вотõс ва-
явны. Кõть Венялõн ыджыдджык чой-вокыс грездысь
бокõ пышйисны, но семьяыс скõtсьыс эз орõдчы, эз лә-
дзчысь, а кутõ гортса овмõссõ — ме гõгõрвои — Веня
жõ.

А грезд йылысь кõ висьтавны: кõть кутшõм сьõкыд
вояс, война дырйиыс и война бõрас нин, эз быгыльтчыв-
ны войтыр вывтiыс, некод эз орõдчыв гортса скõtысь,
некод эз чинтысьлы гõра-кõдзанас. Та вõсна кõть и нянь-
тõг йõзыс олiсны, бокõ на со вичмõдõны мыйсьюрõ.

Веняõс виччысьлiсны и Ксенофонт вокыс, и Магдали-
на чойыс. Налõн бырõма жõ воксьыс гажныс: Веня и
выль юõртõ герздсьыс ваяс, и пызан выв сорватõ вежыш-
тас — гортса сёянсõ вайыштас. Кõть мыйта эз босьт
Ксенофонтыс деньгасõ, но ичõтик ведра картофель вы-
лõ кõ базар вылõ колõ петкõдны кыксõ ветымын — куим-
сõ шайт, ёна он на и сёй жаритõм картофельтõ. Сийõ õд
гортад вестõм-мератõм, а тьõtõыдлõн картофельыс курч-
часьõ, думыштлан на: ньõбны-õ? А Магдалина йывсьыс
и сёрнитны нинõм: весиг Веня сийõс со коньõрõн на шу-
лiс.

Со и тайõ пõрйõ Маша чой дiнас, кадыс эм да, Ве-
ня ветлiс да лун-мõд на олiс, а сэсся и туйõ мõдõдчис.
Магдалина вокыслы нопъяс сõмын кык шõрõм нянь и
пуктiс — абусьыс оз лышкыдась, но мортõс моз жõ Ве-
няõс мõдõдiс: ньõбис Микуньõдз билет да пуксьõдiс пас-
сажирскõй вагонõ. Магдалина кутлiс Венялысь гегдыш-
тõм кисõ, а аслас весиг синваыс петалiс:

— Но, Веня, эн жõ сэсся дивит да, эн вунõд менõ..
Волы коркõ бара... Гаж бырõ гортысь, а кор тэ волан,
ме быттьõ ачым грездсакõд аддзысьла-сёрнитышта.
Митерассаяслы, кодi гортас, быдõнлы привет-поклон

месянь висътав. Бура, шу, тырмана олө, ас патераас, но гортсыс гажтөмтчө жө... Коркө, шу, кад бөръяс да, во-лас...

«Быдөн өд тырмана олысьö пуксьöны, көть асланыс и сёйнысö нинөм!— Маша чойыс ошйысяна поклонсö тшөктис висътавны да, дөзмөмөн мөвпыштис Веня.— Асывнас со чайторйөн пожйыштис кынөмсö да сы вы-лын и котралас-уджалас лунтыр, а сэтчө жө —«висътав, бура, шу, олө, тырмана». Кожваас со джагавтөдз кыс-кыси, а Машалөн лишалис сөмын кык шөрөм нянь... Ме-ным туй вылын курччыштны, а мамыслы — нинөм?»— мөвпыштис тадзи Веня, но чойыслы көсйысис:

— Висътала, висътала... Горт гөгöрысь песча-туруна уджсö вöчышта да регыд бара и вола... Қос паренча на вайышта и... Другысьөн, водзвыв дасътысьтөг лои петö-мыс-мөдөдчөмыс да галанкаыс пүтөм-косътытөм лои... Мөдысь локтигөн вайышта... Пөжалөм сёркни на и... Ру-дзөг няньыд өд паренча ванад зэв чөскыд... Модялөн чойыс, Валечкойыс, шуö: «Юдзөг няньыс да каянка ва-ыс чөскыдыс сеся нинөм абу!»

Маша татчө пыльснитис-серөктис да шуис:

— Волы, волы, сёйыштам юдзөг няньсö каянка ва-нас... Сукар на гортö вичмөдышта чайтö юны...

Микуньөдз Веня воис бура. Пажын кадөдз на, но кы-нөмыс сюмалис, да станцияас сёйыштис, öти шөрөмыс быри. Юыштис чепөн көрталөм кружкаөн бакыс чөс-кыдтөм ва — пөтис, быттьö. Öни сэсся сылы дас көкъя-мыс километр ковмас подөн лашйыны ыджыд юра, уна дөмаса гын сапөгнас. Машина вылө, кыдзи и пыр, ла-ча эз кут: быд пөрийö подөн ветлөдлө. Но немтор, туй-ыс төдса, рытөдзыс воас.

Веня көрталис ноп юрсö, лэптылис сійöс ки вылас — мешöкыс тыртöгыд косътытөм баля ку моз люньмунöма.

— Сэсся нö тыртөм нопйөн и лоö локны гортö?— шога мөвпыштис Веня.— А мый, гургывны кө Урдомаөдз, Син вок ордөдз?— визнитис Венялөн юрын.— Сэни ме тöлыс нин эг вöвлы. А ветлыны кө талун?.. Дзик нинөм вот ог вайышт да?— майшасьö.— Но да öтчыдтö өд

позьö и куш нопйөн ветлыны... И поезд со, сы шөрö-водзö воис.

Веня сёйигас кывліс, кызди грымакыліс вокзал дінын, дзурталыштисны вагон көлесаясыс да поездыс сувтіс. Веня, оз вöлі сылы ков да, эз и ышты поезд вылад: локтіс и локтіс, сулыштас да и водзö мунас. Öшиньясыс гьöртöмаoсь, да Веня весиг вуджöрсö поездыслысь эз аддзыв. А öні, юрас выль мöвпыс чужис да, тöд вылö уси поездыс.

«Кытысянь нö эськö сійö локтіс?— зілис уськöдны тöд вылас Веня.— Эсысянь, кажитчö, грымакылöмыс матысмис, войвывсянь локтö... Сідзкö, лунвывлань поездыс мунö: Урдомаö. Сэтчö, сэтчö, Урдомаö мунö! Ветла Син вок ордö...»

Веня петіс вокзалысь. Кыйкъялыштис: поездыс вöлі юртöм — паровозыс ва босьтны мунöма. Вагонникъяс ылын нин тоньöдісны кузь воропа ичöтик мöлötъяснаныс вагон көлесаясö, видлалöны, абу-ö потöма рельс помъясас зöркöдöмысь гöгылысь, кисьтыштöны көлеса чöрсас машина вый. Вагонникъяс вöчисны ассыныс быд лунъя уджнысö, да налы, дерт, некутшöм мог эз вöв кутшöмкö зонкаöдз.

Веня матысь аддзис вевта, эжöм бока тамбура вагон. Сэні и тöвнас ветлынысö майбыр — некодарсянь кöдзыдыс оз пöльт, он нин кынмы.

Ёртлөн висьталöм серти, сійö ни Ксенофонт ордас мунигөн, ни Магдалина чойыслы гöснечтор нуыштігас билетсö некор оз ньöблы — пассажирскöй поездас оз и пуксьыв да. Деньгаыс мортыдлөн абу, коді нö сійöс пассажирскöй вагонас пуксьодас, а «кöчөн» ветлыны поліс. Веня унаысь аддзывліс, кызди ревизоръяс куталöны сэтшöм поезднöй кöчьяссö, штрапуйтöм могысь, дерт, но унджыкыслөн ни деньга, ни некутшöм документ абу, ревизорыслөн судыс дженьыд — чеччöдас медводдза сувтланінас, кöть кутшöмкö разъездö, кöть сьод вөр шөрö — рвизорыдлы веськодь, кöчөн эн ветлы дай. Та вöсна Веня и эз пуксьывлы билеттöгыс пассажирскöй поездас, ветліс тöварнöйөн: тыртöм вагонын либö

тамбурын. Ылөджык нуөдөмысь оз пов: Микуньын, Ур-
домаын и Қожваын — чойсяньыс и воксяньыс кывліс —
паровозьясас ва босьтөны, быд поезд сувтлө. Дерт,
Қсенофонтыслы ни Магдалинаыслы Веня көчөн ветлөм
йывсьыс эз ошйысьлы — видасны доймөмысь и, лёк вой-
тыр улө веськалөмысь и, но ачыс, мый вөчнысө, төдіс.
Сійө, кодкө матын кө эм вагонникьяс пиысь либө там-
бурас мунысь, сы дінө и матыстчас да ыдждөдлыштө-
мөн на юалас: «Товарищ механик, позьө, ме тайө поезд-
нас Урдомаөдз муна? Босьтөй, пөжалуйста...» И бось-
төны. Кодлы нө жаль, татшөм пыста кодь зонкаыс кө
тшөтш пөпуттьө муныштас. Унаысь, дерт, овлө, мый тайө
«товарищ механикыс» сы кодь жө, поездной көч, билет-
төг ветлысь-мунысь, но бура юалөмыд тай рок выялөм
кодь жө, лөсялө. Пыр и пуксьөдасны, бурджык места на
вичмөдасны.

Аддзис Веня тупкөс тамбура вагонсө, тэрмасьтөг ма-
тыстчис сы дінө, кавшасис ступка вылас да тотшкөдчыш-
тіс өдзөсас. Пытшкөссяньыс некод эз шыась.

Веня көсйис нин бөр чечыштны ступка вывсьыс: өт-
насөн тамбурсө овмөдөмсьыс вермасны видны, но та-
тшөм шоныд мунаніныс сэсся вермас и не сюрны — ув-
лань личкыштіс вугсө. Өдзөсыс гурйыв воссис. Пырис
тамбурас. Сэні некод эз вөв.

«Ме шыр, нчөт ныр! Ме, сідзкө, и овмөдча тайө тере-
мокас да, оз кө нөшта кодкө лок, өтнам и муна Урдо-
маөдзыс,— ас кежас мойдса притчаөн мөвпыштіс Ве-
ня.— И муна, немтор татысь ог гусяв, ог жугөд».

Тайө пөрийө тамбурас Веня өтрасөн и лои мунысьыс,
некод сы дінө эз пыр. Сійө пуксис ящик бокө тэчөм тыр-
төм мешөкьяс вылө, шоныдінө, да мудзысла регыд и ун-
мовсис. Узыыштіс, кажитчис, здук. Садьмис тамбур
өдзөс вощьөм шы вылө. Поездыс сулаліс, ывлаыс вөлі
пемыд. Тамбурө пырисны кык дядьө, көрт туйывсалөн
кодь съөд шынеляось.

— А пацан куда едет?— юаліс на пиысь өтныс.

— Урдому я, Урдому, дяденька... Товарищи механи-
ки!— рочөн жө вочавидзис Веня.— Уже приекали?

— Да не в Урдому, а в Кожву приехал!— вочавидзис сійö жö дядьöыс.

— Кож-ву-у?— синсö сувтöдiс Веня. Сы вылö быттö кöдзыд ва ведра койыштiсны: «Сöмын на асывнас Кожваысь мунi, а некодлысь юавтöгыд со бара Кожваö вои!»— дзугыльмис быдöн сьöлöмыс.

— Да, в Кожву приехал... Поезд на Воркуту идёт, за углём... Что ж делать-то?— шыасис дядьöыс ёрт дорас.— Не ехать же ему в Воркуту, заплутает еще парнишка? Искать будут... К дежурному по станции отвести?

— Не кочу Воркуту! Дежурному тоже не кочу!— кутiс öвтчыны кинас Веня. «Дежурнöй дiнас кö нуöдасны, код тöдö на... Видтöгыс эськö ог нин мын да»,— мöвпыштiс тадзи да сiйöн и пыксис.— Урдому я к брату екал, он кочегаром на паровозе работает... Ксенофонт Маслов... Может, знаете? А здесь у меня сестра живёт... Списчицей вагонов работает.

Ставсö нин, öтгудыр, Веня висьтавлiс, мед сiйöс некытчö оз нуöдны, а ас вöля вылас лэдзисны.

— Э-э! Да у тебя везде родня! Еще и железнодорожники!— серöктiс мöд дядьöыс.— Иди тогда, погости у сестры!

Веня пегiс тамбурысь, пырис станцияас, но сэнi вöли кöдзыд. Кук йөр кодь жырсö кутшöм пач вермас шонтыны, нöшта кор сэнi öдзöсыс оз пöдласьлы. Но гöститны Магдалина ордас кокыс эз жö ну. Дыр пукалис вокзалас, сёйис коляс няньторсö, но асылöдзыс кöдзыдiнас пукавнысö терпенньöыс эз тырмы. Эз кöсiы мунны чой ордас, но ковмис тай мунны. И эз сэтшöма тшыгысла — кöдзыдысла.

— Кодi сэнi?— калича öдзöс сайсяньыс юалис Магдалинаыс, кор Веня тотшкöдчис чойыслöн öдзöсö.

— Ме тайö, Маша чойö, восьты,— рам гöлöсөн шыасис Веня.

Клотшмунi калич, воссис öдзöс.

— Гос-споди-и! Веня? Кытысь нö тэ войнас усин?

Көні вөлін? Эн ли мый гортад мун?— юасьомөн тыр-
тіс Магдалинаыс.

— Ветлі... Микуньөдз...

— А сэсса нө бөр? Мыйкө вунөдін ли мый?— оз гө-
гөрво воксө Магдалина.

— Син вок ордө көси ветлыны... Мөдарө муныс
поездө тай со пуксыссис...

— Көвтчан-ветлөдлан! Гортад уджыс, көнкө, тыр?
Но пөрчыс, чай шонтышта.

— Оз ков. Кынөм оз сюмав,— ылөдліс Веня. Сійө
өбидитчис чой вылас. Көвтчысөн шуис да. Быдса
ыджыд ноп тыр сөян вайис, а со мый сы йылыс думай-
төны.

Асывнас Веня дась вөлі сөйтөгыс и чепөсйыны чой
ордсыс да котөртны вокзалас, весиг паськөм вылас нин
синъяссө чөвтіс мысьөм бөрас, но эз жө лысьт: кыз
на нөшта видзөдлас Машаыс, ыждавны кө кутас ичөт
вокыс. А Магдалина, удж вылас ритнас колө да, эз
тэрмась: пуис проса рок, мортлы кык-куимөн сөмын, но
пөжыштіс блин, рок вылас и пөжас вылас кисьтыштіс
көнтусь вый да зэв на чөскыда и завтракайтыштісны.
Чайсө на Веня оз юышт, а блиныс ньылыштсьөма нин.
Сөмын сы бөрын Магдалинаыс колльөдіс Веняөс вок-
залөдз, бара ньөбис билет да пуксьөдіс воксө Воркута —
Москва поездө. Тайө пөрийө сөрниыс чоя-вока костын
дженьыдджык нин вөлі.

— Эн пуксы төварнөй поездъясө,— гөгөрвоис, кыз
ветлө Веня, да өлөдіс сійөс Магдалинаыс:— Ой, ой,
кызди доймалөны йөзыс, юртө эн пудъяв!

Микуньө воөм бөрын Веня сэсса весиг мөвпыштлы-
нысө полис Урдома йывсыс. Сылы кажитчис, мый Ксе-
нофонтыс төдө нин Венялыс Кожваас өтарө-мөдарө
кыкыс ветлөмсө. Оз кө төд — сы дырйи тсдмалас: по-
ездкаас өд Кожваөдзыс, висьтавліс, ветлө. Адзысьлас-
ны чоя-вока — быть сы йылыс сөрниө воласны. Гортас
и мөдөдчис Микунь вокзалас пыравтөг. А туй вылас
мойвиис — доддя трактор суөдіс. Ньөжйө эськө сійө му-
нө, абу машинаыд, но зэв на и любөпырыс доддяс пук-

сис, вунӧдліс весиг тӧрытъя шудтӧм лунсӧ, окотасӧ те-
шитігас эз кыв кӧдзидсӧ. Но гортас вольтӧг чой ордас
бӧра-водза кыкысь ветлӧмсӧ пыр кутіс тӧд вылас: сійӧ
кадяньыс энотчис гӧститчӧмсьыс-зимӧгоритӧмсьыс, эз
ошйысьлы Син вокыслӧн тыр-бура олӧмнас, эз нуӧдчы
сы ордӧ. Яндысис да сы вӧсна, тыдалӧ, выя еджыд нянь
йылысь сёрни эз панлы ни.

А сэсся и гӧра-кӧдза уджъяс кыкнаннымӧс талялісны.
Гожӧмнас колхозын скӧтыслы кӧрым мыйкӧ дыра дась-
тім, а сэсся и гортса скӧтлы тӧв кежлас корсь да турун
нӧбйӧн ваялім.

Арнас Ксенофонтыс Веняӧс Сыктывкарӧ электромон-
тӧрӧ велӧдчыны мӧдӧдіс. Миян ичӧтик грездын челядю-
ловыс пӧшти эз коль, ставыс ас нянь вылас нырйысьны
босьтчисны, коді кытчӧ инасис.

АС НЯНЬ ВYЛӦ

Веня другкӧд торъялім, да грездысь быттьӧ шудсӧ-
гажсӧ гусялісны. Сійӧ арыс кажитчис букышджыкӧн,
тшака-вотӧса пармаыс — пемыдджыкӧн, а пыді вӧрыс —
шуштӧмджыкӧн. Сӧмын сьӧла-тар бӧрся ставсӧ вунӧдӧ-
мӧн, ызьӧмӧн вӧтлысигӧн и кыпавліс сьӧлӧмӧй, вунліс
ӧткалунӧй.

Тӧвнас, Лунбок кыр вылын ислалігӧн, эз кыв Веня-
лӧн гора гӧлӧсыс да гажтӧм жӧ вӧлі. Вочасӧн кӧдзали
сэтчӧ петавлӧмысь. Весиг школаӧ ветлан туйсӧ быд лун
бӧра-водза талялӧмыс уджйӧз мынтӧмӧн кажитчис: ко-
лӧ да — быть. Ни дурыштны, ни ворсыштны бурпӧт не-
кодкӧд.

А ставсьыс мыжа пужъявлӧм гожӧм бӧрын воӧм гӧль
арыс. Сійӧ и торйӧдіс миянӧс, кык ӧртӧс, быттьӧ пож-
наліс. Ме, томджык на да, кыдйыс моз пожъяс коли, а
Веняӧс ыджыдджык чой-вокыс Сыктывкарӧ ремесленнӧй
училищӧ велӧдчыны иналісны.

Письмөясын сөмын и сёрнитлі другкөд, нораси сылы гажтөм олөм вылө. Но Венялы, тыдалө, сәні эз вөв гажтөм: ошйысис на.

«Гортын дорысь тані чөскыдджыка да пөтөсаджык вердөны, казенной көм-паськөмөн новлөдөны. Училищеө ветлам стать серти вурөм съөд ной шынельон, а мастерскойё, практика вылө — кокныдик шоньд бушлатон. Комбинезон на сәні сетөны и — мед ог няйтөссьөй, — гижө тадзи, и некутшөм норасьөм письмөсьыс ог аддзы. — Сизим класстө помалан да миян училищеө жө лок, — корө Веня. — Бур специальность тані сетасны — электрикьясөн лоам. Сэсся, гашкө, өтлаын на и кутам уджавны. Гожөмнас локта да шыөдчөмтө өтлаын гижам. Пөтөсь, көм-паськөмабсь тані велөдчысьысы, мастерөвөй йөзөн лөбны, а гортын?.. Гортын миян тшыг нисьө пөт олөм: төлын кыдъя көлөб, а гожөмын — масьтөм идзаса, ньыв пу кача сөчөнъяс да тшака шьд. Сэтшөм сөяннад кынөмыд тыр, а ачуд пыр тшыг».

Татшөм письмөяссө лыддьөм бөрын училищеас жө көйи сетчыны, виччи гожөмсө, кор воас гортас Веня, медым ськөд сёрнитыштны да падъявтөг нин сетны шыөдчөмсө училищеас. Но өти письмөын Веня быттьө көдзыд ва ведра юр вылө койыштіс: «Гожөм кежлас став группаөн мунам Ношульө. Югьд би сюръяяс сәні кутам сувтөдны, сутугаяс өшлыны. Нажөвитчыштны көсья, бура пө мынтысьөны, — гижис Веня. — Аслым деньгаторйыс преник-кампет вылө колыштө и ичөтджык чойлы паськөм вылас мөдөдышта».

Лөгасьлі ёрт вылө, а сэсся и ошки думысь: «Нажөткаыс ачыс киас вөзйысьө. Веня сяммө на водзө видзөдлөмөн мөвпыштнытө! Со өд, преник-кампет вылө пө аслым колыштө и ичөтджык чойлы паськөм вылас мөдөдышта...»

Велөдчан воыс, позьө шуны, бура сигөртсис. Сизим класс помалөм йылысь свидетельствоын көть «пятыас» эз тыдавны, но «триясыс» гежөд жө вөліны — сьылөмысь да рисуйтчөмысь сөмын.

Водзө школаын велөдчыны эг нин көйы, көкъямы-

сод классо пыром йылысь шыодчөмсө эг сет. Пыралі директор дінө характеристикала.

— Мыйла дас классо он көсйы помавны?— юалис Александр Иванович.— Помав шөр школасо да сэсса сэки нин и бөрйы олөмас туйсө...

— Менам бөрйөма нин. Ремесленнөй училищео көсья мунны... Электрикө...

— Электрик — бур профессия. Сэтчө кө туйдысян, ошка,— шуис директор да сэсса кыв шүтөг и гижис характеристикасө. Сійө ачыс физик вөлі да пыдди пуктіс көрта көлуйөн уджалысь йөзсө.

Отчид, тайө сёрни бөрас регыд, муна Айкинати. Видзөда: моски бокас югыд би сюръя дорын зон гу кодйө. Меысь кык-куим арөсөн, төдөмысь, и ыджыдджык. Водзысь, сюръя кост сайысь, бара аддзи кодйысьысьыс.

— Честь труду!— шуа.— Мыйся раскопка эськө нуөданныд тани?

— Зарни корсям!— гылыда серөктис зон.— Этайө сөй ёкмыль ыждаыс кө сюрө — озырмам. Чудь гу корсям... Кывлін чудь гуяс йывсьыс?

Чудь гуяс йылысь ме немтор эг кывлы, но гөгөрвои: зонмыс ме вылын тешитчө.

— Вывті нин сюсьо пуксян, няйт чужөма учёнөй-археолог... Мөс тай гидсьыс петігас лэдзө, төдан? Сэтысь, косьмөм сөчөнъяс увсьыс корсь. Вуграсьнытө нидзувьяс вермасны сюрны,— вочавидзи зонлы да бергөдчи нин мунны.— Зільджыка кодйысь, муош!

— Кытчө нө тэрмасын, сувтлы!— горөдіс зон.— Нем абусьыс и скөрмин? Кутшөм өд серьёзнөй!

— А мый нө, тешитчан да? Ме тэнсьыд мортлысь моз юали, а тэ кутшөмкө чудь гуяс йылысь кутін сөрны. Вит арөса кагаөс моз бөбйөдлан!

— А со, видзөд!— асьыс ышмылөмсө зілис веськөдны зон. Сійө чеччыштліс гусьыс, перйис полевөй сумкасьыс отвёртка да сутшкис сійөс сюръяас дзик му бердтыс. Отвёрткаыс воропөдзыс лыаө моз пырис сюръяас:— Аддзылін?

— Дзик тай нō сись!— чуйми весиг.— Мый вылын нō сулалō?

— Сьōвмōсыс килутш кызта кольōма. Сы вылын и кутчысьō. Зэвтōм сутугаясыс пōрнысō оз лэдзны. А бушков кō... Кутшōм бушков, шōр вына тōв ныр кō пōльыштас — став линияыс керкаяс вылас либō туй шōрас пластнитчас-пōрас. Со и тэрмасям крепитны, кытчōдз неминучаыс эз су, пасынкуйтам сюръяяссō. Қодьям гу, сувтōдам орччōн пазитōм кер, мусянбыс морт судтаō мед чурвидзис, кōрталам-гартлам кыз сутугаōн вывсōувсō, да сюръяыс мōд сы дыра на сулалас. Став линияыс татшōм, ой уна уджыс!

— Қодйысянныд, а керъясыс абуōсь на да? Тадзитō быть нин пōрō линияыд!

— Мунісны машинаōн. Ваясны.

— Но, но... Ті сідзкō электрикъяс?

— Электрикъяс. Электромонтёръяс ми...

— Велōдчылін сэтчō и?

— Сизим класс бōрын — кык во. Сыктывкарын, Рушесъын...

— Рушесъын? Менам ёрт сэнi жō велōдчō, электрикō... Гашкō, и тōдан на?

— Кыдзи овыс?

— Маслов! Веня Маслов!

— Ог тōд... Унаōн сэтōнi велōдчōны... Сэсса мōд во нас ми унджык кадсō мастерскōйынōсь, а найō классъясынōсь... Ог тōд...

— Арнас ме сэтчō жō муна... А кыдзи тэнō шуōны?

— Викторōн... А тэнō?

— Паша... Павел...

— Бу-ур!

Ме, дерт, эг гōгөрво, мый танi бурыс: сийō, мый тōдмасим, либō бур, мый ме налōн жō училищеас кōсья пырны. Дерт кōнкō, училищесō ошкис. Мый сылы быд ме кодыскōд тōдмасьōмсыс бурыс?

— Веня корō ас дiнас да школаысь характеристика нин босьтi... Арнас муна.

— Думайтa, он кут каитчыны,— сьōлōм сетіс Вик-

тор.— Дерт, миян уджад быдторйыс жö сюрлö. Тöвнад, медкöдзыд дырйиыс проводыс орö — йитны колö. Öнi со — кодйысям, кыз шуин, муошъяс моз, но гожöмнас вывса уджыс — благодать: му вылас жарысла места он аддзы, а вылас, проводъяс дiнас, ыркыд, кöть он и лэччыв.

— Сэсса нö монтеръясыс пыр тадзи, зырийöн пыр и кодйысьöны? Некутшöм машина абу?

— Вый линиятö öнi му кодъян напаръяа машинаяс-öн да кранъясöн нин сувтöдöны. Кык метр судта розьтö вит минутöн трактор писькöдö, а сюръясö кран лэптас да дiнсö сöмын веськöдышт розяс — сюръяыд, крукъяса-изоляторъяса весиг, местаас нин сулалö. Но ми вокыслöн зырийыд гожöмнад кысы оз жö усылы. Оз кокниа шед няньным.

— Да-а!— артмис менам ышловзьöмөн.

— Мый нö, повзин нин? Он нин кöсйы мунны училищеас?— серöктöмөн юалис Виктор, а синъясыс, видзöда, кöдзыд биён югнитлисны.— Но, но, кыз кöсьян. Миян уджыд и збыльысь абу пыр романтика, раяс и адас веськавлан: гожöмын жар, а тöвнас му вылас йöзыс нырсö дзебöны, но сэни, сюръя йылас, сийö и видзöд, чунь помъясыд чишкалысь кöдзыд проводас лемасясны — катарга. Поводдя вылö видзöдтöг, быдтор миянлы сюрö вöчны... Ог нök чунялöй, миян уджыд, овлö, о-ё-ей!

— А ме эськö эг и повззы. Сюръяссö тай, висьталан, зэв öдийö сувтöдöны, да сийö дивö лоис.

— Техникаыд ставсö öдийö вöчö, ёна кокньöдö. А тани, видзöдлы, кыззи техникасö уджöдан? Ни писькöдчан машина, ни кран оз сибав сюръя дiнас: гөгөр провод везйöдлöма сюръя йылас.

— Татчö и збыльысь нинöмөн он сибав. А джуджыда-ö нö гусö колö кодйыны?

— Кык метр судтаö.

— Кы-ык? Мыйла нö сы джудждасö? Мед нин оз пөр?

— Кынмалан слöйсö колö вуджны. Кынмалигас муыс бөр кылöдас сюръясö.

— А тешкодя кызкө кодйысянныд. Ступкаясөн...

— Монтёръяс моз и кодйысям. Тадзсө кокниджык и өдйө лоө — лишнөй зыр му ковтөгыс оз шыбитсы. Со, видзөд: сюръяяслөн диныс — уна вылө — кык весыт. Сидзкө, гуыслөн пасытаыс ветымын сантиметрысь унджык оз и ков, а гуыслөн кузьятаыс — зырысь унджык. Первой ступканас помсянь помөдзыс, траншеяө моз, коскөдзыд пыран, мусө ылө шыблалан. Мөднас, бөрья стенсяныс воськов водзө вешьян, мед сулавны гу пыдөсас зумыда позис да сэсянь помөдзыс, водз стенөдзыс, бара кодйысян. Гуыс нин пельпомөдзыд лоө. Мусө, кызд позьө, ылөджык жө шыблалан, мед оз мешайт, сьөктанас гусө оз буждөд. Сэся лэччан мөд тшупөдас да водзлань вешйыштөмөн сы вывсянь нөшта зыр судта мусө лэпталан. Гуыс помөдыс метр джын пасыта да сы кузьята жө сөмын и лоө. Буретш сюръя төрмөныс: өтарсяныс ступкаяса, а куйм боксяныс веськыда лэччө. Сюръясө сувтөдан да сөмын тыртышт, топөд чорыд стенланьыс. Оз нин вөрзы некодарө.

— А менө эськө тиянө босьтасны оз, гожөмсө уджыштны?

— Монтёрас? Эн на велөдчы, а практика вылө нин вөзйысян? — серөктис Виктор.

— Мыйла монтёрө, гуяссө кодйыны... Öти сайын и видзөдла да төдны кута, мыйся рөбөта тиян, водзвыв мыйсюрө кута сяммыны.

— Ме ог төд да, босьтасны-ө, оз-ө... Абу өд ме босьтысьыс... Сьөкыд өд му уджыд...

— Мый сэни вывти сьөкыдыс? Чайтан сэся — зыр-сө нин киө эг босьтлы?

— Со эсийө, ме водзын кодйысьысьыс, миян электротехник. Ветлам. Мердян Атауловичлы кө туян — босьтам, милости просим! Кодйысь...

— Нимыс кутшөм сьөкыд, Мердян Атаулович!

— Татарскөй ним-вич, овыс — Ахмиров. Ми сийөс Генякөд Миша дядьөн шуам... Райкомхозас сийө да ми, кык монтёр, и уджалам. Та мынданад уна он берт. Ветлам сы динө. Вөзйысям, гашкө, босьтас...

Мердян Атаулович донъяліс менё синъяснас юр выв-
сянь кок улөдз да юалис арлыдөс, кымын класс помалі
юалис и.

Арлыдөс, дерт, содтышти, но грамотаөс стөча вись-
талі.

— Паша Ру-шесьö жö арнас пырö, а öнi со прак-
тикуйтчыштны кöсйö,— суйсис сёрниö Виктор.— Ас нянь
вылас кöсйö петавны.

— Тöдмасинныд нин?— видзöдліс Виктор вылö Ах-
миров.

— Босьт, босьт, мортыс кö вöзйысьö,— вашмуніс
Виктор.— Сэсся бöрас гыррдзатö курччан, да он на су-
дзöд!

— Тэ эськö! Ала-балаыд сöмын аслад и эм!— вома-
ліс Викторöс Мердян Атаулович.— Пажнайтан кад ма-
тысмö, а пыр на öти местаын лукйысян!

— Пажынöдзыс ылын на, сэтчöдз мöд тшель на кö-
повта!— ошйысьыштіс Виктор.

— Тэ помысь, пукалігад!— кöритыштіс Викторöс
Ахмиров да синъяссö бара чöвтіс ме вылö:— Сьöкыд öд
лунтыртö кодйысьны... Дойман на ещö...

— Дойман пö! Пельпомöдзыс муас кодйысяс да му
вылас бöр оз усь!— сералö Виктор.— Уна сям сэтчö оз
ков ни: босьт унджык — шыбит ылöджык! Сідз öд, Па-
шö? Аттьöавны на, Ахмиров ёрт, менö мöданныд, уджа-
лысьöс корси да! Нель мортыд — вын! Став линиятö
кынмавтöдзыс дзоньталам-пасынкуйтам.

Ог тöд, ёна-ö отсаліс меным Викторлөн серам пыр
корöмыс, но Мердян Атаулович нöшта сёрнитыштіс ме-
кöд да шуис:

— Уджалысь мян колö... Мövпыштли нöшта, сёр-
нитышт мамыдкöд да, кор окотитан, лок райкомхоз кон-
тора дінö öкмыс час кежлö... Зыртö эн босьт, мян зэв
лэчыд, пуалöм зыръяс эмöсь... Кымын гу кодъян, сы-
мынысь и мынтысям, ог пайкöй, но рака лыддьöмысь
нарядъяс ог жö гиж.

Мöд луннас урчитöм кадö локті райкомхозлөн кон-
тора дінö.

— В нашем полку прибыло!— кыпыда паныдаліс менö Виктор.— Тöдін кө, Геня, кызди төрыт Ахмировöс кеһйöдлi, мед босьтас мортсö! И сэтысянь, и этасянь матыстча — ни в какую! Ар кежлас, мися, став линиятö нельнад вильмöдам, шуи. Вöлись небзис мортыд. Ме, Паша, тэныд вежайöн лои.

Меным весиг эз ло лöсьыд Викторлөн бызгысьöмысь, но немтор эг шу. Сийö электромонтёр, а ме кодi? Некод, сiдз, временнöй... Талун локтi, а аски — код тöдас...

Райкомхоз контораысь петiс Ахмиров, киас напарья, пельпом саяс кошкаяс, чолöмасис мекöд.

— Локтiн, сiдзкö?.. Но, но... Петкöдлам, кызд-мый, велöдыштам... А эсылы вывтiсö эн сетчы, больгöмсö пыдди эн пукты... Виктор!.. Петкöд сарайсьыс зыръяссö, черьяс, гез, багыр, укват, монтировка... Гөлчитнытö сöмын... Мед тэнад öнöдз ставыс нин дась вöли.

— А мыйöн нö ме тöда, мый ковмас?— дорйысис Виктор.— Геня, отсышт тшöтш... Кывлiн, мыйта лыд-бöдлiс: чер, багыр... Вунöда ещö мыйкö...

Кöлуйыс нумöн быдöнлы лоис. Öти пельпом вылын ме нуи зэв кузь воропьяса багыр да көрт вожка, кодöс Ахмиров укватöн шуис, а мöд кийн — зыр.

— Мый кутанныд багыръяснас да укватнас вöчны?— юала Викторлысь.

— Укватнас Миша дядь, а багырнас Геня шондiсö кутасны пыкны, мед луныс нюжалö, а ми тэкöд пасын-куйтчам,— серöктiс Виктор.

— Вот пыдöстöм туйсыд!— серамыс петiс и Ахмировлөн.— Волам вот местаöдзыс! Сюрьясö дiнöдыс пельпом вылад лэптам, а асьным йылас кутчысям... Нуан гу дiнöдзыс — лöнялан... Öти сюрья вежны ковмас, вылöдыс тшöтш сiсь... Сийöс и лэптам укватнас да багыръяснас,— висьталiс меным Ахмиров.

Тайö медводдза лунас ме электромонтёрьяслөн став мувыв уджьяснас тöдмаси. Воим сюрья дiнö. Виктор ышмис да ошйысьöм могысь и збыльысь керсö öтнас дiнтыс, лэптiсны пельпом вылас да, гу дорöдзыс нуис.

Кашкӧ, кокъясыс тӱралӧны сьӧкыдысла, но некодӧс эз сибӧд, нуис, вынсӧ петкӧдліс.

Сюръя дінсӧ гу шӧрас кузьта ногыс пуктісны: гу помас, стен бердас, паськыд пӧв сувтӧдісны; кер йывсӧ кыпӧдісны, да Геня сы улӧ сувтӧдӧм укватсӧ суйыштіс. Сюръяыс джынвийӧ кыпӧдӧма лои, вожка вылын ӧшалӧ. Ахмиров да Виктор кер шӧрланьыс ӧтар-мӧдар бокланьыс багырсӧ сатшкисны, сой выланьыс лӧптисны сюръясӧ нӧшта на вылӧджык. Сӧк кості Геня прӧстмӧм укватнас водзлань котӧртыштіс, выныштчис, да кер діныс сӧмын шливкмуні пӧв пыкӧд кузяыс гу пыдӧсас — сюръяыс и сувтіс местаас. Керъяс кутчысьлыны эг удитлы, сӧтшӧм пелька сійӧс кыпӧдісны да сувтӧдісны.

— Есть! — дӧвӧльпырысь рочалыштіс Геня.

— Аддзылін, мый вылӧ колӧны укватыс да багыръясыс? — юалӧмӧн стӧчмӧдіс Виктор. — Тадзи и лӧпталӧны сюръяяссӧ — электрикъяс и связистъяс.

— А нем тай татчӧ шунысӧ! — пыр на дивуйтча. — Кыдз жӧ, мися, та кузьтаыс лыбас, а со!

— Багырыд сійӧ — вын! Кӧрта бетон кока сьӧкыд анкеръяс багыръясӧн да укватъясӧн лӧпталӧны-мачӧдлӧны, — ассьыс став монтӧрскӧй сямсӧ дась вӧлі ӧтчыдысьӧн висьтавны Виктор.

— Мый сӧтшӧм анкерыс? — юала.

— Сюръя жӧ, «А» буква кодъ, аддзывлан тай линия чукульясысь.

— А-а-а! Аддзывлі, дерт, кызди нӧ! — шуа.

Велӧдчӧм мортыд, Виктор, ставсӧ тӧдӧ да унатор на меным, нинӧм тӧдтӧмыдлы, уджалігмызыс висьтавліс.

Сюръясӧ местаас сувтӧдӧм бӧрын кыским гусыс помӧд пӧвсӧ, тыртім-масьтім гусӧ, а сӧсся Виктор кошкаасис да ур моз, котӧрӧн, кайліс сюръя йылӧ, напаръяӧн писькӧдліс сутугаяссӧ кутысь чашка-изоляторъяса крукъяс улас розьяс, важ сюръясыс жӧ разис крукъяса изоляторъяссӧ, гартіс виль сюръяас да крепитіс проводъяссӧ. Сӧк кості ми важ сюръясӧ пӧрӧдім да кражъялім. Геня кӧсйис сійӧс пес вылӧ нуны. Часыс эз коль — ӧти сюръя дінын уджыс помасис. Багыръяс, ук-

ват, дугдісны ковны да, моски бокас пукталім, а асьным водзё вешйим, мёд сюръя дінё, пасынкуйтчыны. Дженъыдик керсё йывладорёдыс виджадён пилитім, а сэсса Виктор кольчис сэтчё паз перйыны, мед сулалысь сюръя бокас топыда сувтёдём пасынокыс пуксис. Быдён морт ётиён сюръяысь сюръяё разёдчим тадзи.

— Тэ видзёд, кыззи ме пазсё перъя, а сэсса аддзылан, кыззи колё вёчнысё, да коркё, колёкё, и тшётш ку-тан пазитчыны.

— Мыйла коркё, ёні жё муна этійё орчча гу дінас да и перъя пазсё,— шуи Ахмировлы.— Ёти плётниккёд, мян грездын олё, мянлы пывсян тшупим... Сямма.

— Но-о? Сямман кё — дава-а-ай!— нимкодъмис Ахмиров.— Пыр нин — водзё! Мый сяммыштан, сійёс и вёч тшөктытөг-индавтөг.

Викторсянь ме дінөдз — куим сюръя коласт, но, видзёда, пазсё перйыны пёшти мекёд тшётш жё помалис, кётъ куим сюръя костсё локтігөн да и Ахмиров дінын здук сулыштгён менам кадыс дёза уна воши. Ордйысьны кё быттьё — панйи сійёс тайё уджас. Лажынътчылі му бердас, видзёдлі перйём пазйёс — шогмас, чайта, пуксяс сулалысь сюръя дінас.

Инструментъяс, кыз сутуга кытшыс, Виктор дінын вёлі. Сідзкё, сэтысянь и кутам пасынкуйтчынысё. Сэтчё сё чукөртчисны, да тшётш муні. Локті да төкөттьё эг серөкты — Викторлөн пазйыс сикёс-сякёс, чер йылыс, кыті веськалёма, сэті и гурйёма керсё. Төдчис: мортыс черсё киас этшаысь босьтлёма. Аддза тайёс, но немтор ог шу. Некод нинём оз шу ни. «Кызд вот лёсялас пазйыс важ сюръя дінас?»— думысь уджсё кулита. Но, дзумгим пасыноксё гуё, гартім сотём кыз сутугён көкъямыс пөвстён, а сэсса лёмён да монтировкаён путш-пөвъяссё ётарсяныс увлань, а мөдарсяныс вывлань гартім. Топөдіс ёд кертё. Он шу, мый костас спой эз коль, но топыда жваньгысис сюръя бердас.

Коркё сэсса и менам уджалан местаё воим.

— Велөдчы, Виктор, кыззи колё пазитчынысё!—

шуис Мердян Атаулович.— Молодеч, Павел, киподтуй-
ыд чера уджас тэнад эм.

— Сідз тай эськө да,— гыжйыштіс балябөжсө Виктор.— А черыд эськө абу жө кивыв: воропыс тоин кодь, черыс ныж, нальсө сөмын, пуссө дойдалө...

— Висьтав! Сямөй, шу, сэтшөм!— сералө Ахмиров.

Виктор та бөрын сэсся гежддзыка нин серавліс ме
вылын. Арлыд костнаным матынөсь, да пырджык өтла-
ын лун-лун и бергалім. Геня көть том на жө вөлі, но
семейнөй морт нин. Кык во сайын армиясьыс воөма.
Яслиө нин нывкасө новлөдліс. Варов морт жө, но дур-
нытө эджык нин сетчыв.

Кодйысян уджыс первойсө менам вель сьөкыда му-
ніс: пажынөдз — өти гу да сөйыштөм бөрын, рытөдзыс,—
мөд. Но сы пыдди мукөд уджас өна эг кольччывлы. Ве-
сиг трансформатор сувтөдны анкер сюръяяс, мый йы-
лысь войдөр эг кывлы, тшөтш тшуплі. Виктор озджык
сяммы чернас уджавны да кодйысьсө, а Ахмиров меным
чера удж индө.

Пөшти гожөм помөдзыс кодйысим-пасынкуйтчим,
сюръяяс сувтөдалім, а сэсся, алюминий провод воис да,
вөвлөм көрт провод местаас сійөс өшлим. Важыс эськө
сө во на, колөкө, өшаліс, но электротехник Ахмиров
райкомхозса начальниклы быттө сьылі вылас пуксис:
«Мукөдыслөн важөн нин алюминий өшалө, а миян —
пыр на көрт. Корөй, мед мөдөдасны — вежлалам. Мый-
та татшөм линия вылас энергияыс вошө!»

Райкомхозса начальник эськө мөдліс ыстысьны день-
га абутөм вылө, но, Ахмиров эз лэдзчысь да, вит бара-
бан вайисны, морт судта тюрикъяс.

Пөшти став уджыс сюръяяс йылын лоис, проводь-
яссө линия бокас нюжйөдлім да. Найөс ковмис лэптав-
ны, көртавлыны быд изолятор-чашка бердө, бөр йитны
керкаясө пырысь вожъяссө. Виктор велөдіс менө кош-
каөн сюръя йылө кайны. Но электротехник сәні уджав-
нысө дыр на менө эз лэдз.

— Безопасность техника сдایتтөдз вылын уджавны
оз позь! Лэччы сэтысь өдйө!— видө, кор аддзас сюръя

йылысь, а сэсся Викторлы тшөктіс экзамен кежлө дасы- тыны менө, отсавны велөдны тайё безопасность техни- касө. И велөдім. Төдны куті, кызди колө видзчысьны доймөмысь сюръя вылын уджалігөн. А сэсся и сдایتө- дісны экзамен да удостоверение весиг сетісны. Дерт, временнөйөс на.

— Но вот,— радліс Виктор.— И тэныд корочка се- тісны.

«Корочка» меным сетісны, но сямтө тай сійө оз сод- ты. И вылын уджалі, разяси-көртаси, но джын морт кодь на вөлі. Сулала сюръя йылын, кошка кокө пыса- лөма; коскын ки пыдөс пасьта уна пөвста ён брезен- тысь вурөм тасма; гартовтчөма кыз чепөн сюръя гөгө- рыс, чеп помсө бокө, тасмаас крепитөм ён кольчаас, томналөма — он, майбыр, усь, но кутчысьтөг уджавны выліас пола. Веськыд киён нылөс моз сывйышта сюръя- сө да ки пөлөн и гартла проводсө, изолятор бердас көртала.

— Кыкнан кинад уджав, кыкнан кинад!— горзө-ве- лөдө улисянь Виктор.

— А чепыс кө орө? Пола кутчысьтөгыс,— шуа сылы.

— Ха-ха-ха! Чепыс пө орө! Кывзы, Геня, Пашө көр- тасян чепсө көсийө орөдны! Да сійө куим арөса өшкөс выдержитас, а тэ сөмын на өд ыж сьөкта! Ха-ха-ха!

— Но, оз, шуам, ор, а мынө кө томаныс?— ог эскы, ки пөлөн и уджала.

Кор монтеръяс некытчө оз тэрмасьны, сэки Виктор нарошнө менө сюръя йылас мөдөдө.

— Мун кай да велөдчы сэні уджавнысө, эн пов!

Ме, дерт, кая, а сійө дэльөдчө, повзьөдчө: тракнит- лас му вылын куйлысь вөсньыдик гез помөд. Мөд пом- сө сылысь коскө көрталөма, медым, мыйкө кө ковмас, крук ли, провод пом ли, лэччывтөг позис гезнас лэпты- ны, шыркнитасны да. Уджала сюръя йылын ки пөлөн, полігтырйи, а Виктор тешитчө ме вылын, кызд сяммө. Но кытчөкө монтеръяс кө тэрмасьоны, сэки менө сюръя йылө оз лэдзны.

— Кадсө сөмын сёян, некор!— шуас Виктор.— Ачым

кайла, а тэ видзод.— И кайлас здук кежлө, оз и чепась-лы, оз пов.

Тадзи шуом борад, дерт, ог сэсся вөйысь, коть вылас уджавнысö и окота, сайкыд сэни да. Не кö эськö полöмыс, лунтыр сюръя йылас пукалі, ньöжйöник кöртаси-разяси. Бөръяпомас весиг напаръяөн сэни кути писькөдчыны, но тшукөдльвлі йывсö пуас да бура кутчысьтөдзыс ки пөлөн жö бергөдлі. А сэсся, кор напаръя йылыс пыдөкодь нин пырас, кыкнан кйөн воропөдыс повтөг нин бергөдла. Круксö джынйөдзыс ки пөлөн жö гарта, а сэсся, крепыда кутчыяс да, и кыкнан кйөн зэ-лөда, полөмөй пыр и бырö.

Айкинаын сэки дас куим электростанция вöлі: пекарнялөн, ремстройлөн, местпромлөн, кöрт туйлөн, заготзернолөн, комилеслөн, сурплөн, сплавконторалөн, почталөн, леспромхозлөн, клублөн, больничалөн — быдөнлөн асланыс движок либö трактор двигатель жургö. Райкомхозлөн, дерт, медвына, но гожөмнас сөмын кык лун токсö сетіс — пывсянö. Ахмиров сэки пывсянас уджаліс: электромоторьяссö видлаліс, выключательяс, магнитнөй пускательяс дзоньталіс, счөтчикьяс видзөдаліс. Ме вөйыся отсасьны, да век вöлі босьтö. Быдторьяс мортыд велөдіс: и розетка, и патрон, и счөтчик пуктыны да весиг моторьясысь кути гөгөрвоны. Позьö шуны, тайö йöзыс электрикөн вөчисны öти гожөмөн. Сөмын полөмысь ог вермы мынтөдчыны, а быд удж нин вöча.

Воис ар. Колö вöлі ремесленнөй училищеö мунны, а менö эз лэдзны гортысь. Мыйсюрö черөн горт гөгöрын тутш-тотш вöчлі, вөлөн пес, турунтор вайыштлі, эг öт-нам, дерт, но чойяс дінын төлк вылас нин вöлі. Со и эз лэдзны гортысь. А сы пыдди ме лунъя школаö эг пыр велөдчыны. Уджавны, мися, мöда. Сідзи и энөвтчи школаысь, коть рөдвуж и видісны-дивитісны.

Сёрниті Генякөд, Викторкөд, а сэсся и Мердян Атаулович дінö шыасим. Куимөн и матыстчылім корөмнас сы дінö, мед пыр кежлө босьтас уджавны.

— Мед уджалас,— шуис Ахмиров.— Гожөмбыднас

ас морт кодъ нин лоис... Сõмын школанад нõ кыдзи?

— Мõд во рытьяõ пыра,— кõсийси.

— Велõдчынытõ, дерт, некор абу сёр, но дзикõдз сысь энõвтчыны оз ков. Тулысьявывсõ тõлысья курсьяс вылõ мõдõдлам, ремесленнõй училищетог линейнõй электромонтёрнас лоан,— кõсийсис Ахмиров.— Тõвнад õд уджыд миян: сюръя йылõ предохранитель, сотчас кõ, пуктыны да кодлыськõ жугалõм выключатель либõ розетка вежны, лампочка кытчõкõ пуктыны — со и ставыс обслуживание вылад.

Сидз менõ и босьтисны электрикъяслõн штатõ пыркежлõ нин, кыдзи шуасны, кадрõвик лои. Но кõtь Ахмиров и шуис: тõвнас пõ уджыс этша — предохранитель да жугалõм выключатель кодлыськõ керкасьяс вежны, но абу дзик сидз вõлõма. Линиясõ сõмын сикт шõрсьяс удитим вильмõдны, а помьясас да боки уличаясын проводыс сюръяяс вылас кõлуй косьтан гезьяс моз бовьялисны. Муртса тõвзьясьяс, бара нин кõнкõ замыкание — биыс то õтилõн, то мõдлõн кусõма. Лунтыръясõн, ог и пуксьылõй, сикт õтар помсяньыс мõдарõдзыс котралам. Быд лун дас керкаõ, гашкõ, лоõ пыравны. Геня õтилаõ мунас, Виктор — мõдлаõ, а ме коймõдлаõ котõрта. Сõмын локтам контораõ, а бара нин некымынласянь звõнитлõмаõсь: биыс оз õзйы. Кор татшõм шыõдчõмыс этшаджык, сәки Викторкõд кыкõн мунам, и, колõ кõ сюръя йылõ кайлыны, сийõ пыр менõ ыстõ. Ме ог ыръянит, но пола да пыр на ки пõлõн нокея.

— Оз артмы тэысь монтёрыс, кытчõдз кыкнан кинад он велав уджавны!— дивитõ менõ Виктор.— Сэссия нõ мõд нянь вылõ петан?

Меным, дерт, тайõ шуõмыс зэв эз во сьõлõм вылõ, но аскõд вõчны немтор эг вермы. Пола и — пом. Уджыс мен кажитчõ. Кыпыдлун сетõ, и йõзыс со тәнõ пыдди пуктõны. А кыдзи нõ: менам волытõдз быдса керкаын карасина лампаõн либõ сиська биõн пукалисны, а вола, да жырьясас электрическõй би сьявкнитас-õзьяс. Нимкодныс — кõзьяйкаыс радысла чай ютõг оз и лэдз.

Серамыд петлас и. Õтчыд õти пõч ордõ ыстисны. Му-

ні, гонькнитлі синмөн ошинювса сюръя йылас — предохранительыс, юрси сі кызта сутуга, видзёда, местаас, гыртёма весиг, тыдалё. «Сідзкё, помкаыс керкаас, оз и ковмы сюръя йылас, веж кодзыдас, кайлыны»,— мөвгала. Пыри, да пöчлы зэв любö лои.

— Тöрыт нин битöг пукалі,— шуö.— Соседкалысь нывсö талун, контораас мунö вöлі, аддзи да сылы тшöкті юөртны — би оз öзйы. Ог эськö лыддысь, но битöгыс гажтöм жö... А тэ нö эськö кытысь, кодлөн лоан?

Висьтаси.

— Тöдлі, тöдлі, батытö тöдлі и мамыдкөд уна тулыс орччөн падъянъясысь кодзлім, кытчөдз кок новлөдліс,— варовмис пöч.— Войдөр өд став муяссö киөн кодзлім, картофельтö гөр улö пуктылім и. Қызкө тай ставыс ас кадö помасьліс... Но, мый нö ме... Тэ, пиö, вай видзөдлы, кыті биыс тогалёма, а ме плита пач вылө чайник чөвтла, пöсь чайөн юктöда.

Видзөда, баблөн кук йөр кодь ыджыд жыръяс öти лампочка öшалö сöмын. Сэсся, ни счөтчик, ни пробкаяс, ни розетка, немтор абу.

— Тіян нö сэсся, розетка ни утюг, нинөм и абу?

— Утюгыс эськö эм, шомөн шонтана, а рöзеткаыс абу. Мый меным пöрысьыдлы рöзеткаясысь.

— Сей минут корсям помкасö,— шуа пöчлы.— Öти лампочка косттö токыслы некытчö дзесбынысö. Со проводыс выль на и. Неважөн на битö пыртөдісны?

— Арнас. Ва сайысь племянничалөн нылыс, школьнича, олö, да сылы биыс колö. Муніс гортас, и биöй дугдіс öзйыны.

— Эн шогсы, бөр öзъяс,— босьті улөс да разьлі патронсö.— Ывлаөдыс лючки, керкаад мыйкö лои.

Ставыс вöлі и сэні лючки. И лампочкаыс, видзөда, бур.

«Дивö тай!— думайта.— Öти лампочкаа проводкасыд кö нелючкисö ог аддзы, янала дзикөдз! Весиг и выключательыс оз тыдав. Абу и вöчлёмаось буди?»

Вешті улөсөс стен дорас, сәті видлалі. Казялі, шпа-

лер увтыс шкап сайланьыс провод лэччө. Нуоді киён сы кузя — выключатель... Точниті — öзйис би.

«Со тай!— весиг аслым эз ло лөсьыд, мый сы дыра нокси, патронсө разьлі, винтъяссө зэлөдышталі, бөр ставсө чукөрті, лампочка гаровті, а би абу.— Вот ме и монтёр. Бур на, мый Виктор орччөн эз ло, яналі эськө!»

— Выключательыд включиттөм вөлөма,— висьталі баблы.

— Но-о? А ме, пöрысь йöйыд, ог и төд. Мися, рытыс воас, да биыс ачыс öзйө. Тайö, сідзкө, внучкаöй, Марина, вөлөм, öзтө-кусөдө бисө. Ме ог кутчысьлы сэтчө. А со, гортас төрыт муніс, да и битөм коли. Ме ордын олө да сійө и пыртөдіс бисө, төлысь сайын на сөмын. Водзті ме пыр карасина лампаөн олі.

Велөді бабөс, кызди колө öзтыны-кусөдны бисө. Кужны мөдіс.

Чукөрті инструментөс полевöй сумкаö да көсийи нин мунны, но бур бабыс чай ютөг гортсьыс эз лэдз, а мунігөн кымыныськө сө пасибөтө висьталіс жө.

Электростанцияын, висьталі би öзтыны ветлөмөс да, мыйкө этша сералісны жө.

— Но, сідзкө, бур электрик нин, позьö и разрядтө кыпөдыштны,— вашъялө Геня.— Гуся провод серти выключатель нин сяммөмыд корсьны, бабыслы бур вөчөмыд, бисө öзтөмыд. Контролёркөд, Санякөд, сідзкө, тэнö и кутам мөдөдлывлыны счөтчикъяс прөверайтны. Сюсь синнад став гуся розеткаяссө эрдөдан!

— Павеллы эськө сюръя йылас кыкнан кинас уджавны велөдчыны,— сералө и Виктор,— сэк эськө миянлы на ковмас сылысь велөдчынысө.

— Кызкө тай, выключательыс эм-ө, абу-ө, юрө эз волы,— правдайтча.— Проводсө шпалернас вевттьөмаөсь да. Лампочкасө бергөдыштөмөн бисө, мися, кусөдөны,— серала жө,— ме нө төді, мый бабыслөн «гуся» выключатель, абу öдзөс дорас, а шкап саяс...

Быд лун пөшти öти пөлөс удж. Сідз кольöны вежонъяс, төлысьяс. Электрикъяслысь уна удж нин кужа вөчны, но пыр на джын мортөн ачымөс лыддя. И мыйысь? Да

дзик немторйысь. Пола кыкнан киён сюръя йылын уджавны. Шула нин аслым чорыда: «Талунсянь дугда повны!» Но кольо кадыс, а полём оз быр. Сідзи и вийся-мучитча.

Ставыс пуксис ас местаас Виль во рытё. Лунтыр турёбаліс. Кок эбёс бырмён котралім, рытъядорёдзис керкаясысь кусём бияссё озталім, гортё нин вёлі дасьтысям мунны. И сэки электростанцияё пырис Мердян Атаулович.

— Вомын сиктын ни өти керкаын биыс оз öйы,— юөртис Ахмиров.— Көть мый, а быть ковмас ветлыны... Дерт, аслым, но сьöрысь кодöскö ковмас жö босьтлыны... Трансформаторнöй подстанцияыс, буди, выключитчис, но мый помкаыс? Проводыс ори да замкнитис?

— Вой-на-ас?— повзыштис Геня.— Меным садйö колö мунны. Гöтыр сёрöдз уджалö. Кытчö кагаöс коля?

— А меным рытивбыд на ковмас уютжитчыны, ёлка вылö мөдöдчам Галякөд,— аддзис помка и Виктор.— Аски водз асывнас ветлам да вöчам...

— Ті көсьянный Виль вося ёлка дінын гажөдчыны, а дзонь сикт праздниксö битөг кутас пукавны?— курыд нюмөн юалис электротехник.

Геня да Виктор, дерт, гөгөрвоисны: абу мича сы мында йөзöс, быдса сикт, кольны битөг, но найö öд лунтырнас и сідзи нин мудзтөдзыс котралісны, турөб вылас кымалісны, да öні налы зэв дыш вёлі квайт километр сайö подөн ветлыны. И коді на төдас, дыр-ö сэні ковмас ноксынысö?

— Мед водзджык юөртисны дай!— эз сетчы Виктор.— Пемыдын ток улын уджавны оз позь! Ті та йылысь бура төданныд, Ахмиров ёрт,— эз лэдзчысь Виктор.

— Öти войнад оз кувны,— Виктор дор сувтис Геня.— Аски, лөз югыднас, жö и петам... Югыднад здукөн вöчам, а öні — корсь көні-мый.

— Оз позь тадзи сёрнитны! Мыйла тадзи сёрнитны!— ыззьöмысла коминас эз мөд мичаа артмыны сёрниыс Мердян Атауловичлөн.— Талун колö! Мунам, талун и вöчам. Йөзыс öд абу мыжаöсь...

Геня да Виктор видзодлісны ме вылө, тыдалө, көс-
йисны, медым эськө на дор жө сувті.

— Павеллы со гортөдзыс вит километр на ковмас
туйтөм туйөн собавны и,— быттьө жалпырысь шуис
Геня.— Тэ, Павел, мун гортад да аски эн и лок, шойччы
праздниксө, а ми тэтөг Вомынас Викторкөд ветлам.

— Сы мында войтырөс ыджыд праздник рытьяө би-
төг кольны оз позь. Ми йөз вылө уджалам. А ещө ар-
мияын служитлөм морт!— көрityштис Геняөс Ахмиров.

— Армияас ас кадө водтөдөны, ас кадө чеччөдөны.
Салдатлысь шойччан кадсьыс минут оз пайкны...

— Сідзкө, и мунөй гортаныд!— дөзмис Ахмиров.—
Өтнам ветла да өзта бисө.

— Ме тэкөд ветла, Миша дядь,— шыаси Ахмиров
дінө.— Ме талун заявкаяс вылас Геня да Виктор до-
рысь этшаджыкысь ветлі, эг мудз ни эг кынмав.

Меным кызкө эз ло лөсьыд, мый кыптис вензьөм.
Пыр кө, кор сөмын на пансис сёрниыс, вөзйыси, сэки
эськө Ахмиров некодөс эз вид, а өні со ёртъяс вылө
скөрмис, көть найө оз ме моз, а кык пөв, куим пөв на
ме дорысь бурджыка уджалөны. Геня көть старшөй
электромонтёр, а Викторыс ме мында жө удждонсө
босьтө, но эг кывлы, мед коркө та йылысь көнкө мый-
кө шуліс. Оклад эм оклад, сэтчө абу гижөма, мый ме
кө сюръя йылас ки пөлөн уджала, меным уджсьыс
джынсө колө мынтыны. Таысь меным денъга босьтігъ-
ясөн медъяндзим вөлі, но он өд шу: та мындаыс пө мем
оз пөлагайтчы. Өні со дон быттьө аслым лэпті.

Мөвпышти та йылысь да эскөданаа, тшөктөм моз,
мед босьтас, шуи:

— Мекөд ветлам, Миша дядь!

— Тэныд и сідз ылын гортөдзыд, вит километр!

— Мед вит кө. Менам бөрдысьыс ни виччысьысьыс
абу. Гортөй оз пышйы!— серөкті.

— Но, инө, ветла нин сідзкө ме,— яндзим жө, ты-
далө, лоис Викторлы.— Ковмас, гашкө, сюръя йылө
кайлыны да... Кытчө нө Павелыс татшөм поводдянас
сюръя йылас каяс... Ки пөвнас на уджалө дай.

— А ме водзджык вöйыси!— сувті ас кыв вылö.—
Ме и ветла талун!

Виктор первойысь на шуис электротехник дырйи,
мый ме сюръя йылас уджала ки пöлөн. А Ахмиров та
йылысь эз тöд.

— Ветлам и эм, сідзкö, Павел. Бур йöз водзас оз
позь нимнымöс воштыны. Сиктса войтырыс, дерт, кара-
сина лампаяс, сисьяс нин дасьтісны, а ми босьтчам да
и öзтам югыд бисö! Мед Виль во сувтöмсö кыпыда пас-
йöны... Лöсьöдчы, Павел, мунам. А ті,— Ахмиров шыа-
сис Геня да Виктор дінö,— мунöй гортаныд. Талун кеж-
лö сэсса заявкаяс сиктсаяссянь абуöсь. Бура пасйöй
Виль восö. Ставыс кö лючки артмас, и ми на бөр уди-
там воны гортö вой шөрöдзсы, кывлам на радио пырыс
Москвалысь чолöмалöмсö,— Ахмиров быттьö эз и кыв-
лы Викторлысь удтысьöмсö.

Вöла туйсö турöбыс шылöдöма — бедьтöг да битöг
кö, некытчö он и волы эськö. Но Ахмиров — туйын
вöвлöм морт — босьтіс аккумулятора югыд пöнар, коль-
чатöм лыж бедь да водзас сійөн тшуклалöмөн, югыд
бинас туйсö югдöдöмөн, вöсьлаліс син ни пель ызьöм
турöбыслы паныд. Мыш саяс сылөн öшаліс сюръя вылö
каян кошка пара, крукнас пельпом вылас öшöдöма, ки-
нас кутны оз ков. Паськыд брезент тасмасö ме пысалі
коскö, йиасьöмнас турöбыслы паныд муннысö шоныд-
джык, тöлыс оз жургы пальто пытшкын. Вөськыд пель-
пом вылын нуа алюминь сутуга кытшыль: сюръя йыв-
сьыс кö проводыс орис, ньөрйөн сійöс он йит. «Зиль-
зель, зиль-зель» — сутуга кольчаö инмалö тасмаын öша-
лысь чеп, висьталö Миша дядьлы: ме сы бöрысь
кольччитöг локта, да мортыс бергöдчывтöг и вöсьлалö.

Кок йывсьыд пöрöдысь турöб дырйиыд он ёнатö ва-
ровит; мунам сёрниттöг. Ахмиров сöмын кык-куимысь
бергöдчыліс туй чöжыс.

— Эн на дзикöдз кынмы?— юалö.

— Ловъя на, ловъя, эн маитчы, Миша дядь,— шуа.—
Кок туяд таяла да кокни муннысö. Чизыр тövсьыс со
сайöдан и.

— Регыд нин воам,— сьолём сетё Ахмиров.— Подстанцияс бензин сулея эм, шонтысьыштам, а горто мунны, төв бөртө, лөсьыд лоо, сөмын лэптав кокъясто, төлыс ачыс йоткыны-котөртөдны мөдас.

Подстанция динө сьод пемыдөн нин воим. Трансформатор быттьо кулома, оз уджав.

— Предохранительясыс высоковольтнойсыс сотчалөмабсь,— висьталіс Ахмиров.— Эз, дерт, ичөтторйысь. Сиктланьыс мунысь линиясыс, низковольтнойсыс, проводьясыс, тыдалө, гаровтчисны.

Электротехник выключитіс ыджыд рубильниксө.

— Электростанциясянь трансформаторас локтө дас тысяча вольт, тасянь нин, Вомынланьыс, муно электромоторьясө нельсө вольт, а керкаясө — кыксө кызь; вит провод сиктас муно: куим фаза, ноль, да нөшта өти провод, улича би вылө,— велөдө менө электротехник.— Рубильник выключиттөг трансформаторын уджавны оз позь. Дас киловольта напряжение — шомөдз сотас. Напряжение улын некор эн уджав!

Ме та йылысь төді, төдісны и Геня да Виктор, но Ахмиров — сы вылө и электротехник, медым велөдны.

— Электрикыд нэмнас өтчыд сорсьылө!— скөрысь шуас сійө, Геня ли Виктор кө «төдам-төдам» вочавидзасны.— Вунөдчанныд — овсис таладор светас, а меным — тюрьма... Да мый сійө... Мортис оз ло, вот мый лөкыс.

Ахмиров видзөдаліс проводьяссө пөнар югөрсө өти мөдлаө веськөдөмөн, а сэсся шуис:

— Турөбыс вөчыштөма миянлы уджсө!.. Со, видзөд, низковольтнойсыс, Вомынланьыс мунысь линиясыс: увсяньыс видзөдөмөн коймөд проводыс орөма, замыкайтис көнкө. Ковмас йитны.

— Перво, либө, подстанция вылас уджыштам, предохранительяссө вежам, а сэсся нин проводсө йитам да лэптам,— шуа.

Но Мердян Атаулович подстанция вылө менө эз босьт.

— Нинөм сәні кыкнаннымлы кынмөдчынысө. Ме

отнам кайла да вочышта. Понарсө трансформатор вылас крепита да кутнысө оз и ковмы. А тэ босыт кошка-яссө пельпом вылад, сьорсыд вайом проводсө тшотш да и мун орөм провод кузяыс мөд сюръялааныс. Орөминас воан, йит, кыдзи велөдлим, сутуга помьяссө да водзө, сюръя дорөдзыс мун ньөжйөник, йитчөм бөрас тбөм проводсө разигтыр. Сэни и виччысыштлы менө. Помала подстанция вылас уджсө, локта тэ динө дай өшөдам орөм проводсө сюръя йылас.

Татшөм рөбөтатор сөмын и индис меным Ахмиров.

— Ставсө воча, сей жө минут!— рочалышти-ошйысышти Мердян Атаулович водзын.— Тайө меным абу служба, а службишка. Лым вывтыд ме көч моз тринькьяла.

— Но давай, сідзкө. Проводыс тэнө ачыс сюръя дорөдзыс вайөдас.

Электротехник мөдис кавшасыны сюръя бокө крепитөм көрт поскөд подстанция вылө, а ме кутчыси орөм проводас, лэдза сійөс ки пыр да бувска войся пемыдас, быттьө кутшөмкө полярник.

Медводдза воськовьяс серти и гөгөрвои: водзджык ошйыссьөма. Кутшөм нин сэни көч моз тривкьялөм — өдва бувска-муна. Восьса ыб вывтыыс лымйыс эськө и абу зэв джуджыд, пидзөсысь весьтөн и вылөджык воө, но лэчыд төвьясыс сійөс ёна топөдөмаөсь. Воськовта өти кокөн, сөмын на ступита южмөм лым вылас, ассьым сьөктаөс сы вылө лэдза, медым мөд кокөн воськовтны, но ог на удит тайөс вөчнысө — булсмуна-вөя. Быттьө налькйын тринькйыся. Öти кокөс перья южмөм лым пысь, а сэсся, воськов воча да,— мөдсө. Метр кызь кымын тадзи кипыралі лым вылас усьөм проводсө — дзикөдз эбөсысь уси. Орөм сутугаыс кө первойсө пельпом вылнаөд нюжвидзис, то өни сійө лым пышкас нин вөлі, йизыштөма, замкнитігас ток улас пымавлөмысь, да, быттьө сутшкасысь йөн град вылысь нетшышта, өдва и перья сійөс лым пышкөссьыс. Джуджыда нин сійөс лымнас тыртөма-нөбөдөма. А пельпомьяс сайын кошка-ыс да сутуга кытшылыыс ёна жө торкасьоны, көть шы-

бит. Но кызди нӧ шыбитан — кольнысӧ кошкаяссӧ, кӧть и ӕна мешайтчӧны, оз позы: вошӧ да тулысӧдзыс оз сюр. Бокӧ пӧльтысь тӧлыс, мыйӧн нетшышта лым письыс проводсӧ, урви-сӧрви сийӧс кватитӧ, весиг менӧ нетшыштас, воськов боклань шыбитас. Ни таӧдз, ни та бӧрын сэтшӧм турӧб улас сӕсса эг веськавлы.

Ог тӧд, дыр-ӧ соби лымйӧдыс, но вои жӧ орӧм провод помас. Нетшышти, кызди и водзджыкъясысӧ, но сийӧ кокныыда шедис да ме гатшӧн уси — помыс нин вӧлӧма да вывти кокныыда шедис.

А турӧбыс тай, турӧбыс! Ӧдйӧ тай кутис вӧчны асыс лӧк уджсӧ — тӧкӧтӧ эз тырт! Удити сувтны, но сӕки бушков кодъ тӧв нырыс бара на аслас сывъяс менӧ кватитис да воськов-мӧд-коймӧд, мед вылысь ог усь, ковмис тӧв нылыдсӧ сетчыштны. Бур, мый провод помсӧ кыысь кызкӧ эг лӧдз: корсь эскӧ сӕсса сийӧс, кытчӧ вына тӧлыс кӧвкнитас да лымнас тыртас.

Дась пӧсялӧм вылысь, ӧдйӧ шыбити пельпомъяс вылысь кошкаяс, чинтышти кусачкиӧн сотчӧм провод помсӧ да крепыда йити пельпом вылын вайӧмаыскӧд, весьтӧн-джынийӧн падвежӧн, ӧти помсӧ мӧд вылас гартӧмӧн.

Ӧти удж лои вӧчӧма, ӧни колӧ водзӧ мунны, разны вочасӧн сутуга кытшыльӧс.

«А кӧни нӧ эскӧ сюръяыс?— видзӧда пемыдас.— Гӧгӧр син ни пель».

Зӧлӧдышти бӧрвылысь проводсӧ. «А-а! Татчань сӧдзкӧ колӧ сетчыны!— артышти думысь да мӧвпала.— Тӧлыс, дерт, мыйтакӧ кежӧдис проводсӧ усигас линиясыс боклань, сӧдзкӧ водзланьсӧ тӧв паныдджык колӧ сетчыны... Неуна, мед аддзытӧгыд линиясӧ да сюръясӧ оз жӧ вуджсы. Сӕки — шабаш! Бурджык нин линия бокӧдыс воськов кызь, мед нин надейнӧджык — комынӧс мунны, а сӕсса сюръясӧ проводнас тывъявны! Со кызди колӧ! Некытчӧ тӧ меысь он пышйы, вошӧм сюръяӧй!»

Ӧни ӧти кийӧ прӧстмис, проводсӧ лым увсыс оз нин ков нетшкӧмӧн перъявны, да кокныдджык лои. Разя вочасӧн сутуга кытшӧс, восьлала водзӧ и водзӧ, а мыш

сайё нюжалом проводыс да бокё пöльтыс тöлыс, маитчыны оз ков, меным туй индалöны.

Сьöрысь босьтöм сутуга тöбйын джынйыс бырис. Шойчышти.

«Öнi сэсся и тывйыштны позьö, сюръясö кыйны,— мöвпышти, но сэк жö и падъялышти:— А эг на кö во сюръяödзыс? Сэки нин ог сюръясö, а подстанциясö ку-та тöбны-гартны, кытшöн, кытшöн ветлыны».

Мед нин надейнö лоö кыйöма сюръясö менам тывйö, ещö на водзö мунi, куйм гөгöртас на тöбйысь рази да и мөдöдчи, бауөн моз нин,— синъясöс, чужöмöс видза — веськыда тöv паныд кысся. Пон моз, нель кокөн, мунамуна — зёлöдышта проводсö,— кокныда на бöрысь локтö, абу крукассöма. Сидзкö, тывйöй тыртöм на. Куимысь кымын тадзи вöчлi да тывъялi öд сюръясö! Зёлö-да проводсö — оз лок, быттö якöритöма...

Тöv нылыдсö öдйö и вон зелалöм провод кузяыс сюръя динödзыс. Метр кызь лишнöй разьсьылöма тöбйысь проводсö. Надейнöй тыв артмöма.

Чинтi проводсö колана мында, гаровтi помсö сюръя гөгöрыс, гөрддзышти. Видзöда, Ахмировлөн пöнарыс подстанция вылын: муртса-муртса, чигарка пом моз, чискö-ломалö.

«Век на сэнi! Ёна, тыдалö, сотчалöма кыткö тшöтш. Виччысь пö менö... Лöсьыд шуны — виччысь! Чизыр төв вылас!.. А мый, ачым кö проводсö öшöда?— воис юрö ыззьöдана мöвп.— Бура чептасы, да оз жö öд нöбöд сюръя йывсьыс?»

Падъялышти неуна, а сэсся кöмалi кошкаясöс, бура зёлöдi тасмаяссö гынкöм бөрладортi, чептаси дженьдöдöмөн кыз чепнас, провод помсö паськыд тасмаö гаровтi да, тöv бöрсö сувтöмөн, ньöжйөнник мөдi кайны сюръя йывлань. Тöлыс, кымын вылөджык, сымын ыджыдджык вынөн пöлтö, личкö менö кынöмөн да морöсөн сюръя бердас. Вон медулысса, улича би проводödзыс.

Кöть монтёръяс сюръя йылын пыр уджалöны проводъяссыс ортсын, боксянныс, но ме кöсйи вöчны ас ног, сюсялыштны: зёлöдны да кöртавны орсма сутугасö

пытшкөссяныыс, проводъяс костас пырөмөн. Выгөдаыс эськө сэки вөлі ыджыд: ог нин, майбыр, усь — зэлыд проводъясыс менө отар-мөдарсянь надейнөя мөдасны кутны, да и уджавнысө, сідз ног кө, пөшти төв бөр. Төв бөр жө и кайи улыс проводъясөдзыс, но вөсныдик сюръя йылө өшлөм проводъяс костө, көть кыдзи эг видлы пырны, эг төр.

Ковмис петны проводъяс увсыс, бергөдчыны бокас, ортсыө, чизыр төлыслы воча чужөмөн. Бергөдчи — синъяс здукөн тыртіс лымйөн, ёсь чизыр төлыс сотө чужөмөс, голя дорті шарф улө пырө, йиджө, кажитчө, лыясөдз. Но мый вөчны, босьтчөма нин уджас да бөр он эновтчы. Кималасөн водзө кайи.

«Вөліны өд син видзан өчкиясыс, вөліны! Эз тай со юраным волю — ни меным, ни Ахмировлы! — кор ковмис, пыр и уси дум вылө өчкиыд да скөрала: — Кутшөма эськө өні сгөдитчис!»

Кавшася ньөжйөник. Со, ывла югдөдан проводыс, медся улыссаыс, коскөдз нин воис. Водзө кайны сэсса көртасян чептөй оз лэдз, колө быть пөрччывны сійөс, провод вылас лэптыны. Но тайө, мем кажитчө, медся өпаснөйыс: мынтөдан карабинсө — тадз шусьө чеп томаные — көртасьтөм колян. Мынө кө кийд — увлань юрөн гатшасян да өшъян кошкаяс вылад дзугйө кыкнан кокъяснас пысасьсөм кеня моз. Усигад сюрса лыыд на вермас чегны либө юр чашкаыд, сюръяас балябөжнад тангысян да, жугалө. Кутшөмөн перьясны-лэччөдасны сэки тэно сюръя йывсьыс!..

Шуйга кийсь пөрччи ыж куысь вурөм шоньд кепысь-өс, суйи сійөс вомө да курччи: питшөгысь, мися, нөшта и усьө — кепысьтөм коля.

Инемөдчи вазьыштөм чуньясөн чеп томанас — чирьыштіс, сибдыліс весиг, но сыөдз-ө. Мынтөді чеп помсө тасма кольчасыс, лэпті провод вылас, зэв видзчысьөмөн кытшовтөді сюръя гөгөрыс да сійө жө сутуга вылас, изолятор мөдарас өшөді. Сэсса бөр кепысяси — кык кепысьыс өд вомө оз төр, абу пон. Прөстмөм, шуйга, киөн нин өні сывйышти сюръясө, а веськыдөн, дерт, кепысь-

төг жө, пысалі карабинсө тасмаө, веськыдладорбокса кольчаас, да бара кайышти асладорса мөд проводдзыс.

Мөдысьсө чепсө вуджөдігас ковмис сідз жө ноксыны, а веськыд кыысь кепысьөс весиг кыкысь пөрччылі — карабинсө мынтөдігөн да кольчаас бөр пысалігас.

Дыркодь, тадзинад, ковмис кайны орөм проводдзыс. Видлі шуйга киөн сиктланьыс мунысь проводсө — зэлыд. Бура изолятор бердас көртавлөмаөсь да абу кырдома. Кусачкиөн чинті орөмладорсө, помсө весьт кык занасө кольмөн, медым чашка гөгөрыс судзис да нөшта гартлынысө на тырмис. Веськыд киөн сюръясө сывъялөма, а шуйга киөн гарта провод помсө, путшпөлөн-путшпөлөн, мед крепыд лоис. Кепысьтөм. Чуньясөс емавын мөдас да вомын шонта, а сэсся паськөмө косода да бара гартча.

Викторлөн кывъясыс юрө воисны: «Оз кокниа шед няньным... Ог нөк чунялөй... Миян уджыд, овлө, оё-ёй! Раяс и адас волан!»

«Збыль тай сідз, Виктор! — мурга-скөрала ас кезысь. — Кутшөм нин нөк чунялөм! Збыльысь адас и веськалі! Да, Виктор, збыльысь тай оз, вөлөм, кокныда шед монтерьды няныс! Татшөм поводдянад сьөлөмыд вирөн ойдлө дойдан көдзыдсыс! Со кутшөм тіян уджныд!»

Отарладорыс коркө лоис дась, коли зэлөдны да йитны подстанциядорса проводсө. Бур электромонтерлы, да нөшта шоньдөн кө,— кык-куим минут удж, а меным, ки пөлөн ноксигөн...

Бара шонтышти чунясөс вомө суйөмөн, мынтөді тасмаысь сьөрысь кыпөдөм сутуга помсө, лэпти крук вылас да метр вит кокныда кыски, а сэсся, кор зэлалыштіс, чинті мешайтчысьсө, водзө зэлөда проводсө. Кыскышта — кусыньта крук бердас, мед бөр оз исковт, кыскышта — кусыньта. Сьөкыда нин кутіс локны. Қад нин проводсө изолятор вылас лэптыны да водзөсө сідз зэлөдны. Бөрас сэсся, кор струна кодь лоө, он кыпөд. Лэпти, водзө зэлөда нетшкөмөн да нетшкөмөн.

Өні сэсся киөс шонтыштны, проводыс ёна нин зэла-

ліс да, оз позь. Лэдза кӱ кийсь проводсӱ, сійӱ ас сьӱк-танас бӱр шливкнитас-исковтас. Мӱд киӱн, мыйӱн сюръясӱ сывъялӱма, уна он кут, сійӱ ачыс уджа: менам чайтӱм серти, менӱ усьӱмысь, гашкӱ, смертысь видзӱ. Чеп вылӱ ӱд пыр на ог надейтчы...

«Сэсся нӱ мӱд нянь вылӱ петан?»— бара воисны юрӱ Викторлӱн кывъясыс. Скӱрми, ӱна скӱрми ас вылӱ, полӱм вылӱ.

«Пета кӱ и пета, но ог талун! Талун менӱ отсасыны босьтисны!»

Сэки синмӱс чӱвтлі подстанциялань. Аддза — пӱнар би увлань нин лӱччӱ. Ахмировлӱн, сідзкӱ, помассьӱма нин уджыс, здук мысти тані лоӱ, а менам...

«Ещӱ видны кутас? Мыйла пӱ тшӱктытӱгыс кайин сюръя йылас,— ӱні нин и сысь повзи, тшӱктытӱмторсӱ вӱчӱмысь.— Кӱть мый, а босьтчӱма нин да, уджсӱ колӱ аслым эштӱдны! Талун со Виктор шуис нин, янӱдіс! Збыльысь мӱд бригадаӱ ковмас мунны! А коді босьтас, кодлы ме кола!»

Бара зіля босьтчи уджӱ. Тӱдчӱ: провод личыд на, колӱ на зӱлӱдны, а ки пӱлӱн сэсся оз нин лок. Пиньясӱс мурч курччӱма, нетшкыся мый вынысь, а шыльыд изоллятор жӱлӱбтӱгыс сутугаыс, мый кыскыштла, сы мында жӱ и бӱр исковтӱ. Шливйӱдча ӱтарӱ-мӱдарӱ, быттьӱ дурӱмкодъ артмӱ. Кашка, лов тырӱма, весиг кӱдзыдсӱ дугдӱ кывны, турӱб йывсьыс вунӱді — сэтшӱма скӱрми тайӱ ыкша прӱвод вылас.

ӱні ог нин помнит, кыдзи артмис, но менам мынтӱдсьӱма киӱс сюръя гӱгӱрсьыс. Кошкаяс вылын кыкнан кокӱн зумыда сулала да эг и казявлы, кутшӱм здукӱ тайӱ лоис. Доровтчӱмӱн, чепта паськыд тасма вылӱ мыджсьӱмӱн, кватитчи, уджала.

«Хе-хе!— гораа вашмуні ас кежысь.— А чепыс ӱн, зӱв на тасма вылас и лӱсьыд вӱлӱма ӱшавнысӱ: паськыд да, быттьӱ потанын,— зыбнитчышти, качнитчылі:— Благодать тай вӱлӱма, а ме полі!»

Тадзинад вынӱй куим пӱв содіс да проводсӱ ещӱ на, матӱ метр, кыски.

— Э-э-э-эй! Паша, кӧнӧ тэ?— кӧнкӧ дзик матын кы-
ліс увсяньыс Ахмировлӧн гӧллӧсыс.

— Та-ні, та-ні, Миша дяды!— горӧді сылы воча.—
Видзӧдлы, лючки-ӧ зелӧдӧма проводыс.

Мердян Атауловичлӧн пӧнар югӧрыс исковтӧс про-
водъяс вывтӧ.

— Вывтӧ нин зелӧдӧмыд, лэдзышт ки вомлӧс кы-
мын!— горӧдіс Ахмиров.

— Ӧні?— мыйта тшӧктӧс, личӧдыштӧ проводсӧ да юа-
ла.

— Ӧні шань! Бур, мися, бур! Гаровт изолятор шей-
ка гӧгӧрыс мӧд пӧв, чинты лишнӧйсӧ да глушит!

Тайӧ нин здука удж. Клотшнитӧ кусачкиӧн алюминь
провод помсӧ, топыда гаровтӧ изолятор гӧгӧрыс да йит-
чи сиктас мунысь линияс.

— А мӧдарсӧ кӧть глушитӧн-ӧ?— юалис Ахмиров.

— Мӧдарыс бур! Вӧчӧма, кызд колӧ!

— Но, сӧдзкӧ, лэччы вай ӧдйӧджык... Бензинсӧ, су-
леясыс коляссӧ, вайыштӧ, лымъяс гутор вӧчышта да
биасьла...

Муртса на ыпнитӧс бензинӧн киськалӧм рузумтор, ме
вӧлі нин му вылын, Ахмировкӧд орччӧн.

— Шӧнтысь вай ӧдйӧджык! Изӧймитӧн, кӧнкӧ?

— Кӧ-ӧ-дзыд! Ок, кӧдзыд талун сюръя йылас!—
веськыда, тшапитчытӧг висьталӧ Ахмировлы.— Чуньяс,
мися, колясны проводас! Куснясьӧны на тай, доймӧны,
кыла, и... Сӧдзкӧ, эг кынты... Шӧнтысьышта, часлы!..

— А ме эськӧ тӧнӧ ӧлӧдлі жӧ да... Эң, мися, кай,
менӧ виччысьлы... Шӧнтысь вай ӧдйӧджык, шӧнтысь.

— А сӧки, весь виччысигас, эськӧ и дзикӧдз кынми...
Сывдны ковмис,— серӧктӧ.

— Но бур, бур!— небыда мургыштӧмӧн ошкис Ах-
миров.— Кыкӧннад век нин кыкӧн, кык ӧдъяӧ со делӧсӧ
и вӧчыштӧм. Туяна электромонтӧр нин... Вот курсъяс вы-
лӧ нӧшта ветлан да, мый миян уджын коланаыс, ставсӧ
кутан тӧдны...

— Велӧдчынытӧ ветла!— нимкодъ лоис меным.—
Окотапырысь.

Шонтысьыштõм бõрын муним подстанция динõ.

— Но, кыз шуасны электрикъяс, мед лоас би!— шуис Ахмиров да зутшнитис-йõtкыштитис рубильник вoропсõ вывлань.

«3-з-з...»— мазі моз лõня кутис дзизгыны трансформатор.

Ме видзõдлі сиктлань. Весиг лымйõн койысь турõбыс эз вермы сайõдны Вомын весьтын ыпнитõм кыасõ.

— Мед гажõдчõны бур йõзыс,— дõвõльпырысь мургыштитис Мердян Атаулович.

ЧАЯ Ю БОКЫН

Связьлõн училищеас Венялõн муном бõрын грездын вõралысьыс õтнам коли. Кузь арбыд прõст кадõ пармаын бовъялі, тõвнас унаысь таръяс бõрся вõtлысьлі, но ошйысьны пырджык вõлі нинõмõн — геждõа пусьõдліс. Тадзи коли кузь тõлыс, воис тулыс — тар-дозмõрлõн койтан кад.

Таръяслõн койт вылад, дерт, Венякõд унаысь ветльвлім, но дозмõр койт вылын эг на вõвлы. И сәки уси дум вылõ покони́к Опонь дедлõн дивитанаа кõри-тыштõмыс:

«Посняммисны õнi вõралысьясыд, посняммисны. Уткаясõс, сьõла-тарõс полошитõны, а дозмõр койт йывсьыд, непõштõ аддзывны, эз кывлыны, чайта, весиг... Тарыд сийõ — тар на и эм. Дозмõр койт вылын тулысыслысь збыль воõмсõ кылан-казялан. Қокъясõй вот дугдисны новлõдлыны, а ветлі на эськõ õтчыд Чая ю бокõ, но ылын вот, кокъясõй сәтчõдз оз нулыны... Ок, ыджыд койт вõлі...».

Кувсис Опонь дед, сідзи эз и пõртсы олõмõ сылõн бõрря кõсийõмыс.

«А мый, ветлыны кõ Чая бокас?— югнитис юрын мõвп да сідз эз и кус сәсся, кыскыны кутис:— Опонь

дедлөн висьтавлөм серти местасё аддза... Ветла и пом!»— шуи аслым чорыда.

Тулан бёрся понкөд вөтлысигөн кыкысь вуджлі тайё ю боксыс нюрсё, өтчюд зверсё весиг горсья кондаё топөдлім, но удитіс...

...Югыдөн на мөдөдчи Опонь дедөн индөм койт вылө. Прөйдиті джын туйсё — кутіс пемдыны. Тэрмаси, но козья-кыддза тілльөн туём ордым вывті он котөрт. Рытыс талаяліс. Дугдіс кывны лэбачьяслөн дзользьөм. Вугралө парма. Гөгөр пельяс чунөдана чөв-лөнь. «Мурк, мурк, мурк» — дзуртө кокьяс улын чарөм. Гажтөм. Лым улысь мездмөм мырьяс кыпөдөмаөсь съод юрьяснысё. Кажитчөны ловьяөсь, весиг вуджрасьёны — тыдовтчасны шуйгаладорын, а ордым чукыль сайысь друг мыччысысны веськыдладорын. Повзьөдчөны, тайкө — ош. Сьөлөмөй кын. Ружьеөс нуа нин кыин, но муна гырысь вөськовьясөн. Нюр дорас быть колө воөдчыны пемыдөн на. Эг пет вот водзджык, мися, кынмытөдз ковмас коллявны войсё, а гежөда ветлывлөм туйтө пемыдын таллявны вөлөма ещө на лөкджык. Пармаад пө мортсьюд вынаыс некод абу, унаысь шульвлис Опонь дед. Но татшөм сёрниыс вөлөма эскөдана сөмын керка лабичын пукалігөн, а вөрын со мырьясысь чердла. Полөмыс еенө.

«Кхер-р-р, ке-ке-ке-ке!»— көнкө водзын, веськыдвылын, юөргіс вой чегөм йылысь ай байдөг.

«Эхв, ту-кы, ту-кы, ту-кы!»— быттьө кызөдөмысь сьөмдөм мортлөн, кыліс воча горөдөм. Сэссия сійө жө, этшсыс петөмөн быттьө серөктіс: «Хо-хо-хо-хо-хо!»

Виччысьтөм горөдөмсыс чур-чермуні. Төда нин вөлі, таdzi горзөны койтысь ай байдөгьяс, пармаын медся водз садьмысь пөткаяс, но кутісны тіравны ки-кокьяс. Ов пармаын көть нэмтө, но өдвакө велалан тайё сьөлөм көдзөдысь шыяс дорас. Та вөсна, тыдалө, и шулөмаөсь пөрысь йөз: «Вөрсаыс сералө — вөралысьөс сьылөдө».

Кияс асьныс клотш суйисны ружье ствольясө ош пуляяс. Сулала. Кокьяс дугдісны вөсьлавны. Гортөдз

ылын, и ог төд, мый виччысьö водзын. Узи эськö öнi шоньд вольпасьын. Югдiгас позис котöртлыны тар койт вылö. Окоотаöс тешита, а тарьяс кьдзи на ещö пуркйысьöны-косясьöны. Дозмөр койт ковмис. Аддзыла на кö, а мудзöмыс, полöмыс со вичмис нин юр выв тыр. Бөр косны?.. Дыр сулалi, но косны эг жö кос. Ассиянь аслым яндзим лои. Кувсьöм пöрысь морт водзас и, кодi пармаад некор абу повлöма. Кöть пидзöсьясöй пыр на тiралiсны, шуйга стволысь бөр кыски пуляа патрон да сы местаö суйи гырысь дрöбьяöс. Шутёвти пемыдас, быттьö пöнйöс чуксала. Збодермöдча. Полöмыд, мися, миян...

«Пр-р-рыть. Пр-р-р-рыть!»— триньöбти юр весьтын ёр каля.

«Фр-р-р-рынз, фр-р-р-рынз!»— нюдз сынöдсö вундiс зумыд бордьяснас мурквечик. «Цвирк, цвирк, цвирк, хорк, хорк!»— чипсiс-руксiс, чуксалiс сийö асьыс пöвсö.

Көнкö зэв вылын енэжын бакöстiс енмеж. Унзиля на чушнитiс садьмöм тар. Кливкнитiс дон нюрын ректан кока тури. «Др-р-р-р-р!»— кос пипу йылын кучкис öжын кодь нырнас кыр.

Öдздöдi воськовьясöс. Колö тэрмасьыштны. Сувтö асыв. Регьд кутас югдыны. Турунвиж рöмаöсь нин лосны кодзувьяс. Öти бөрся мöд найö вошласисны енэжлөн йирктöм-пыдöстöм саридзас. Ловзис-садьмис парма. Но вöрын лои быттьökö ещö на пемыдджык.

Воис пожöма нюр. Ньöжйөнник, кывзысьыштöмөн восьлалi гежöда быдмысь пожöмьяс костти. Чöv-лөнь. Дозмөрьяс оз сывны. «А, гашкö, абу и танi койтыс?— падьявны нин кутi.— Этатшöм кузь туй таялi, татшöм стракьяс терпитi и... весьшөрö?» Дыр корсьыси-ветлöдлi нюр вывти. Забеднöысла доршасьö синва. «Вөрканьлөн кодь пельяс да синьяс колöны,— висьтавлiс Опонь дед.— Тöла луно чукчилөн сьылöмыс кылö сöмын дас вит-кызь воськов сайысь». Но пöрысь вöралысьлөн кывьясыс эз ышöдны менö. Абу жö öд пельтöм. Весиг сьöлаöс, кöть вöсна чипсö, кыксö да унджык воськов сайысь кыла. Оз эскыссы, медым та ьджа пöтка сьылiс сятшöм гортöма.

Вунөді став видзчысьомөс. Котөртла өтарө, ветла мөдарө, гөграла нюр вывті — оз сывны чукчияс, дай пом. «Қоді нө свадьбуйтас татшөм шляпник пожөмъяса нюрас?» — эз кут эскыссыны меным.

«Қо, ко, ко, ко, ко» — друг котсыштис көнкө матым көн дозмөр.

Ылькнитис сөнъясө вир. Весиг пөсялі: со, ылісянь на и казялісны. Повзьөді ош моз руза-раза ветлөдлігөн. Дыр сулалі вөрзьөдчывтөг, но некод эз лэб, а энъ дозмөр кызкө аслысногөн, эз повзьөмпырысь, а меліа, пыр коткис и коткис.

Қежышті бокыв да кань моз кыйкъялігтыр вөчи кытшов.

«Тэк-тэк-тэк», — быттьө бедьясөн воча-воча кучкалөны, муртса кылыштис водзын. Слабитөм вужъя пу тази жө ратшкө-норасьө. Точакылөмыс орлытөг вуджис дзуртөмө. Өтарө вежыньтчыла, мөдарө, но шыыс пыр өткодъ, а со татшкөмыс вежсис: «зики-зики-зики-зики», — быттьө кодкө небыд төчила вылын лэчтө коса дорыш.

«Чукчи!» — югнитис юрын мөвп. Та модаөн жө шлочөдіс кывнас да кирскис Опонь дед. Тіпкыны-пессыны кутис сьөлөмөй. Жарөдіс.

«Шлочкигас — сулав лов шытө кутөмөн, кирскигас кыкысь-куимысь воськовт. Но медым сьыланкыв помсө нитш ланьтөм бөрын нин кылін. Сөрмин — повзьөдін чукчисө», — воис юрө пөрысь вөралысьлөн велөдөмыс.

Лов шыөс пыкөмысь мөдіс юкавны көсичаөй, курдіс горшөй. А чукчи пыр сьыліс и сьыліс. Помтөг дыр нин, кажитчө, кыйкъяла-матыстча. «Абу-ө тайө конда саяс? Абу. Ылын на, буракө. Сьылөм сертиыс ылын на колө лоны». Мый вынысь чеччышті пөрөм пу вомөн да уси. «Кратш», — вөр тырнас чеги кос чорыд ув. Ог лысьт вөрзьөдчыны, но чукчи — эз мөй кывлы? — сьыліс ещө на коставлытөгджык. Сьыланкыв улас лөньөді лов шыөс, сувті кокъяс вылө.

Дзик юр весьтын сьылө чукчи, но ог вермы сійөс адзыны. Сьыланкыв улас чышкышті пинжак соскөн чужөм вылысь пөсьөс. Дзорга-видзөда юрөс чатөртөмөн.

Доймыны нин кутіс сьылідзирийёй. «Водзын на...». Ещö вöчи куим-нёлъ гырысь воськов — чукчи, кыла, сьылё бöрын нин. Чеччыштi кыз конда сайö да сэсянь кутi видзöдны пуяслөн йывъяслань. Синпырала быд ув. Косьмöмысла, кажитчö, потласьö паръясысь кучикыс. Апала кодзыд сынöдсö. Дзөрöны ки-кокъяс. «Шойчыштны колö, лолыштны»,— мырдөн тшöкті аслым, лэдзи мулань синъясöс, кутчыси пуас, медым юр бергалöм вöсна эг усь. Лоис кокниджык.

Ещö на югдыштiс. Петысь шондiлөн бритва кодъ югöръясыс кучкисны сё вося пожöмъяслөн туганъясас, инмисны еджыд сьöд чукчилөн смоль сьöд морöсас. Ыпнитiс тошка юр вылас кумач кодъ гöрд сорсыс. Орчча пу вылас гогъялис сьлөн пöлыс — энъ дозмöр. Чукчи видзöдлас аслас пöдругаыс вылö, чатöртас юрсö да ставсö вунöдöмөн заводитö сьывны. Сiйö нимкодясис тулысөн, лөнъ шуда асывнас...

Мушка исковтiс пöткалөн пашкыр бöж вывтiыс, кешыштiс боквыв да сувтiс шуйга борд вечик вылас.


Ыджыд руд вуджöр шумтöг тювгысис пуяс костысь, вöчис кытш энъ дозмöр дiнтi да здук кешлö öшйылис сы весьтö. Сюзь.

Пöрысь чукчи пыркнитiс дзор тошнас, нетшыштчис места вывсьыс. Борд шыяслөн клопкöмыс шызьöдiс матiгöгöрсö. Сюзьлөн пыркмунi гöныс, кутiс гөвкъявны сынöдын, а руд рöзбойник öтарö-мöдарö шыбласигтыр тюрис пуяс сайö.

Пöрысь чукчи, быттьö нинöм абу и вöвлöма, бөр пуксис важ местаас, швуч-швачкерис бордъяснас, пыркнитчис, мыйкö броткöдчыштiс, да регыд мысти вылö кыпöдöм юрыс бара мöдiс лётъявны кыз нюдз сьылi вылас. Чукчи ставсö вунöдöмөн сьылис водзö.

Вөр шызьöма уна пöлöс гөлöсьясөн. Көнкö кургисны таръяс, вылын, асья шондi югöръясас, купайтчис да баксiс енмеж, нюрын клопкöдчисны бордъяснаныс ас костаныс косясьысь ай байдöгъяс, муртса кывмөн ылын, дон нюр вылын, кливксiсны турияс. Нюр бокын весалис асьыс чирöм гөлөссö кеня. Но ставсö тайöс венiс

чукчылӧн гортӧм, но вына сыланкывйыс. Сэні кыліс
радейтчӧм, садьмысь олӧмсӧ ошкӧм. Ставсӧ вунӧдӧмӧн
ме кывзі тайӧ сыланкывсӧ, а синъяс водзын пыр на
вӧлі сійӧ серпасыс, кызди чукчи мездіс ассьыс пӧдру-
гасӧ сюзьлӧн ёсь гыжъясысь.



ЮРИНДАЛЫСЬ

Кальсыяс	3
Тшыг тулыс	27
Пужъявлөм кӧдза	54
Ас нянь вылӧ	78
Чая ю бокин	105


Литературно-художественное издание

ДЛЯ ДЕТЕЙ СТАРШЕГО
И СРЕДНЕГО ШКОЛЬНОГО ВОЗРАСТА

Алексей Серафимович ОДИНЦОВ

ПОДМОРОЖЕННАЯ ОЗИМЬ


Рассказы
на коми языке

1=00

Редактор А. В. Тентюков
Художник А. А. Размыслов.
Художественный редактор В. Б. Осипов.
Технический редактор А. Н. Вишнева.
Корректор М. М. Лужикова.

ИБ № 1708

Сдано в набор 31.07.91. Подписано к печати 18.10.91. Формат 84×108¹/₃₂. Бумага № 2. Гарнитура «Литературная». Печать высокая. Усл. печ. л. 5,88; усл. кр.-отт. 6,3; уч.-изд. л. 5,3. Тираж 2000. Заказ № 6429. Цена 80 к. Коми книжное издательство: 167610, г. Сыктывкар, ул. К. Маркса, 229.

Головное предприятие Коми республиканского полиграфического производственного объединения. 167610, г. Сыктывкар, ул. Первомайская, 70.



1=00

1-00
~~80 к.~~

КОМИ КНИЖНОЙ ИЗДАТЕЛЬСТВО
1992